

## Siunnersuummut oqaaseqaatit

### Nalinginnaasunik oqaaseqaatit

#### 1. Aallarniut

##### 1.1. *Siunnersuummut pingaarnertut tunuliaqutaasut*

Naalakkersuisoqatigiinnissamut isumaqatigiissummi ulloq 4. april 2022 -imeersumi takuneqarsinnaavoq takornariartitsinermut inatsimmik nutaamik suliaqartoqassasoq, tassuunalu qularnaarneqassasoq nunatsinni innuttaasut suliaasaqarfinni tamani salliutinneqarnissaat.

Kalaallit Nunaannilu takornariartitsinermik inuussutissarsiuteqartut aamma kissaateqarsimapput takornariartitsinermi suliaasaqarfinni atugassarititaasussanik killiliussanik suliaqartoqartariaqartoq.

Tamatumalu saniatigut aamma umiarsuup takornariartunik ilaasunik angallassissutaasup ulloq 11. september 2023 ikkarlissimanera tamat akornanni oqallinnermik pilersitsisimalluni. Tamatumuuna oqallisaalerpoq isumaliutersuutigineqarlunilu umiarsuit takornariartaatit ilaasunik angallassisartut nunatsinnut sumiiffinnullu pineqartunik qanoq ittunik tunniussaqaqartarnersut pillugit, aammalu piumasagaatinik qanoq ittunik taakkununga peqarnera pillugu. Tamannalu tunuliaqutaralugu aamma kissaataavoq periarfissaasariaqartoq tamatumani atugassarititaasunik ersarinnerusunik aalajangersagaqarnissaanik. [Tamatumani assersuutigalugit pineqarsinnaapput sumiiffinnik immikkoortukkaartunik – taaneqartunik zone-kaartunik aalajangersagaqalernissaa umiarsuarnut takornariartunik angallassissutinut pineqartunut atatillugu, kiisalu inuussutissarsiornikkut aamma ingerlatsisuusunut tunngatillugu, takornariartitsinermik suliaasaqarfinnaanngitsumut atatillugu, imaluunniit piffissani aalajangersimasuni piumasagaataasunik, imaluunniit allatigut immikkut piumasagaatinik peqarnissaa.] Tamatumunngalu aamma atatillugu kissaatiginartutut oqaatigineqarpoq zone-nik taaneqartuni sumiiffinni angalasarnerit uninngaartarnerillu inunnt tamakkunaniittunik atuuttunik peqartariaqartoq, ilaatigut qularnaarumallugu illersorumallugillu sumiiffiit pineqartut assigiinngitsutigut atorneqarsinnaaneri, piffinni angalaartut sillimanissaat, kiisalu aamma sumiiffinni naasut uumasullu illersorumallugit.

Tamanna tunuliaqutaralugu Inatsisartut inatsisissaannut siunnersuut una saqqummiunneqarpoq.

Inatsisartut inatsisaata matuma siunertaraa Kalaallit Nunaanni takornariartitsinermik inuussutissarsiorderup ineriartornerata siuarsarneqarnissaa, kiisalu qularnaarumaneqarluni takornariartitsinermik ingerlatsinerit ingerlanneqassasut isiginiaalluni sillimaniarnernik, peqqissusissamik, avatangiisinik aamma piujuaannartitsinermik, aammalu takornariartitsinermik ingerlatsisuusut inuiaqatigiit kalaallit ineriartornerannut tunniussaqaqartarlutik peqataanissaat.

Siunnersuutikkut periarfissaqartitsisoqarpoq Kalaallit Nunaanni takornariartitsinermik ineriartortitsinerit siuarsarneqarnissaannut, killiliussat aalajangersarneqarsimasut iluanni, taamaasillunilu naleqqunnerpaamik periaaseqarnikkut qularnaarniarneqarlutik takornariartitsinermik inuussutissarsiortut pitsaanerpaanik atugassaqartinneqarnissaat, ilutigisaanilu siuliani pineqartut pitsaasumik isiginiarnerisigut ineriartortitsisoqarnissaa. Siunnersuutikkut pingaarnertut anguniagaavoq piffissamut ungasissumut sammisunik ineriartortitsinissamut killiliussanik pilersitsisoqarnissaa, nunatsinni takornariartitsinermik inuussutissarsiutini ineriartortitsinermik annertusisamik pilersitsiviusumik, annertusaanerup ineriartortitsinerullu ilaatigut annertusisanik piujuaannartitsinermik sillimaniarnermik il.il. tunniussaqaqarneratigut, Kalaallit Nunaanni pinngortitamut aamma uumasunut nujuartanut.

Inatsisartullu inatsisaatigut ugguuna aammattaq siunertaavoq tapersersuinissaq nunap immikkoortuni – zone-nik taaneqartuni immikkoortukkaanik aaqqissuussinissanik maleruagassiornikkut, piffissanut aalajangersimasunut piunasaqaateqarnernik allatigullu inuussutissarsiornikkut immikkut ittunik atugassarititaasunik aaqqissuussinikkut, qularnaarneqarsinnaaqullugu inuussutissarsiutit allat aamma ingerlanneqassasut ilaatigut sumiiffinnik pineqartunik atuinikkut isiginiaaviulluurtunik, ilaatigut sumiiffinnik atuinikkut, sillimaniarnikkut, avatangiisitigut aamma piujuaannartitsineq eqqarsaatigalugu. Pissutsinik isiginiaaneq pineqartutut ittoq tunngavigalugu siunertaavoq Inatsisartut inatsisaatigut tapersorneqassasut periarfissat inuit killeqartunik zone-ni pineqartuni angalaartarsinnaanerat.

### *1.2. Siunnersuutip ataatsimut isigisunik imarisai*

Siunnersuut imaqarpoq malittarisassanik aalajangersaasunik aaqqissuussinernik takornariartitsinermik ingerlatsisunut Kalaallit Nunaanni piunasaqaatinik, Naalakkersuisunit akuersissummik licensimik allagartamik tunniussisoqartarnissaa pillugu. Siunnersuutigineqarpoq piunasaqaateqartoqarnissaa akuersissummik pigisaqartut ilaatigut pingaarnertut najugaqartuusassasut tamakkiisumillu Kalaallit Nunaanni akileraartartuussasut, takornariartitsinermillu ingerlatsinerminnut atatillugu sillimaniarnissamut pilersaarusiorsimasassasut ajutoortoqarsinnaaneranut takornariartitsinermut atatillugu, sillimmasiisassasut allatigullu sillimaniarnikkut aaqqissuussisassasut. Ilanngulluguttaaq siunnersuutigineqarpoq Naalakkersuisut piunasaqaatit siuliani pineqartut eqqortinneqartarneri pillugit nakkutilliisuunissaat. Kiisalu aamma ilanngullugu siunnersuutaavoq Naalakkersuisut ersarinnerusunik malittarisassiorsinnaanerat, inuussutissarsiornikkut ingerlatsineq pisinnaasoq sumiiffinni ersarinnerusunik aalajangersaavigineqartuni, piffissaliussani ersarinnerusuni imaluunniit atugassarititaasut immikkut ittut atortinneqarnerisigut. Assigisaanik aamma siunnersuutigineqarpoq Naalakkersuisut killilersuisinnaasut angalaarsinnaanernik uninngaarsinnaanernillu sumiiffinni aalajangersimasuni, sumiiffiup allatigut atorneqarsinnaanera illersorumallugu, angalaartartut sillimaniarnissaat illersorumallugu kiisalu aamma pinngortitami sumiiffiit avatangiisillu aamma illersorneqarnissaat isiginiarumallugit.

## **2. Siunnersuummi immikkoortut pingaarnerit**

*2.1. Takornariartitsinermik ingerlatsisuusinnaanermut licensimik akuersissuteqartoqarnissaanik piumasaqaat*

### *2.1.1. Inatsisit atuuttut*

Piffissami matumani inatsiseqanngilaq takornariartitsinermi licensimik akuersissuteqartarnermik immikkut aqutsisumik.

Taamaakkaluartoq Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat aqutsisuuvoq takornariartitsinermi nioqqummik nioqqutinilluunniit arlaqartunik tunisaqartarnermik sumiiffinni aalajangersimasuni.

### *2.1.2. Naalakkersuisut isumaliutaat*

Siunnersuut ilaatigut siunnerfeqarpoq Kalaallit Nunaanni takornariartitsinerup siuarsarnissaanik, ineriartornerullu tamatuma sillimaniarnermik, peqqissutsimik aamma avatangiisinik piujuaannartitsinermillu isiginiaalluarluni ingerlanneqarnissaanik. Naliliisoqarpoq ineriartornerup tamatuma pissusissamisoornerpaamik siuarsarneqarsinnaanera ineriartortinneqarsinnaaneralu takornariartitsinermi ingerlatsinermut killiliussanik aalajangersaanikkut.

Taamaattumik Naalakkersuisut naliliineraat piumasaqaatinik aalajangersaasoqassasoq Kalaallit Nunaanni takornariartitsisoqarsinnaanngitsoq Naalakkersuisunit akuersissummik licensimik peqanngikkaanni. Licensimillu tunineqarluni nalunaarfigineqartut tamatuma kingornagut inatsisinik eqquutitsillutik takornariartitsinermik ingerlatsisassapput, Inatsisartut inatsisaanni uani killiliussat iluanni, aamma malittarisassat inatsimmik tunngaveqartumik suliaasut iluanni, akuersissutillu pigineqartup killiliussaasa iluani. Licensi aallaavittut piffissalikkami piffissami atuuttussatut tunniunneqartariaqarpoq.

Aaqqissuussinermi aalajangersimasunik piumasaqaateqartoqarsinnaassaaq akuersissuteqarfigineqarnissamik qinnuteqartup sillimaniarnermut pilersarusiorsimanissaa takornariartitsinermik ingerlatsinissamut, tamannalu licensimik akuersissuteqarsinnaanernut aallaaviussalluni. Pisariaqarpoq inatsimmi piumasaqaataasut sanioqqunneqarsinnaanissaannut arlaqartunik periarfissaqarnissaa, matumani aamma ingerlatsisut minnerit allaffissornikkut oqimaarsaatissanik tuniorarumanagit. Kiisalu aamma pisuni immikkut ittuni piumasaqaatinik sanioqqunneqarsinnaanerannik aalajangersagaqartariaqarluni.

Ilaatigut piumasaqartoqartariaqarpoq pisinnaatitsissummik pigisaqartup Kalaallit Nunaannut attaveqartuuneranik aammalu akileraartartuuneranik.

Inuussutissarsiornermut, Niuernermit, Aatsitassanut Inatsisinik Atuutitsinermut Naligiissitaanermullu Naalakkersuisoqarfiup tamatumunnga atatillugu isumaliutigisimavaa

piumasaqaatit taamaattut Kalaallit Nunaannut atasuunissamik arsaarinnittoqarsinnaanernik isumaliuteqarsinnaanermut pissutissaqartitsilissanersut. Inatsimmi tunngaviusumi § 73, imm. 1 naapertorlugu kinaluunniit pisussaasunngortinneqarsinnaanngilaq sanaartukkanik pigisaminik iperaasinnaanermik, inuit tamat tamanna piumasarinngippassuk. Tamannalu aamma taamaallaat pisinnaavoq inatsisiliornikkut aammalu tamakkiisumik taarsiiviginninnikkut.

Taamatut isumaliutersuuteqarneq pissuteqarpoq piumasaqaataasinnaasut pineqartutut ittu kinguneqarsinnaanerat qinnuteqartunut pisariaqalersinnaammat suliffeqarfiummik tunisaqartariaqalerneq, piumasaqaatinik pineqartunik imaaliinnarluni naammassinnittoqarsinnaanngippat. Qularnaarneqassaaq sanaartukkanik pigisanik nuussisoqarsinnaannginnissaa, assersuutigalugu immikkut akuersissuteqarsinnaanermut aalajangersagaliornikkut pisuni immikkut ittuni, inatsimmi piumasaqaatit pisariaqalersitsivigisinnaasaannik arsaarinnittoqarnissaanik. Ilutigisaanik sanioqqutsisinnaanermik aalajangersakkat sinneri kiisalu ikaarsaariarnermi maleruagassat peqataassapput qularnaarinermi piumasaqaatitsigut arsaarinnissinnaaneq pineqanngitsoq.

Tamatumalu saniatigut piumasaqaateqartoqartariaqarpoq qinnuteqartup sillimaniarnermut pilersaarummik suliaqarsimaneranik takornariartitsinernut neqeroorutiginiarneqartunut ingerlanniarneqartunullu atasumik, kiisalu aamma sillimmasiisoqarsimassalluni imaluunniit allatigut qularnaveeqqusiisoqassalluni.

Nalilerneqarpoq inuit imaluunniit inatsisit naapertorlugit inuit inunnik Kalaallit Nunaanniit utimullu nunallu nammineq iluani angallassinernik ingerlatsisartut, kiisalu tamatumunngali atatillugu takornariartitsinernik ingerlatsisannigitsut licenseqarnissamut ilaanngitsut. Tamanna taamaallaat atuuttariaqarpoq inunnik angallassisarnerni. Angallassisutit atorpeqassappata takusassarsiortitsisarnernut kiffartuussinernullu allanut Inatsisartut inatsisaannik matuminnga tunngaveqartunik, taava licensimik akuersissuteqarnissamik piumasaqartoqartariaqarpoq.

Nakkutilliisoqartariaqarpoq Inatsisartut inatsisaanni matumani piumasaqaataasut aamma malittarisassat Inatsisartut inatsisaannik tunngaveqartut atortinneqarnerisa akuersissummilu atugassarititaasut naammassineqartarnissaanik.

Naalakkersuisunut periarfissaasariaqarpoq peqqussuteqarsinnaanernut, takornariartitsisartut pissutsinik atuuttuulersunik Inatsisartut inatsisaannik unioqqutitsiviusut iluarsineqartarnissaannut, aammalu malittarisassaqluni Inatsisartut inatsisaat naapertorlugu.

### *2.1.3. Aaqqissuussineq siunnersuutigineqartoq*

Siunnersuutigineqarpoq aaqqissuussinermik pilersitsisoqassasoq, piumasaqaateqarfiusumik Kalaallit Nunaani takornariartitsinermik ingerlatsisinnaajumalluni licensimik akuersissummik

nalunaarfigineqarsimanissamik piumasaqaateqarfiusumik. Naalakkersuisut aalajangiisassapput licensimik tunniussaqaarnissamik inunnt imaluunniit inatsisit naapertorlugit inunnt, takornariartitsinermik ingerlatsisinnaajumallutik akuersissummik qinnuteqarsimasunut.

Tamatumunnga atatillugu piumasaqaatinik aalajangersimasunik atuuttoqartariaqarpoq, licensimik tunineqarsinnaassagaanni naammassineqarsimasussanik.

Siullertut siunnersuutigineqarpoq licensimik pigisaqartup Kalaallit Nunaannut atasuunissaa maanilu akileraartartuunissaalu.

Aappaattut siunnersuutigineqarpoq piumasaqaat qinnuteqartup sillimaniarnermut takornariartitsinermi ingerlanneqartussatut neqeroorutiginiakkaminut atatillugu pilersaarutininik suliaqarsimanissaa. Siunnersuut naapertorlugu sillimaniarnermut pilersaarusiame ilaassapput nalorninaatinik nalilersuinerit, imaqartussaqaq immikkut ingerlanniakkanut aalajangersimasunut atatillugu sillimaniarnikkut naliliinernik, ilanngullugulu ilaassalluni ulapungaarsimalluni iliuusissanut pilersaarusiaq, nalorninaatinik nalilersorneqartunik aallaaveqartussaqaq ingerlatassani pineqartuni namminerni, imaqartussaallunilu iliuusissat allaaserinerinik ulorianarluinnartunik pisoqassagaluarpat imaluunniit ajutoortoqassagaluarput pilersinneqartussanik. Sillimaniarnermut pilersaarummik immersuisoqartariaqassanngilaq inatsisini allani atuuttunik malittarisassaqaqarpat, aalajangersimasunillu periaasissaqaqarpat ingerlatsinernut aalajangersimasunut atuuttunik, qinnuteqartup malitassanik. Assersuutigalugu taamaassinnaavoq imaatigut angallassinernut, inatsisitigut piumasaqaateqarfioreersunik umiarsuarni sillimaniarnermut atuuttunik. Ilangullugulu sillimaniarnermut pilersaarutininik sanioqqutsisinnaanermut malittarisassaqaqartariaqarpoq, ingerlatsinernut atatillugu ulorianarsinnaasut piunngippata, taamalu sillimaniarnikkut pilersaaruteqarnissaqaq pisariaqanngippat.

Pingajuattut sinnersuutigineqarpoq piumasaqaatinik atuuttoqassasoq licensimik nalunaarfigineqartup sillimasiisimanissaanik, imaluunniit allatigut qularnaveeqqusiissuteqarnissaanik, akuersissummik pigisaqartup taarsiissuteqarsinnaaneranut akisussaaffimmut atsumik. Tamannali atuuttariaqanngilaq pisuni qinnuteqartup sillimaserfigisinnaanngisaani, imaluunniit allatigut qularnaveeqqusiiffigisinnaanngisaani, matumanissaaq assersuutigalugu takornariartitseriaatsimi pineqartumi sillimasiisarnernik atuuttoqarfiunngitsuni, qinnuteqartup neqeroorutigissallugit eqqarsaatigisaani. Assersuutigalugu matumani pineqarsimasinnaapput qimussiussisarnernit.

Naalakkersuisut siunnersuut naapertorlugu immikkut ittutigit siulianiittuni piumasaqaatini sanioqqutsisoqarsinnaaneranik periarfissaqartinneqassapput. Tamanna assersuutigalugu atuussinnaavoq takornariartitsinermik ingerlatsisumi immikkut isiginiagassaqaqartillugu imaluunniit inuiaqatigiinnut atatillugu immikkut isiginiagassaqaqartillugu. Naalakkersuisut assersuutigalugu

sillimaniarnermut pilersaarutininik piumasaqaatinik atuinnginnissamik aalajangiisinnaassapput takornariartitsinermik ingerlatsivimmumt pineqartumut tunngatillugu, kiisalu imaluunniit takornariartitsinikkut ingerlatanut takornariartitsisartumit neqeroorutiginiarneqartunut atatillugu. Kiisalu aamma assersuutigalugu pisoqarsinnaavoq takornariartitsisartumut immikkut isiginiaasoqarsimatillugu, matumanissaaq takornariartitsisartumi sulisuusut ikittut amerlassusaat isiginiarneqartussaattillugu, nunani allani najugaqarallarneq ilinniagaqarnermi imaluunniit nappaateqarluni, imaluunniit naliliisoqarpat takornariartitsinermik ingerlatsisartoq naapertuutinnigitsunik allaffissornikkut imaluunniit aningaasatigut nammagassinneqassasoq, licensimik qinnuteqassaguni, imaluunniit licensimut piumasaqaatinik naammassinnissinnaajumalluni. Assersuutit uaniittut tamakkiisuunngillat.

Takornariartitsisarnermut licensi pisut ilaanni atorunnaarsinneqarsinnaavoq, matumani aamma takornariartitsisartoq licensimik pigisaqartoq peqqussutaasunik malinnissimanngippat Inatsisartut inatsisissaattut siunnersuutigineqartumik matuminnga.

Siunnersuut naapertorlugu isiginiaasoqartussaavoq Inatsisartut inatsisaanni matumani piumasaqaatit naammassineqartarnerannik, aamma malittarisassat Inatsisartut inatsisaannik tunngaveqartut imaluunniit licensimi atugassarititaasut. Nakkutilliisutut oqartussaasut ilaatigut paasissutissanik piumasaqarsinnaapput nakkutilliinermut atatillugu atussallugit pisariaqartunik.

Kiisalu aamma siunnersuut naapertorlugu Naalakkersuisut pisinnaatinneqassapput peqqussutaasussanik aalajangersaasarnissanut, takornariartitsisartup pissutsit Inatsimmik unioqqutitsisuusut licensimiluunniit atugassarititaasut unioqqutsinneqartut iluarsiivigisassai pillugit.

Peqqussutaasunik siuliani pineqartunik naammassinnittoqarsimanngippat siunnersuut naapertorlugu licensimik utertitsisoqarsinnaavoq.

Kiisalu siunnersuutigineqarpoq pineqaatissiissuteqartoqarsinnaasoq akiliisitsinikkut, takornariartitsisarnermi ingerlatassanik neqeroortoqartarsimappat imaluunniit ingerlatsisoqartarsimappat licensimik peqarani atorsinnaasumik, licensimi pigisami atugassarititaasunik unioqqutitsisoqarsimappat, eqqunngitsunik paatsiveerusaataasunilluunniit paasissutissiisoqarsimappat imaluunniit paasissutissanik nipangiussisoqarsimappat Inatsisartut inatsisaat naapertorlugu pisortanut ingerlatinneqartussanik, imaluunniit peqqussutaasunik Inatsisartut inatsisaat naapertorlugu naammassinnittoqanngippat.

Siunnersuutigineqarpoq kaffisortitsisarnerit, qilaatersortarneq, avaajaararneq aamma allatigut eqqumiitsuliornikkut ingerlatsinerit licensimik peqarnissami ilaassanngitsut. Eqqumiitsuliornikkut allatigut ingerlatsinerit kulturimut attuumasutut paasineqassapput kaffisortitsineq assigalugu qilaatersorneq aamma uajaarneq siunertaqartut kalaallit kulturitoqaanik takutitsisarnermik eqqumiitsuliornikkut, qitinnikkut, niperujoornikkut imaluunniit allatigut takutitsinertigut.

Siunnersuutigineqarpoq inuit imaluunniit inatsisit naapertorlugit inuit takornariartitsinermit ukiumut 50.000 kr.-it ataallugit isertitaqartartut licensimik peqarnissami ilaassanngitsut. Aalajangersakkami siunertaavoq ingerlatsisut minnerusutut taaneqartut takornariartitsinermit ingerlatseqataasut Inatsisartut inatsisaat naapertorlugu, pisariaqanngitsunik allaffissornikkut oqimaarsaasersunnginnissaat. Siunnerfiuvoq ilaatigut pineqassanngitsut inuit takornariartitsinermit ingerlatseqataasut piffissap ilaani ingerlatsisarnikkut imaluunniit aliikkutaralu sammisaqartartut.

Kiisalu aamma siunnersuut naapertorlugu malittarisassiortoqarsinnaavoq inuussutissarsiutit sammiviisa aalajangersimasut Inatsisartut inatsisaata avataaniinneri pillugit, taamalu licenseqartussaanerup avataaniittutut.

## *2.2. Zone-nut immikkoortitserineq il.il., inuussutissarsiutigalugu ingerlatsinermit aamma inuit zone-ni pineqartuni angalaarsinnaaneri pillugu*

### *2.2.1. Inatsisit atuuttut*

Ullumikkut inatsisinik atuuttoqarpoq aqutsisunik inuussutissarsiornikkut ingerlatat ilaannik, aamma sumiiffiit ilaannut ammaassisartunik. Assersuutigalugu inatsiseqarpugut avatangiisinik ersarinnerusumik aqutsissutaasunik, soorluttaaq suliaasat immikkoortukkaartut pillugit aqutsisoqartoq, assersuutigalugu aalisarnermi, piniarnermi aamma aallaaniartarnermi, sanaartornermi, aatsitassarsiornernik ingerlatsisarnerni kiisalu aamma inuussutissarsiornernik kalaallit imartaanni ingerlatsinermit atasunik. Kiisalu aammattaaq inatsiseqarpugut kalaallit nunatsinni pinngortitamik ersarinnerusunik illersuinermit malittarisassiortarnermi tunngaviusunik.

Taamaakkaluartoq inatsisini maanna atuuttuusuni aalajangersagaqanngilagut aqutsissutaasunik sumiiffinnik zone-nut immikkoortitserisinnaanernut inuussutissarsiornikkut ingerlatsinermit tamanut atasunik, imaluunniit ataatsimut zone-ni pineqartutut ittuni aangalaarsinnaanermut uninngaarsinnaanermulluunniit.

### *2.2.2. Naalakkersuisut isumaliutersuutaat*

Siunnersuut siunnerfeqarpoq siuarsaaniarnermit inuussutissarsiutigalugit ingerlatsinermit atugassarititaasunik ersarinnerusunik, matumanissaaq umiarsuarnut takornariartaatinut ilaasunillu angallassissutinut umiarsuarnut allanut atasunik, sillimaniarnermit, peqqissusissamik, avatangiisinik aamma piujuaannartitsinermit isiginiaasunik, kiisalu killiliisinnaajumalluni angalaartarnermit uninngaartarnermillu sumiiffinni aalajangersimasuni, eqqarsaatigalugit angalaartartut isumannaallisaaviginissaat, sumiiffiit allatigut atorneqartarnissaannut periarfissat, kiisalu aamma kalaallini pinngortitarput illersorumallugu.

Taamaasilluni aalajangersakkap ilaatigut aquttariaqarpaa inuussutissarsiutigalugu ingerlatsineq aamma ilaatigut ataatsimut isigisumik angalaartarnej.

Taamaasillutik Naalakkersuisut naliliipput pisariaqartitsisoqartoq ersarinnerusunik malittarisassiornissanut, aqutissiuunneqaqqullugu inuussutissarsiornikkut ingerlatsinerit Kalaallit Nunaannut tunniussaqtarnissaat, nunamut tamarmut atuuttuni aammali sumiiffinni namminerni. Assersuutigalugu pissusissamisuussaaq aalajangersaasoqarnissaa atugassarititaasunik, kinguneqartussanik inuussutissarsiutinik tunngavilimmik ingerlatsisoqartassamat zone-ni aalajangersimasuni (paasillugu sumiiffinni aalajangersimasuni) imaluunniit piffissani aalajangersimasuni, illersorumallugu mianeriumallugulu pinngortitaq avatangiiserput, uumasut sumiiffimmiittut imaluunniit allatigut inuussutissarsiutinik ingerlatsineq, soorlu piniarneq piniartullu. Pissutsit eqqaaneqareersut tunngavigalugittaaq pissusissamisuussaaq aqutsisoqarnissaa, matumanilu aamma killiliisoqartarnissaa angalaartunik uninngaartunillu, sumiiffinnut aalajangersimasunut atasumik.

Naalakkersuisut nalilerpaat pissusissamisoornerussasoq atugassarititaasussanik pineqartutut ittunik aalajangersaasarnerit kommuniniippata, kommunit nalinginnaasumik piukkunnarnerummata nalilersuisarnissanut kommunimi suliaasaqarfiit suut immikkut killilersuiviusariaqartut. Naalakkersuisut ilaatigut isumaliutigisimavaat malittarisassat periarfissaqartitsisariaqartut inuussutissarsiornikkut immikkut sammivinni aalajangersimasuni killilersuusiisinaanermut, immikkoortitserisoqarsinnaallunilu assersuutigalugu zone-ni, immikkut ittunik piumasqaateqarfiusunik, aamma zone-nik inuussutissarsiutinik ingerlatsivigeqqusaanngitsunik. Ilanngullugulu malittarisassat aalajangersartariaqarput kommunimi pilersaarut aamma nunamut tamarmut pilersaarut pillugit inatsisit naapertorlugit, kiisalu aamma isiginiaasumik allatigut inatsisinik, taamaattoqarpat, sumiiffinni angalasinaanernik aqutsisuusunik.

Naalakkersuisut tamatumunnga atatillugu aamma isumaliutigisimavaat zone-ni pineqartuni alangalaarsinnaaneq uninngaarsinnaanerlu aqunneqarsinnaasariaqartut, aammalu killilersorneqarsinnaallutik. Periarfissat malittarisassiorsinnaanernut angalaartarnerit uninngaartarnerillu eqqarsaatigalugit zone-nut taamaallaat atuuttariaqanngillat, takornariartitsisarnernut inuussutissarsiornernullu atasunik malittarisassiorfiusartunut, immikkut isiginiagassaqtarsinnaamat tunuliaqutaasunik angalaarsinnaanerup killeqarnissaanut.

Taamaasillunilu siunnersuut malittarisassanik imaqtartariaqarpoq, periarfissaqartitsisussanik inuussutissarsiornernut, angalaartarnermut uninngaartarnermullu ersarinnerusunik atugassarititaasunik, inatsisiliornermi ilaariinngitsunik.



### 2.2.3. Aaqqissuussineq siunnersuutigineqartoq

Siunnersuutigineqarpoq eqqussisoqassasoq pisinnaatitsissutitut aalajangersakkamik, Naalakkersuisut ersarinnerusunik malittarisassiorsinnaangorlugit, inuussutissarsiutigalugu ingerlatsineq taamaallaat ingerlanneqarsinnaassasoq ersarinnerusunik aalajangersaavigisaasuni sumiiffinni, piffissani ersarinnerusunik aalajangersakkani, imaluunniit immikkut atugassarititaasunik malinninnikkut.

Pisinnaatitsissummi ilanngullugu Naalakkersuisut periarfissinneqassapput ersarinnerusunik malittarisassiornissamut sumiiffinnut pineqartunut ingerlasinnaanernut tammaarsimaartarsinnaanernullu.

Taamaasilluni aalajangersagaq marlunnut aveqqavoq, aqutsillunilu inuussutissarsiutigalugu ingerlatsinermik aamma sumiiffinni angalaartarnernik.

Malittarisassanik aalajangersaaneq pisussaassaaq inuussutissarsiornermi avatangiisinullu tungasutigut inatsisaasut naapertorlugit, soorluttaaq isiginiaasoqartariaqassasoq illuutininik imaluunniit sanaartukkanik arsaarinnissuteqartoqartannginnissaa. Inerteqquteqarnerit inuussutissarsiornermik imaluunniit angalaarsinnaanermik uninngaarsinnaanermilluunniit tunngaviusutut naatsorsuutigisaavoq imaqassanngitsut inuussutissarsiutinik ingerlataareersunut sumiiffinni ingerlanneqareersunut tunngasunik. Immikkut ittutigut malittarisassiortoqarsimassappat inuussutissarsiutaareersunut sunniuteqartussanik, tamatuma ilutigisaanik malittarisassiortoqartariaqartassaaq immikkut sanioqqutsisinnaanermik nalunaaruteqarsinnaaneq pillugu, inuussutissarsiutinik pioreersunik ingerlatsinernillu pioreersunut pisinnaatitaanernulluunniit pissusissamisunnigitsunik akuleruttoqaqqunagu.

Malittarisassanik aalajangersaanerit sumiiffinnut aalajangersimasunut killilikkamik angalaarsinnaaneq uninngaarsinnaanerlu pillugit ingerlanneqassapput aamma Kalaallit Nunaata nunarsuatsinni nunat tamalaat akornanni pisussaaffiinik tunngaveqartunik, tamatumani aamma Europamiut inuit pisinnaatitaaffii pillugit isumaqatigiissutaat - Den Europæiske Menneskerettighedskonvention (EMRK). Sumiiffinnut angalaarsinnaaneq uninngaarsinnaanerlu pillugit killilersuinerit akerliusariaqanngillat akornusersuinerit pinngortartunut illersuinerit aaqqissuussinikkut. Taamaasilluni malittarisassiornermi atsikkutigiiissaarisoqartariaqarpoq. Taamaattumillu malittarisassat imaqartariaqarlutik immikkut sanioqqutsisinnaanermut akuersissuteqarsinnaanermullu, kiisalu nalunaarsuutinik angalaarsinnaaneq uninngaarsinnaanerlu killeqartumik pisinnaanersooq pillugu, immikkut pisinnaatitsinermik tunngavilimmik. Immikkut akuersissuteqarsinnaanermut periarfissaq, assersuutigalugu tassaasinnaavoq inuup immikkut naliliisoqareerneratigut akuerineqarsinnaanera angalaarsinnaanermut uninngaarsinnaanermullu sumiiffinni, ilaqutariinni immikkut isiginiagassatut pingaaruteqartunik tunngavilimmik,

aningasaqarnikkut isiginiagassanik imaluunniit allatigut pingaarutilimmik ajoqutaasunik peqquteqartumik.

Aalajangersakkami aallaaviussaaq Naalackersuisut pisinnaatitaanissaat suliassaqarfimmut atatillugu ersarinnerusunik malittarisassiorsinnaanerat, kisiannili aallaavittut kommunit taakkuussasut suliniutini iliuseqartussat assersuutigalugu siunnersuuteqarnikkut kommunimi sumiiffinnik aalajangersimasunik, immikkut illersorneqartariaqartunik, immikkullu ittunik atugassaqarfiusunik, inuussutissarsiornikkut ingerlatsisinnaanermut piunasaqaatitut, imaluunniit sumiiffimmi pineqartumi angalaarsinnaanermut uninngaarsinnaanermulluunniit. Zone-nut agguaassisoqarsimassappat isiginiarneqartussaapput kommunimut pilersaarutinik aamma nuna tamakkerlugu pilersaarutinik aqutsineq, taakkunungalu uniuuttunik aalajangersaasoqassanani. Tamanna aamma atuuppoq inatsisinut allanut atasumik, zone-nut agguaanernik aqutsisunut, kiisalu sumiiffinni angalaartarnernik sumiiffinnilu uninngaartarnernik aqutsisunut atasumik.

Malittarisassaqaarnikkut inuussutissarsiornermik taamaallaat ingerlatsisoqarsinnaasoq sumiiffinni aalajangersimasuni, aammalu angalaarneq uninngaarnerlu killeqartussaasut, paasineqartassapput zone-nut agguaasinnaanertut. Assersuutigalugit pineqarsinnaapput zone-nut assigiinngitsunut agguataarinerit inuussutissarsiornikkut ingerlatsinerni imaluunniit angalaartarnerni tammaarsimaartarnerniluunniit. Assersuutigalugu pineqarsinnaavoq zone qorsuusoq killilersuivunngitsoq, zone sungaartoq immikkut piunasaqaateqarfiusoq atugassaqarfiusorlu, kiisalu zone aappalaartoq tamakkiisumik inerteqquteqarfiusoq inuussutissarsiutinik ingerlatsisinnaanermut aamma / imaluunniit angalaarsinnaanermut uninngaarsinnaanermullu.

Periarfissat malittarisassiorsinnaanernut ersarinnerusunik killilersuinernik imaqartunik angalaarsinnaanernut uninngaarsinnaanernullu sumiiffinni aalajangersimasuni zone-ni tamani atuutinngilaq, takornariartunut imaluunniit inuussutissarsiortunut killilersuinernik aalajangersaavimusimasuni. Taamaasillunilu pisariaqanngilaq ataqatigiinnissaat pissutsit zone-nut aamma inuussutissarsiornermik ingerlatsineq, aamma killilersuineq angalaarsinnaanermut uninngaarsinnaanermulluunniit. Tassami periarfissaqarpoq aalajangersaanissamik zone-mik killilersuiviusumik angalaarsinnaanermut uninngaarsinnaanermulluunniit, kisiannili assigisaanik malittarisassanngitsunik inuussutissarsiorsinnaanermut. Assersuutigalugu isiginiagassaqaarsinnaavoq killilersuinissamik sersersuarmi angalaarsinnaanermut uninngaarsinnaanermullu, kisiannili assigisaanik pisariaqartitsiviunngitsumik inuussutissarsiorsinnaanerup killilersornissaanik.

Malittarisassaqaartillugu inuussutissarsiornernerup imaluunniit angalaartarnerup uninngaartarnerullu taamaallaat pisarsinnaanerannik piffissani aalajangersimasuni, paasineqarsinnaavoq, assersuutigalugu inuussutissarsiornermik ingerlatsisoqarsinnaasoq aalisarnermi imaluunniit piniarnermut piffissaliussani, imaluunniit piffissami immikkut pineqartuni uumasunut naleqquttuni.

Malittarisassaqaarneratigut inuussutissarsiornerup imaluunniit angalaarnerup uninngaarnerulluunniit taamaallaat pisinnaanerani immikkut imaqartunik, assersuutigalugu paasineqarsinnaapput piomasagaatit immikkut ittut sillimaniarnermut sillimmasiisarnermullu atatillugu piomasagaataasinnaasut, atortorissaarutit aalajangersimasut atorneqarnissaat imaluunniit inerteqqutaanissaannut inuussutissarsiornermi imaluunniit angalaarnermi aamma uninngaarnermi.

### **3. Aningaasaqarnikkut aamma allaffissornikkut pisortanut kingunerisassai**

Naliliisoqarpoq siunnersuut pitsaasunik aningaasaqarnikkut pisortanut sunniuteqartussaasoq. Naatsorsuutigineqarporlu tamanna pissasoq suliffissat annertusinerisigut aamma aningaasatigut kaaviiartitat amerlinerisigut.

Siunnersuut imaqarpoq aalajangersakkamik, takornariartitsisarnermik ingerlatsisinnaanermut licensimik qinnuteqartut inatsisartut inatsisaannik tunngaveqartumik pisortat sullissinerannut akitsuut akilertassagaat. Taamaasillunilu naatsorsuutigineqanngilaq pisortanut aningaasaqarnikkut kinguneqassanngitsoq sulianik ingerlatsineq, allatigullu pisortat sulianik pineqartunik ingerlatsinerat. Taamaakkaluortoq siunnersuut sulisut nukiinik kiisalu allaffissornikkut allatigut atuinermik kinguneqassaaq. Tamanna ilaatigut atuutissaaq qinnuteqaatinik suliaqarnermut, licensinik nalunaaruteqartarnernut kiisalu nakkutilliinermi sulianut pisussaaffiusunut. Kiisalu allaffissornikkut kinguneqarsinnaavoq zone-nut agguataarinerup il.il. inuussutissarsiortunut atatillugu allaffissornikkut suliarineqartunut, aamma zone-ni pineqartuni angalasinnaanerit uninngaarsinnaanerillu killilersorneqarnerannut.

### **4. Aningaasaqarnikkut aamma allaffissornikkut inuussutissarsiortunut kingunerisassai**

Siunnersuut saqqummiunneqarpoq Kalaallit Nunaanni takornariartitsinerup ineriartortinneqarnera siuarsarumallugu, naliliisoqarporlu siunnersuut ungasinnerusumut isigisunik pitsaasunik aningaasaqarnikkut sunniuteqarumaartoq inuussutissarsiortunut, Kalaallit Nunaanni takornariartitsineq eqqarsaatigalugu. Tamanna ilaatigut kaaviiartitat annertunerulernerisigut Kalaallit Nunaanni takornariartitsinermik inuussutissarsiutini, matumanissaaq takornariartitsinermik ingerlatsinermi sillimaniarnermut atatillugu piomasagaatinik arlaqartunik aalajangersaasoqarneratigut, taakkualu tamanut saqqummiunneqartarnerisugut, takornariartitsisartuni licenseqartuni, tamatumuunalu takornariartitsisartut akornanni assigiissaarisqaarneratigut takornarianut Kalaallit Nunaanni angalaartartunut. Ilutigisaanik naatsorsuutigineqarpoq inatsisissamut siunnersuut kinguneqassasoq takornariartitsinermik inuussutissarsiutit sumiiffinnut namminernut annerusumik kisartitsernerannik, tamatumuunalu ilaatigut - nalorninaatitaqalaaraluartumik – sumiiffinni sulisuusunik nukittorsaaviusumik.

Naliliisoqarpoq siunnersuut inuussutissarsiortunut pitsaanngitsunik aningaasarsiornikkut sunniuteqartussatut, Kalaallit Nunaanni takornariartitsinermik ingerlatsiumallutik licensimik qinnuteqartartunut, kiisalu licensimik tunineqartartunut, inuussutissarsiortut akilertassammassuk

sulianik ingerlatsinernut akitsuut, allatigullu pisortat ingerlatsineri Inatsisartut inatsisaat naapertorlugu, matumani pisariaqaraangat aamma paasissutissanik ujartorneqartunik pissarsiniartarnerit ingerlatitsisarnerillu.

Tamatuma saniatigut naatsorsuutigineqarsinnaassaaq aningaasaqarnikkut pitsaanngitsunik inuussutissarsiortunut ullumikkut takornariartitsinermik ingerlatsisuusunut kisiannili Kalaallit Nunaanni takornariartitsinermut licensimik qinnuteqarnerminni itigartinneqartunut. Tamanna assersuutigalugu kinguneqarsinnaavoq inuussutissarsiummik ingerlatsisut suliffiutiminnik tunisaqartariaqalernerannik, imaluunniit allatigut inatsimmi piunasaqaatinik naammassinnittariaqalernerannik, matumani assersuutigalugu Kalaallit Nunaanni najugaqartussaanerup piunasaqaatit aalajangiunneqarneratigut. Inatsisissatullu siunnersuut ilanngullugu aamma kinguneqarsinnaavoq nunanit tamalaaniit takornariartitsinermik maani ingerlatsisartut tunuarnerannik, imaluunniit Kalaallit Nunaanni aningaasaliinnaarnerannik, inatsimmi piunasaqaatinik naammassinnissinnaannginnamik. Tamanna takornariartitsinermut namminermut tassanilu ineriartortitsinermut pitsaanngitsunik sunniuteqarsinnaavoq, annaasaqartoqarsinnaammat aningaasaliiniarnernik, sulisussanik immikkullu ilisimasanik. Sunniutaasinnaasut pitsaanngitsut tamakkua annikillisarniarsarinqarsimapput, ilaatigut piffissamik ikaarsaariarfiliinikkut, maanna Kalaallit Nunaanni takornariartitsinermi inuussutissarsiortut eqqarsaatigalugit.

Taamaakkaluortoq naliliisoqarpoq siunnersuummi soqutaannginnerusunut killiliussat, sanioqutsisinnaanernik aalajangersakkat allat kiisaalu ikaarsaariarnermut aalajangersakkat kingunerisaannik arsaarinnittoqarneranik manna kinguneqartussaanngitsoq, tak. tamatumunnga atatillugu nassuiaatini imm. 2.1.2. Taakkualu saniatigut isiginiarneqassapput pisut ilaanni aalajangersakkanik sanioqutsisinnaanernut aalajangersakkat.

Kiisalu aamma siunnersuut pitsaanngitsunik allaffissornikkut inuussutissarsiortunut sunniuteqassaaq, inuussutissarsiortut allaffissortussaammata licensimik pissarsiniarlutik paasissutissanillu katersisarlutik. Inuussutissarsiortunut allaffissornikkut kingunerisassat pitsaanngitsut annikillisarniarneqarsimapput takornariartitsinermik inuussutissarsiortunut aalajangersakkanik sanioqutsisinnaanermut aalajangersakkatigut, soorlutaaq ammut soqutaannginnerusunut killiliussaartoq, qaqugukku inuussutissarsiortut licensimik takornariartitsisarnermut qinnuteqarsinnaanersut eqqarsaatigalugu.

Kiisalu aamma aningaasaqarnikkut aamma allaffissornikkut inuussutissarsiortunut sunniuteqarsinnaapput malittarisassanut attuumassuteqartuusinnaasut, zone-nik immikkoortukkaanik aaqqissuussinernut atasut il.il., inuussutissarsiortunut sammititaasut. Taamaattorli malittarisassat aamma ajunngitsunik sunniuteqarsinnaapputaaq inuussutissarsiornermik ingerlatsivimmuut ataatsimoortumut, soorlu arfanniartartunut, malittarisassat soqutigisanik pineqartunik isiginiaasinnaammata, assersuutigalugu zone-nut immikkoortitseraluni aaqqissuussinermi.

### **5. Avatangiisinut, pinngortitamut innuttaasullu peqqissusiannut sunniutaasussat**

Siunnersuut nalilerneqarpoq ajunngitsunik avatangiisinut aamma pinngortitamut sunniuteqartussat. Taamaasillunimi siunnersuutip ilaatigut kingunerisussaavai aaqqissuussinerit avatangiisinik aamma pingortitamik isiginiaanermik imaqartut, takornariartitsisartut ingerlatsisussangussammata killiliussat ersarinnerusut iluanni, soorluttaaq Naalakkersuisut assersuutigalugu aalajangersarsinnaagaat licensi Kalaallit Nunaanni sumiiffinnut aalajangersimasunut taamaallaat atuutissasoq. Siunnersuutillu ilanngullugu aamma kingunerissavaa periarfissaqassammat ersarinnerusunik malittarisassiorsinnaaneq periarfissaqassasoq zone-nut immikkoortitserisarneq inuussutissarsiortunut sammisunik, aamma pinngortitami avatangiisitsinnilu angalaarsinnaanermi immikkut isiginiagassat pillugit.

Siunnersuullu ilanngullugu nalilerneqarpoq innuttaasut peqqissusiannut pitsaasunik kinguneqartussat, siunnersuut imaqarmat malittarisassanik ersarinnerusunik aalajangersagaasunik, takornariartitsinerup malittarisassat iluanni ingerlanneqarnissaanik, sillimaniarnikkut, peqqissutsimut avatangiisinullu tunngasunik isiginiaasumik.

### **6. Innuttaasunut kingunerisassai**

Naliliisoqarpoq siunnersuut ajunngitsunik innuttaasunut sunniuteqassasoq, Inatsisartut inatsisaatigut siunertaammat takornariartitsisarnerup siuarsarneqarnissaa, inuiaqatigiinnut kalaallinut iluaqutaasussamik. Taamaasillunilu naatsorsuutigisariaqassaaq Kalaallit Nunaanni innuttaasunut pitsaasunik sunniuteqassasoq takornariartitsisarnerup killiliussat aalajangersimasut iluanni aaqqissuunneqarnera, ilaatigut takornariartitsinermik ingerlatsisuni sillimaniarnermut malittarisassiornikkut.

Siunnersuullu nalilerneqanngilaq allatigut innuttaasunut pitsaanngitsunik sunniuteqartussat, matumani ilaatigut siunnersuut piumasaqaatit minnerpaaffissaannik killiliisoqartoq, kiisalu licenseqarnissamut piumasaqaatip sanioqqunneqarsinnaaneranut aalajangersagaqartoq.

**7. Allatigut pingaaruteqartunik sunniutaasussat**

Siunnersuut nalilerneqanngilaq allatigut pingaaruteqartunik sunniuteqartussatut.

**8. Pisortanik aamma kattuffinnik il.il. tusarniaanerit**

Siunnersuut piffissami xx qaammat 2024-imiit piffissamut qaammat xx 2024 Namminersorlutik Oqartussat tusarniaasarnermut quppersagaanni tamanut saqqummiunneqarsimavoq, aammalu tulliuuttunut tusarniaavigineqartartunut tusarniaassutigineqarluni:

Naalakkersuisut Siulittaasuata Naalakkersuisoqarfia

Ineqarnermut Attaveqaasersuutinullu Naalakkersuisoqarfik

Aningaasaqarnermut Akileraartarnermullu Naalakkersuisoqarfik

Aalisarnermut Piniarnermullu Naalakkersuisoqarfik

Isumaginninnermut, Ilaqtariinnermut, Suliffeqarnermut Nunamullu Namminermut

Naalakkersuisoqarfik

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik

Nunalerinnermut, Imminut Pilersornermut, Nukissiuuteqarnermut Avatangiisinullu

Naalakkersuisoqarfik

Meeqqanut Inuusuttunullu Naalakkersuisoqarfik

Peqqissutsimut Naalakkersuisoqarfik

Naalagaaffinngornissamut Nunanullu Allanut Naalakkersuisoqarfik

Avannaata Kommunua

Qeqqata Kommunua

Kommune Qeqertalik

Kommuneqarfik Sermersooq

Kommune Kujalleq

Sulisitsisut

Sulinermit Inuusutissarsiortut kattuffiat

Atorfillit Kalaallit Nunaanni Kattuffiat, ASG

Ilinniartitsisut kattuffiat, IMAK

Perorsaasut Kattuffiat, NPK

Peqqinnissaq pillugu Kattuffik, PPK

Kalaallit Nunaanni Aalisartut Piniartullu Kattuffiat, KNAPK

Avannaata Erhverv

Qeqertalik Business Council

Arctic Circle Business

Sermersooq Business

Innovation South Greenland

Kommunini Pilersaarusiornermut Oqartussat

Visit Greenland

Nalik Ventures  
Air Greenland  
Nuna advokater  
Arctic Law  
Eqqartuussissuserisut / Advokatfirmaet Malling & Hansen Damm  
Eqqartuussissuserisoq / Advokatfirmaet Meinel  
Eqqartuussissuserisoq / Advokat Gedion Jeremiassen  
Inuit Law  
Eqqartuussissuserisoq / Advokat Naja Joelsen  
Eqqartuussissuserisoq / Advokat Aviâja Helms  
Eqqartuussissuserisoq / Advokat Marie Louise Frederiksen  
Kalaallit Nunaanni kukkunersiuisut / Grønlands Revision  
Kukkunersiuisut - Deloitte  
EY  
**WWF Kalaallit Nunaanni**  
Oceans North Kalaallit Nunaat  
Pinngortitaleriffik  
AECO  
Arctic Umiaq Line  
Kalallit Airports  
Sikuki  
Grønlandsbanken  
Banknordik

Tusarniaanermut akissutit tiguneqartut aamma Naalakkersuisoqarfiup isummersuutai taakkununga tusarniaanermut atatillugu allakkiami ilanngussami 1-imi ersipput.

**Siunnersuummi namminermi aalajangersakkanut ataasiakkaanut namminernut oqaaseqaatit***§ 1-imut*

## Imm. 1-imut

Siunnersuutigineqarpoq Inatsisartut inatsisaat atortinneqassasoq takornariartitsinernik ingerlatsinernut.

Aalajangersakkamut siunnersuutaasoq Inatsisartut inatsisaata atuuffianik nalunaaruteqarpoq. Nalunaarneqarpoq Inatsisartut inatsisaat atuutsinneqarmat takornariartitsinernik ingerlatsiffiusuni. Taaguut takornariartitsinermik ingerlatsineq ersarinnerusumik siunnersuummi § 2-mi suussusilersorneqarpoq.

Takornariartitsineq taaguutitut paasineqassaaq suussusilersuummi siunnersuummi § 2, imm. 1-imiittumi ersittumi.

## Imm. 2-mut

Siunnersuutigineqarpoq Inatsisartut inatsisaat atortinneqassasoq sumiiffinni aalajangersimasuni angalaartarnernut, uninngaartarnernullu, kiisalu sumiiffinni pineqartuni inuussutissarsiutinik ingerlatsinernut.

Aalajangersakkamut siunnersuutaasumi nalunaarneqarpoq Inatsisartut inatsisaata atortinneqarfigisa. Nalunaarneqarpoq inatsit atortinneqarmat inunnut tamanut taakkua angalaarneranni uninngaartarnerannilu sumiiffinni aalajangersimasunik pineqartuni.

Aalajangersagaq atuarneqassaaq atasumik siunnersuummi § 15 – mut, taamalu ilaatigut Naalakkersuisut pisinnaatinneqarlutik ersarinnerusunik malittarisassiornissanut sumiiffinni aalajangersimasuni angalaarsinnaanerup killilersorneranut atasunik.

Inuussutissarsiummik ingerlatsinermi pineqarput inuussutissarsiortup ingerlatsinera iluanaaruteqarnissamik siunertaqartumik. Sunngiffimmi nuannariinnarlugulu ingerlatsineq aningaasanik isaatitsiniarnermik siunertaqanngitsoq ilaangilaq inuussutissarsiutinik ingerlatsinermi.

## Imm. 3-mut



Siunnersuutigineqarpoq Inatsisartut inatsisaat atortinneqassasoq Inatsisartut inatsisaannik tunngaveqartunut takornariartitsinernik ingerlatsisarnernut sumiiffinni immikkut toqqarneqarsimasuni.

Taamaasillunilu siunnersuutaavoq Inatsiartut inatsisaat sunniuteqassanngitsoq takornariartitsisarnernut koncessionitigut akuersissuteqartarnernut inatsit naapertorlugu tunniunneqarsimasunut.

Imm. 4-mut

Siunnersuutigineqarpoq Naalakkersuisut ersarinnerusunik malittarisassiorsinnaanerit inuussutissarsiutinut immikkoortunut, Inatsisartut inatsisaanni licensimik tunniussisarnernup avataaniitinneqartunut. Tamanna naleqquttutut pissusissamisussaaq pisuni Naalakkersuisut naligiivigisaanni allaffissornikkut oqimaappallaartussatut inuussutissarsiutit sammiviannut licensimik piumasaaqammik Inatsisartut inatsisaanniittunik naammassinninniarsiaq eqqarsaatigalugu, assersuutigalugu takornariartitsinernik ingerlatsivik killeqartumik annertussuseqarsimappat nalorninaateqarfiunngippallu inuit sillimanissaannut, peqqussutsimut imaluunniit pinngortitamut.

### *§ 2-mut*

Imm. 1-imut

Aalajangersakkami suussusilerneqarpoq qanoq takornariartitsinernik ingerlatsivik paasineqassanersoq, Inatsisartut inatsisaat manna naapertorlugu. Siunnersuut naapertorlugu takornariartitsivittut paasineqassaaq ataatsimoortumik aningaasaqarnermik ingerlatsineq takornariartitsisartumi, Kalaallit Nunaanni ingerlatsivik siunertaqartoq kiffartuussinernik neqerooruteqarnissanik takornariartartunut aningaasarsiuteqarnermik siunertaqartumik, ulluinnarlugit aqqissuussani, aamma angalaartitsisarnerni ullunik arlaqartunik sivisussuseqartartunik.

Siunnersuutip kinguneraa kiffartuussinissap neqeroorutigineqartup ilisarnaateqarnissaa misigisassanik arlaqartunik. Tamanna paasineqassaaq ingerlatsinernik pisoqarfiusunik, inuup uppersarsagaanik imaluunniit peqataaffigisaanik, kulturimullu attuumasunik ilaqarluni.

Siunnersuut ilanngullugu taamaallaat imaqarpoq misigisassanik Kalaallit Nunaanni pisunik. Kalaallit Nunaanni takornariartitsineq, takornariartunut kiffartuussinernut tunngasoq, Kalaallit Nunaata avataani ingerlanneqartoq, taamaattumik licensimik tunniussaqaarnermi pineqanngilaq.

Siunnersuutip ilanngulluguttaaq kinguneraa suliffeqarfiup ingerlatsisuusup siullertut pingaarnertullu takornariartunut saaffiginnittuunissaa.

Tamatuma saniatigut siunnersuutip kinguneraa tigussaasunik pineqassammata ulluinnarluni unnuinani angalanerit, imaluunniit angalaarnerit ullunik arlalinnik sivilissusillit.

Siulianiittut kinguneraat ilaatigut neriniartarfiit, akunnittarfiit, ulluinnarni atortussaarniarfiit, takusarsiortitsisartut pisiniarfiit, katersugaasiviit aamma fitness-ertarfiit aallaavittut siunnersuummi ilaanginneri, naatsorsuutigisariaqarmat aningaasatigut ingerlatsineq aamma ingerlatsineq nalinginnaasoq inuussutissarsiutit pineqartut ingerlataat piunasaqaatinik naammassinninngitsut, ataatsimut misigisassarsiorfiunnginnamik, misigisassallu pingaarnertut tamaani najugalinnut saaffiginnittuullutik, ulluinnarluni angalaarnerunatillu ulluni arlalinni angalaarnerunnginnamik. Paarlattuanik misigisassarsiorfitsisarnernik neqeroortartut, assersuutigalugu nannunik uumasunillu nujuartanik allanik takusassarsiorfitsisartut, aallaavittut siunnersuummi ilaasut, tunngavittut naatsorsuutigineqarmat aningaasarsiornermik ingerlatsineq ingerlatsinerlu nammineq takornariartunut saaffiginnittuusut. Tamanna aamma isumaqarpoq assersuutigalugu akunnittarfiit Inatsisartut inatsisaanni aalajangersakkanut ilaassasut, neqerooruteqartarunik takusassarsiorfitsisarnernik. Tamanna taamaallaat atuuppoq sammisaqartitsinermut ingerlatsinernullu takusassarsiorfitsinermut attuumasuni, akunnittarfinnik ingerlatsinermuunngitsoq. Illuikkami - iglo – unnuineq kulturimut attuumasunik misigisaqarnerisooq takornarianuunerisooq neqeroorutaasooq taakkunani ilaassaaq.

Neqerooruteqartarnermik pilerisaarinernillu ingerlatsinerit takornariartitsisartup kiffartuussissutiginiagaannik inatsisip atuuffiata iluaniinngilaq.

Imm. 2-mut

Aalajangersakkami kinaassusilerneqarpoq Inatsisartut inatsisaat una naapertorlugu takornariartitsinermik ingerlatsisuusooq. Siunnersuut tunngavigalugu takornariartitsinermik ingerlatsisooq paasineqassaaq inuttut tigussaasutut imaluunniit inatsisit naapertorlugit inuttut, Inatsisartut inatsisaanni § 3, imm. 1 naapertorlugu licensimik tunineqarsimasooq.

Takornariartitsisartooq taamaasilluni taannaavoq inuk tigussaasooq imaluunniit inatsisini oqartarnerattut inatsisit naapertorlugit inuk, takornariartitsinermik ingerlatsisuusooq imm. 1 naapertorlugu. Inuk tigussaasooq imaluunniit inatsisit naapertorlugit inuk Inatsisartut inatsisaat manna naapertorlugu aatsaat takornariartitsisartutut taaneqartalissaaq licensimik tunineqareeruni. Tamanna sioqqullugu pineqartoq licensimik qinnuteqartutut ilisarnaateqarpoq, - takornariartsitsisalerniartutut.

### Imm. 3-mut

Aalajangersakkap takornariatoq Inatsisartut inatsisaat naapertorlugu kinaassusilerpaa. Siunnersuut naapertorlugu takornariatoq paasineqassaaq inuttut, kiffartuussinermik pisisutut angalanermik imaqartumik, sumiiffimmut inuup nalinginnaasumik najugaqarfigisaata inigisaataluunniit avataaniittumut, aammalu angalaneq tamarmiusoq imaluunniit angalanerup ilaa nuannaarniutigalugu, qasuersaarumalluni imaluunniit sulinngiffeqarnissi pillugu pilersissimagaa.

Tamanna siullertut kinguneqarpoq inuk nalinginnaasumik najugarisami imaluunniit ineqarfigisami avataaniinneranik.

Takornariartitsinermut taaguut nunamut aalajangersimasumut najugaqarfimmulluunniit pitutsinngitsoq qinerneqarsimavoq. Taaguutigineqartoq naapertorlugu nammineq najukkap eqqaani takornariatoqarsinnaalluarpoq, pineqarsimappat takornariartunut kiffartuussinermik ingerlatsinermut isumaqatigiissut kiffartuussinertalik neqeroortumut akiliuteqarfiusoq.

Aappaattut tamatuma kinguneraa angalanerup ilaata imaluunniit tamarmiusup nuannaarniutigalugu, qasuersaarniutigalugu imaluunniit sulinngiffeqaatigalugu pinneranik. Tamanna isumaqarpoq inuk ataaseq Kalaallit Nunaannut angalasinnaasoq niuerneramik tunngaveqartumik, kisiannili ulluni ataasiakkaani tamaaniinnermini qasuersaartoq, nuannaarniuteqartoq imaluunniit sulinngiffeqartoq. Inuk pisumi tassani Inatsisartut inatsisaat naapertorlugu taava takornariartuussanngilaq ulluni niuerneramik ingerlatsivigisamini. Paarlattuanik inuk takornariartutut isigineqarsinnaassaaq tamaaniinnermi ulluisa sinnerini, nuannaarniarnermik, qasuersaarnermik imaluunniit sulinngiffeqarnermik siunertaqartuni, tamatumani aamma assersuutigalugu Kalaallit Nunaanni pinngortitamik aamma uumasunik misigisaqarfigisamini nammineq inuinnartut - privatimik - nuannersarumallunilu.

Pingajuattut tamatuma kinguneraa inuup kiffartuussinermik pissarsinera maaniinnermi ilaani, nuannaarsarumalluni, qasuersaarumalluni imaluunniit feriarumalluni. Assersuutigalugu tamatumani takusassarsiorneq sammineqarsimasinnaavoq.

### § 3-mut

#### Imm. 1-imut

Siunnersuutigineqarpoq Naalakkersuisut aalajangiisassasut licensimik tunniussaqaarnissamut, inummut tigussaasumut imaluunniit inatsisit naapertorlugit inummut, takornariartitsisarnermik ingerlatsisinnaajumalluni akuersissummik qinnuteqartumut.

Aalajangersakkap kinguneraa Naalakkersuisut taakkuummata pisinnaatitaasut naliliinissamik, inuk tigussaasoq kina aamma inatsisit naapertorlugit kina pisinnaatitaanersoq takornariartitsisarnermut

licensimik akuersissuteqarfigineqartussatut. Aalajangersakkallu ilanngullugu kinguneraa Naalakkersuisut licensimik tunniussinermut atatillugu atugassarititaasussanik ersarinnerusunik aalajangersaasussaanerat.

#### Imm. 2-mut

Siunnersuutigineqarpoq takornariartitsisarnermik ingerlatsisinnaanermut piumasaqaataassasoq ingerlatsisuusup Naalakkersuisunut licensimik qinnuteqarsimasarnissaa. Ilanngullugu siunnersuutigineqarpoq akuersissut, - licensi aallaaviusutut piffissamut killilimmut tunniunneqartassasoq.

Aalajangersakkap kinguneraa inertequtaammat Kalaallit Nunaanni takornariartitsisarnermik ingerlatsisoqarsinnaanera licensimik akuersissummik peqanngikkaanni. Pineqartoq licensimik pigisaqartussatut nalunaarfigineqartoq kingornagut inatsisinik eqqutitsilluni takornariartitsisarnermik ingerlatsisinnaavoq. Aalajangersagaq imaqarpoq taamaasilluni licensimut piumasaqaammik, Kalaallit Nunaanni inatsisit naapertorlugit takornariartitsisarnermik ingerlatsiumalluni.

#### Imm. 3 -mut

Siunnersuutigineqarpoq takornariartitsisarnermik ingerlatsinermut licensimik qinnuteqartoq piumasaqaatinik naammassinnittassasoq Inatsisartut inatsisaanni §§ 8-11-imiittunik.

Pineqarput akuersissummik pigisaqartumut piumasaqaatit §§ 8-9 naapertorlugit, sillimaniarnermut pilersaarutit § 10 naapertorlugu, aamma sillimmasiisimanissamut imaluunniit allatigut sillimmasiisissamut § 11 naapertorlugu.

Siuliani eqqaaneqartut piffissap licensip atuuffigisaani tamarmiusumi naammassineqartussaapput.

Piumasaqaatit naammassineqanngippata takornariartitsisarnermik ingerlatsisartoq Inatsisartut inatsisaanni § 16 naapertorlugu akiliisitaasinnaavoq. Takornariartitsisarnermik ingerlatsisartoq aammattaaq peqqusummik nalunaarfigineqarsinnaavoq pisussaaffinnik naammassinninngikkuni, allaat licensimik arsaarneqarsinnaalluni Inatsisartut inatsisaanni § 14, imm. 3 naapertorlugu.

#### Imm. 4-imut

Siunnersuutigineqarpoq licensi allamut tunniunneqarsinnaasoq siumoortumik Naalakkersuisut akuersissuteqarnerisigut.

Taamaasilluni taamaallaat takornariartitsisartumut akuersissummik allanut tunniussisoqarsinnaavoq Naalakkersuisut taamaaliorsinnaaneq akuerisimappassuk. Piginnittut paarlaannerat inatsisit naapertorlugit inummi, takornariartitsisarnermik ingerlatsisuusumi akuersissuteqarnissamik

piumasaqarfiunngillat, tamatumunngalu atatillugu Naalakkersuisuniit akuersissummik pisariaqartitsisoqarani.

Licensimik pigisaqartoq piffissami sumiluunniit atuuttuusumi siunnersuummi matumani akuersissuteqartarnermut atugassarititaasunik malinnittussaavoq. Tamanna assersuutigalugu isumaqarpoq Inatsisartut inatsisaanni §§ 8-9-milu piumasaqaatit ilaatigut Kalaallit Nunaannut atasuunissamik akileraartartuunissamillu malinneqartussaasut.

#### Imm. 5-imut

Siunnersuutigineqarpoq Naalakkersuisut minnerunngitsumik atuisunut paasissutissiisussaanermik pisussaaffik tunngavigalugu pisussaaffeqarnissaat tamanut saqqummiussisarnissamik kikkut ingerlatsisut licensimik peqarnerannik. Assersuutigalugu tamanna pisinnaavoq quppersakkakkut, inuit tamat iserfigisinnaasaatigut. Naalakkersuisut pisinnaatitsissut taanna atussappassuk tamanut saqqummiunneqartut paasissutissat imaqaassapput takussutissiamik ingerlatsisunik tamanik licensimik tunineqarsimasunik, assigiinngisitsisoqassanngimmat.

#### Imm. 6-mut

Siunnersuutigineqarpoq inuit imaluunniit inatsisit naapertorlugit inuit inunnik assartuisarnermik ingerlatsisuusut Kalaallit Nunaannut utimullu, tamatumunnga atatillugu takornariartitsinertaqaqngitsunik, akuersissummik licensimik peqarnissamut piumasaqaammi ilaassanngitsut. Matumani pineqarput takornariartitsilluni assartuinerit tamarmik, toqqaannartumik takornariartitsinermik siunertaqaqngitsut. Matumani ilaatigut pineqarput umiarsuit takornariartaatit, aamma umiarsuit allat ilaasunik Kalaallit Nunaannut utimullu angallassisartut. Tamatumani ilaapputtaaq Kalaallit Nunaanni namminermi qamutit motorillit atorlugit timmisartoqarfiup akunnittarfiillu akornanni ingerlatsisarnerit.

Inuit imaluunniit inatsisit naapertorlugit inuit assartuinerit pineqartunut assartuutitik atuisartut taamaasillutik akuersissummik qinnuteqartassanngillat. Inuit imaluunniit inatsisit naapertorlugit inuit suli licensimik qinnuteqartussaapput takornariartitsisarnermut, Inatsisartut inatsisaanni piumasaqaataasut naapertorlugit inuussutissarsiummik ingerlatsiinnarumalluni. Tamannalu assersuutigalugu aamma atuuppoq inunnut imaluunniit inatsisit naapertorlugit inunnut assartuinerit atortorissaarummik atuisunut ingerlatsinernut Inatsisartut inatsisaanni ilaasuni, assartuummik atuisunut ingerlatsinernut assartuinerup ilaginngisaanik. Assersuutigalugu matumani pineqarsinnaavoq qamuterlak taaguutilik jeep takusassarsiortitsinermi atorneqartoq. Aalajangersakkamik atortitsinnginneq taamaasilluni taamaallaat atuutissaaq ingerlatsinernut inunnik assartuinerusunut, tamanna pingaarnertut siunertaappat.

*§ 4-mut*

Naalackersuisut siunnersuut tunngavigalugu pisuni immikkut ittuni Inatsisartut inatsisaanni §§ 8-11-ini piumasaqaatinik Inatsisartut inatsisaat manna naapertorlugu aalajangersakkat sanioqqunneqarsinnaanera akuerisinnaavaat. Takornariartitsisartoq licensimik tigusaqarsimasooq aamma sanioqqutsisinnaanermik qinnuteqarsinnaavoq kingusinnerusukku, takornariartitsisartumut pissutsit atuuttut allannguuteqarsimappata, akuersissummik peqarnissamut piumasat naammassineqarunnaarlutik.

Naalackersuisut pisuni immikkorluinnaq ittuni assersuutigalugu sillimaniarnermut pilersaarusanik sanioqqutsisoqarsinnaanera akuerisinnaavaat. Tamanna pisinnaavoq Naalackersuisuni pisumik namminermik naliliinikkut takornariartitsinermik ingerlatsinermi nalorninaataasunik, takornariartitsisartumit ingerlakkusunneqartunik. Assersuutigalugu ilaatigut pisoqarsinnaavoq takornariartitsisartumut pissutsinik immikkut isiginiagassaqqarpas, matumani aamma sulisut ikissimappata atorfeqartinneqartut, nunani allaniinneq ilinniakkamut imaluunniit nappaammik peqquteqartumik, imaluunniit naliliisoqqarpas ingerlatsisup allaffissornermik imaluunniit aningaasaqarnikkut oqimaarsartitsisoqassasoq licensimik qinnuteqassagaanni piumasaqaatinik naammassinneqqaarluni. Assersuutit tamakkiisunngillat.

Aalajangersagaq isigineqassaaq periarfissatut pisunik namminernik nalilersuinikkut pissutsit immikkut ittut inatsimmik licensiqarnissamik piumasaqaammik sanioqqutsisoqarsinnaaneranik, inatsimmi sanioqqutsisinnaanermut aalajangersakkanut ilaariinngitsuni, isiginnittoqassappat pissusissamisunngitsutut pissutsit pineqartut sanioqqutsisinnaanermut ilaariinnginnerat. Inatsisartut inatsisaanni §§ 8-11 -imik atuinerup kingunerissappagu arsaarinnineq pineqalersooq, piumasaqaatit pineqartut tunngavigalugit sanioqqutsisinnaaneq atorneqartussanngussaaq.

*§ 5-imut**Imm. 1-imut*

Siunnersuutigineqarpoq licensimik qinnuteqartut takornariartitsinermik ingerlatsiumallutik takornariartitsisartutut nalunaarutigisassagaat paasissutissat pisariaqartut tamaasa pisortat suliaannut ingerlatsinermut atasunut Inatsisartut inatsisaat naapertorlugu aamma licensimut atasuni nakkutilliinernullu atasuni.

Tamannalu siullertut kinguneqarpoq takornariartitsisarnermut licensimik qinnuteqartut paasissutissat qinnuteqaatip suliarineqarnissaanut atorneqartussat. Paasissutissanik ingerlatitsinnginneq suliap ingerlanneranut akornutaasinnaavoq.

Tamanna aappaattut kinguneqarpoq takornariatitsisartup licensimik nalunaarfigineqareermermi paasissutissat nassiuttassagai pisariaqartinneqartut pisortat sulianik ingerlatsinerannut kiisalu nakkutilliinerannut, Naalakkersuisut licensimik suliaqarnerannut attuumasuusinnaasut.

Matumani ilaatigut pineqassapput paasissutissat tigussaasut uppernarsaasut ingerlatseqatigiiffiup Kalaallit Nunaanni angerlarsimaffeqarneranik inatsimmi § 9 imm. 1 naapertorlugu, aammalu § 10 tunngavigalugu sillimaniarnermut pilersaarutinik pisariaqartunik peqartoq.

Imm. 2-mut

Aalajangersakkatut siunnersuut Naalakkersuisunik periarfissaqartitsivoq paasissutissanik avitsisarnissamut pisortanut allanut aamma Namminersorlutik Oqartussat ingerlatseqatigiiffiutaannut, kisitsisinik paasissutissanik suliaqarnernut atasunik siunertaqartunik. Taamaallaat paasissutissanik avitsisoqarsinnaavoq imm. 1 tunngavigalugu, pisortat suliamik ingerlatsineranni sammisamut atasunik Inatsisartut inatsisaat naapertorlugu, aamma licensimut nakkutilliinermullu matumani atasuni. Paasissutissat taamaallaat kisitsisinut paasissutissanut atasunik atorpeqarsinnaapput pisortanit imaluunniit Namminersorlutik Oqartussat ingerlatseqatigiiffiinit, avitseqatigineqartunit.

### § 6-imut

Siunnersuutigineqarpoq Naalakkersuisut malittarisassanik ersarinnerusunik aalajangersaanissaat piomasagaatinut ileqqussanullu Kalaallit Nunaanni takornariatitsisarnermut licensimik tunniussisarnermi, matumani aamma takornariatitsisartup nalunaarusiortussaannermut pisussaaffianut, paasissutissanillu allanik ingerlatitsisarnernut.

Aalajangersakkap siullertut Naalakkersuisut pisinnaatippaat ersarinnerusunik malittarisassiornissamut, piomasagaatit qanoq ittut naammassineqartussaannersut pillugit, Kalaallit Nunaanni takornariatitsisarnermut licensimik tunniussisoqarnissaanut, assersuutigalugu malittarisassiornermut licensimut, takornariatitsineranut aalajangersimasunut immikkut atortunik pisariaqartitsiviusunut, killilinnik takornariatitsisup sulisoqarnissaanut, imaluunniit immikkut malittarisassat takornariatitsineranut, uumasunik nujuartanik takusassarsiortarnermut, matumani aamma nannunik imarmiunillu. Assersuutigalugu piomasasinnaavoq immikkut iliuusissanik aaqqissuussisoqartarnissaa, qularnaarisussanik uumasunik nujuartanik takusassarsiornerup uumasut ulorianartorsiunnginnissaannik peqqissuunissaannillu isiginiaaviunissaanut, kiisalu aamma pinngortitami pissutsit mianerineqarnissaannik, uumasunit nujuartanit najugarineqarunik. Tamanna ilaatigut aaqqissuunneqarsinnaavoq atugassarititaasutigut qassinik takusassarsiornermi peqataasoqarsinnaaneramik, imaluunniit uumasunut nujuartanut qanoq ungasitsiginissamut tunngasuni.

Aalajangersakkallu aappaattut Naalakkersuisut pisinnaatippai malittarisassiornissamut ileqqussanik licensimik qinnuteqartarnermi. Naalakkersuisut assersuutigalugu malittarisassiorsinnaapput qinnuteqarneri aalajangersimasunik ileqqussat pillugit.

Pingajuattut aalajangersakkami Naalakkersuisut pisinnaatinnearput malittarisassiornissamut takornariartitsineramik ingerlatsisut nalunaarusiornissamut pisussaaffiat pillugu, takornariartitsisartullu tamatumunnga atatillugu nalunaarutissai pillugit. Naalakkersuisut assersuutigalugu malittarisassiorsinnaapput takornariartitsisartup akuttunngitsunik nalunaarusiortarnissaanik piffissaliussat ersarinnerusut iluanni, kiisalu ingerlatat pillugit paasissutissanik qanoq ittunik tunniussisoqartarnissaanik.

### *§ 7-imut*

#### Imm. 1-imut

Naalakkersuisut aalajangersakkamut siunnersuut naapertorlugu pisussaaffinnik allamut tunniussisinnaapput licensimik akuersissuteqartarnermut § 3 naapertorlugu, nakkutilliinermut § 13, imm. 1 aamma 2 naapertorlugit, kiisalu peqqussuteqartarnermut § 14, imm. 1-2 naapertorlugit, kiisalu licensimik utertitsisarnermut aamma utertitsisarnermut nalunaarusiornissamut §14, imm. 3-4 naapertorlugit Inatsisartut inatsisaanni uani, pisortani oqartussanut imaluunniit Namminersorlutik Oqartussat ingerlatseqatigiiffiinut imaluunniit oqartussanut allanut. Oqartussaq taanna pisussaaffinnut pisinnaatitaanernullu atatillugu suliaasanut Inatsisartut inatsisaat naapertorlugu pissussaaffeqassaaq pisortani ingerlatsineq pillugu sulianik ingerlatsisarnermut ileqqussat nalinginnaasut pisussaaffiillu pillugit. Tamatumani assersuutigalugu taanna tassaasinnaavoq pisortaqaarfik alla imaluunniit Namminersorlutik Oqartussat ingerlatseqatigiiffiutaat.

#### Imm. 2-mut

Pisortani oqartussat imaluunniit Namminersorlutik Oqartussat ingerlatseqatigiiffiutaat pisussaaffinnik imm. 1-imi pineqartunik tigusisoq, tamatumunnga atatillugu pisussaaffinnik eqqortitsisussaavoq, Inatsisartut inatsisaanni pisortani suliaasanik suliaqartarneq pillugit ersittutut, kiisalu pisortani nalinginnaasumik ingerlatsinermi ileqqussanik tunngavilinnik ingerlatsisussaallunissaq. Tamatumalu saniatigut pisortani oqartussat imaluunniit Namminersorlutik Oqartussat ingerlatseqatigiiffiutaat paasissutissat tigoorartakkani suliarisartussaallugit nipangiusimannittussaaneq pillugu malittarisassat pisortani ingerlatsineranut atuuttut iluanni, aammalu inunnut tunngasunik paasissutissat pillugit inatsimmi aalajangersakkat naapertorlugit.



*Imm. 3-mut*

Aalajangersakkami siunnersuutigineqartumi Naalackersuisut periarfissaqartinneqarput malittarisassiorsinnaanermut nakkutilliineq kiisalu naammagittaalliuteqartarneq eqqarsaatigalugit, pisussaaffiup Pisortani Oqartussanut imaluunniit Namminersorlutik Oqartussat ingerlatseqatigiiffiutaannut tunniunneqarsinnaanerani. Tamatuma malitsigissavaa ilaatigut aalajangertoqarsinnaavoq Inatsisartut inatsisaannik tunngaveqartunik aalajangikkat naammagittaalliutigineqarsinnaassasut Naalackersuisunut suliassanngortitsiviit aappaattut.

*§ 8-mut*

Aalajangersakkamut siunnersuummi nalunaarneqarpoq periarfissaasoq licensimik inummut tunniussisoqarsinnaanera, pineqartup piunasaatit arlaqartut naammassisimappagit. Piunasaqaataasut tamarmik eqqortinneqartussaapput piffissami licensip atuuffigisaani tamarmiusumi.

Siullertut atuuppoq piunasaqaat inuup pineqartut Kalaallit Nunaanni inuit nalunaarsorsimaffianni allassimanissaanik.

Aappaattut atuuppoq piunasaqaat inuup pineqartup Kalaallit Nunaanni tamakkiisumik akileraartartuunissaa.

Pingajuattut atuuppoq piunasaqaat inuup pineqartup pigisaminut nalilinnut tamakkiisumik oqartussaassuseqarluni atuisinnaassuseqarnissaa, akiliisinnaajunnaarsimanani imaluunniit akilersuijunnaarsimanani.

Naalackersuisut qinnuteqartoq qinnuigisinnaavaa paasissutissanut uppersaateqarnissaa. Paasissutissanik nassiussinnginneq suliap ingerlannerani akornusiisinnaavoq.

Piunasaqaataasut eqqortinneqarsimaneri misissorneqarsinnaavoq inuit allattorsimaffianni aamma akileraaruserisuni.

*§ 9-mut*

Aalajangersakkamut siunnersuummi nalunaarneqarpoq periarfissaasoq ingerlatseqatigiiffimmut licensimik tunniussisoqarsinnaanera, ingerlatseqatigiiffiup piunasaqaatigineqartut arlaqartut naammassisimassappagit. Piunasaatit tamarmik piffissami licensip atuuffigisaani tamarmi eqqortinneqassapput.

Siullertut pineqarpoq piomasaaqat ingerlatseqatigiiffiup aningaasaliissutinik ingerlatsivittut imaluunniit inuit namminneq pigisaattut Kalaallit Nunaanni angerlarsimaffeqartutut pilersinneqarsimanissaa.

Piomasaaqaatip aappaani aktiaatileqatigiiffinnut aamma piginneqatigiiffinnut aamma aningaasaliissutinik ingerlatseqatigiiffinnut minnerpaamik ingerlatseqatigiiffiup aningaasaataasa affai pigineqassasut toqqaannartumik imaluunniit toqqaannanngitsumik inunnit ataasiakkaanit Kalaallit Nunaanni inuit allattorsimaffianni allassimasunit, tamakkiisumillu Kalaallit Nunaanni akileraartartunit. Inuit ataasiakkaat pineqartut akilersuijunnaarsimassanngillat, akiliisinnaajunnaaqqassanatik imaluunniit akiliisinnaajunnaalersutut suliarineqassanatik.

Inuup nammineq ingerlatseqatigiiffiutaa pineqarpat pingajuattut atuuppoq inuup nammineq ingerlatseqatigiiffiutaani peqataasut affaanit amerlanerusut inuussasut imaluunniit inunnit pigineqartussaasut Kalaallit Nunaanni inuit allattorsimaffianni allassimasut, tamakkiisumillu Kalaallit Nunaanni akileraartartut. Peqataasut pineqartut akilersuijunnaarsimassanngillat, akiliisinnaajunnaaqqassanatik imaluunniit akiliisinnaajunnaalersutut suliarineqassanatik. . Tamatuma saniatigut inuup ingerlatseqatigiiffiutaani minnerpaamik pigisat affaat toqqaannartumik imaluunniit toqqaannanngitsumik pigineqassapput inunnit Kalaallit Nunaanni inuit allattorsimaffianni nalunaarsorsimasut, Kalaallit Nunaannilu tamakkiisumik akileraartartut. Inuit ataasiakkaat pineqartut akilersuijunnaarsimassanngillat, akiliisinnaajunnaaqqassanatik imaluunniit akiliisinnaajunnaalersutut suliarineqassanatik.

Sisamaattut atuuppoq piomasaaqat aktiaatileqatigiiffiup imaluunniit piginneqatigiiffiup imaluunniit aningaasaliissutinik ingerlatseqatigiiffiup pigisaminut nalilinnut tamakkiisumik oqartussaassuseqarnissaa. Ingerlatseqatigiiffik akilersuijunnaarsimassanngillat, akiliisinnaajunnaaqqassanatik imaluunniit akiliisinnaajunnaalersutut suliarineqassanani.

Tallimaattut atuuppoq piomasaaqat aktiaatileqatigiiffinnik aamma piginneqatigiiffinnik piginnittut imaluunniit allatut aningaasaliissutinik ingerlatseqatigiiffik toqqaannartumik imaluunniit toqqaannanngitsumik ingerlatseqatigiiffimmi taasisinnaanerit affaanik affaanilluunniit amerlanerusunik Kalaallit Nunaanni inuit allattorsimaffianni nalunaarsorsimanissaat, tamakkiisumillu Kalaallit Nunaanni akilerartartuunissaat.

Naalakkersuisut qinnuteqartut qinnuigisinnaavaat paasissutissanik uppernarsaaqqullugit. Paasissutissanik nassitsisoqannginnera suliassamut akornutaasinnaavoq.

*§ 10-mut*

#### Imm. 1-imut

Imm. 1-imi siunnersuutigineqarpoq licensimik tunniussaqaarsinnaanermi piunasaqaatitit aallaaviussasoo qinnuteqartup allaganngukkamik sillimaniarnermut pilersaarusiorsimanissaa, imaqartumik killiliussanik iliuusissanik ingerlatsinerni aalajangersimasuni licensimik tunniussisoqarneratigut neqeroorutigineqarniartunut atasunik. Ingerlatassanut tamanut ataasiakkaanut sillimaniarnermut pilersaarutitik suliaqartoqartarsimassaaq. Piunasaqaat naammassineqassaaq qinnuteqartup skabelonimik immersugassamik immersuineratigut, Naalakkersuisunit qinnuteqarnermik ingerlatsinermut atasunik suliaannik.

Assersuutigalugu tamatuma kingunerissavaa licensimik qinnuteqartup nannunik qaninnguullutik takusassarsiortitsisarniartut sillimaniarnermut pilersaarusiortarnissaat, ilaatigut ingerlanniarneqartunut nalorninaatinik assigiingitsunik nalilersuiviusunik.

Aamma ingerlattarniakkanut suleqatigisat pingajuusut aqutigalugit neqeroorutigineqartussanut sillimaniarnermut pilersaarutitik suliaqartoqartassaaq.

#### Imm. 2-mut

Sillimaniarnermut pilersaarussiaasoo licensimik tunniussisoqareerneratigut naqitanngorlugu kalaallisut aamma tuluttut nassaarineqarsinnaassaaq. Tamannalu assersuutigalugu takornariartitsisartup quppersagaani takusassiarineqarsinnaavoq..

#### Imm. 3-mut

Sillimaniarnermut pilersaarussiaaq licensimik tunniussisoqarneratigut katitsigaassaaq nalorninaatinik nalilersuinerataqarluni iliuusissanullu pilersaarutitaqarluni, tak. ersarinnerusumik imm. 4-6-imut oqaaseqaatigineqartut.

Kinaluunniit aqqissuussanik ingerlanneqartartussanik neqerooruteqartartoq maani kalaallit susassaqaarfianni akisussaavoq sillimaniarnermut pilersaarusiarmi akuttunngitsumik nutartertarnissaannut. Takornariartitsisartup nammineq nalilersortassavaa qaqugukkut pisariaqalernersoq sillimaniarnermut pilersaarusiap nutarternissaanut, kisianni Naalakkersuisut tamatuminnga nakkutiginippit, aalajangiisinnaallutillu tamatumunnga atasuni siunnersuummi § 14, imm. 1 naapertorlugu.

1. Tamanna assersuutigalugu pisariaqarsinnaavoq ingerlatsinerit imaqartarpata sammisassanik nutaanik nutaanik nalorninaateqarfiulersinnaasunik nammineq, imaluunniit pisut aalajangersimasut ingerlatsinerni aalajangersimasuni pissutissaqartilerpagu ingerlatsinermut atasunik iliuusissanik aqqissuussisoqarnissaa.

#### Imm. 4-mut

Sillimaniarnermut pilersaarusiame ilaasassaaq nalorninaatinik nalilersuineq, peqataasunut immikkut siunnerfilersugaasoq nalorninaatinillu ingerlatani aalajangersimasuni nalilersuinerneq imaqartoq. Tamatuma kinguneraa assersuutigalugu takusassarsiortitsisarnissani kissaateqarnermi nannunik qanillattuinerneq, tigussaasumik nalilersuisoqartarnissaa nalorninaataasinnaasunik iliuusissamut tamatumunnga attuumassuteqartunik.

Nalorninaatinik – imaluunniit ulorianarsinnaasunik nalilersuineq takornariartitsinerneq ingerlanneqartussami peqataasussanut ingerlatsinissaaq sioqqullugu, allanneqarsimassallunilu ersarissumik aamma paasiuminartut oqaatsit atorlugit.

Ingerlatsinissamik piareersaasiortuluni aaqquissuussinerneq nalorninaatinik nalilersuineq tunngavigineqassaaq sulisorineqartussanik toqqartuinerneq, tamatumani aamma angallassinermi aqutsisuusussanik, - rejsederneq - angalasoqalernerani, avatangiisini pissutsinik nalilersuinerneq, atorussanik toqqartuinerneq il.il. Tamanna assersuutigalugu kinguneqassaaq atorussat atorineqartussat pisariaqartinneqarsimasut ingerlatsinissamut, naleqquttuunissaat ingerlatassanut matumani pineqartunut.

#### Imm. 5-imut

Sillimaniarnermut pilersaarut upalungaarsimanissamut pilersaarummi ilaasaaq, nalorninaataasinnaasunik nalilersuinerneq tunngaveqartunik ingerlatassamut namminerneq, imaqaassallunilu iliuusissat ulorianartorsiorluinnalernerneq imaluunniit ajutoortoqarnerani pilersinneqartussat allaaserinerannik. Upalungaarsimanissamut pilersaarut imaqaassaaq piomasaaqataasunut tunngasunik paasissutissanik, ilisineqartussanut, misilittakkanut aamma piginnaanernut, sulisuusuni ingerlatani akuusini, aamma qanoq ulorianartorsiornerneq qisuariartoqassanersoq, tamatumani aamma attaveqaasersuuteqarnissat qanoq ittuunissaannik. Tassani tigussaasunik nalunaarneqarsimassapput sulisuusut qanoq iliornissaat pisuni nalorninartorsiorfiulersuni.

#### Imm. 6 -imut

Aalajangersakkamut siunnersuutip kinguneraa imm. 1-5 atuutinngimmat pisuni allatigut inatsiseqarfiusuni imaluunniit aalajangersimasunik ileqqoqarfiusuni, aqutsisunik sillimaniarnerneq piomasaaqataasunik ingerlatamut pineqarpiartumut atasunik, qinnuteqartullu malissallugit pisussaaffigisaanik.

Assersuutigalugu naleqqussinnaavoq Kalaallit Nunaannut nalunaarut nr. 1697 ulloq 11. december 2015-imeersoq umiarsuit isumannaatsumik angalasarnerannut il.il.

#### Imm. 7 -imut

Aalajangersakkamut siunnersuutip kinguneraa licensimik qinnuteqartup pisussaaffeqanngissinnaanera sillimaniarnermut pilersaarusiunnginnissamik, tak. imm. 1-5, siumoortumik / ilutigisaanik sanioqqutsinissamut qinnuteqarsimanikkut, Naalakkersuisut nalilerpassuk ingerlatsinerneq atasanik nalorninaatinik qinnuteqartup neqeroorutaani soqanngitsoq.

### *§ 11-imut*

#### *Imm. 1-imut*

Aalajangersakkamut siunnersuutaasumi nalunaarneqarpoq takornariartitsisartup suliffeqarfiutaata takornariartitsisarnermut inatsisip iluaniittup akisussaasutut sillimmasiinerneq matussutissaateqassasoq, imaluunniit allatigut sillimmasiisimassasoq.

Siunnersuutip kinguneraa piunasaqaataammat takornariartitsisartup taarsiissuteqartussatut akisussaaffia sillimmasiinerneq matussutissaateqassasoq, imaluunniit allatigut sillimmasiisimassasoq. Sillimmasiineq imaluunniit allatigut qularnaveeqqusiisutaasoq ingerlatsinerneq tamanut matussusiisinnaassaq, takornariartitsinerneq ingerlatsisusup neqeroorutigisagaani.

Allatut ittumik sillimmasiineq assersuutigalugu pisinnaavoq kontumik aningaasanik imalimmik pilersitsineq, aningaaserivimmi qularnaveeqqusiineq imaluunniit danskit statsobligationiutaannik sillimmasiineq.

Sillimmasiinerit imaluunniit qularnaveeqqusiisutitut aqqissuussinerit ilusissat takornariartitsisartut kinaanerineq ingerlatsineranillu isiginiaalluni annertussusilerneqarsinnaapput ilusilersorneqarsinnaallutillu, matumanissaaq taarsiissuteqartussatut akisussaateqarsinnaanerup qanoq annertussuseqarnera, takornariartitsinerneq ingerlatassani neqeroorutiginiarneqartuni.

#### *Imm. 2 -mut*

Aalajangersakkamut siunnersuutip kinguneraa piunasaqaateqannginnera inuussutissarsiornikkut sillimmasiisutikkut allatigulluunniit qularnaveeqqusiisutissatut aqqissuussineranik, imm. 1 naapertorlugu, tamatuma aqqissuunnissaata ajornarfigisaani. Tamanna pissaaq sillimmasiisarfiit sillimmasiisimik neqerooruteqarfiginngisaanni, takornariartitsinerneq ingerlanneqartunut matussusiisinnaasunik, takornariartitsisartup neqeroorutiginiagaanut. Tamanna assersuutigalugu qimussertitsisarnerneq atuussinnaavoq, inuussutissarsiornikkut sillimmasiisarfinni taamaattunik neqerooruteqanngippat.

Ilanngullugulu aamma imm. 1 atuutinngilaq periarfissaqanngippat allatigut aaqqissuussinikkut qularnaveeqqusiisoqarsinnaaneranut.

Licensimik qinnuteqartut takornariartitsisarnissamut Naalakkersuisunut uppernarsaatiniq nassiussaqaartussaapput, uppernarsaasunik periarfissaqanngitsoq inuussutissarsiornikkut sillimmasiisinnaanermut allatigulluunniit qularnaveeqqusiisinnaanermut takornariartitsinermut pineqartumut atatillugu, tamanna Naalakkersuisut piumasarippassuk, tak. siunnersuummi § 5, imm. 1. Tamatuma kinguneraa Naalakkersuisut taamaallaat pisariaqartissagaat uppernarsaatit Naalakkersuisut nalornissuteqassappata, takornariartitsisarnermut pineqartumut inuussutissarsiornikkut matumani sillimmasiisoqarsinnaanngitsoq, licensimut qinnuteqaammik suliaqarnermut atatillugu.

### Imm. 3-mut

Naalakkersuisut ersarinnerusunik malittarisassiorsinnaapput immikkut ittunut sillimmasiisarnernut piumasaqaatinik imaluunniit qularnaveeqqusiisarnernut. Assersuutigalugu tamatumani pineqarsinnaapput takornariartitsinermik ingerlatsinerit immikkut ajoquserfusinnaasut nalorninaateqarsinnaasut, aamma assersuutigalugu piumasaqaateqarfusinnaasut sillimmasiinikkut mattussutissaqaartussatut, takornariartunik ajoqusinnginnissaat pillugu nussuisoqarneranut aningaasartuutiniq allatigullu upalungaarsimanermut aningaasartuutiniq matussutissaqaartitsinissat.

### *§ 12-imut*

### Imm. 1-imut

Aalajangersakkatut siunnersuutigineqartoq akiligassiissuteqartarnermut tunngavoq, Naalakkersuisut aningaasartuutaannik pisortat qinnuteqaammut atasumik sullissinerannut, takornariartitsisarnermut ingerlatsisunut licensimut atatillugu, aamma inuussutissarsiutinut suliffinnik ingerlatsisunut allanullu susassaqaartunut siunnersuummut attuumassuteqartunut, kiisalu pisortani suliat pillugit paasissutissinneqarnissamik piumasaqaateqartarnermut atasuni. Aalajangersakkami aamma ilaapput aningaasartuutit pisortat suliamik ingerlatsinerannut tunngasut, Inatsisartut inatsisaannik tunngavilimmik akuersissuteqartarnernut tunngatillugu.

Aalajangersakkamili eqqaaneqareersut saniatigut pineqarput licensit takornariartitsisarnermi takornariartitsisartunullu (license tunineqarsimasut) aamma inuussutissarsiutinik ingerlatsisut susassaqaartullu allat. Inuussutissarsiutinik ingerlatsisut allallu, assersuutigalugit tassaasinnaasut inuit tigussaasut imaluunniit inatsisit naapertorlugit inuit malittarisassanit pineqartut siunnersuummi

§ 15 tunngavigalugu, qinnuteqartuunngitsut imaluunniit takornariartitsisartuunngitsut Inatsisartut inatsisaanni paasinninneq naapertorlugu.

Aalajangersakkami assersuutigalugit pineqarput sulianik ingerlatsineranut, nakkutilliinernut allatigut pisortat ingerlatsinerannut, sulianut atatillugu angalanernut, avataaneersunik siunnersortinut aamma siunnersortinut allanut il.il. aningaasartuutit. Ilaapputtaaq aamma sulianik paasisaqarumalluni piumasaaqatit sulianik ingerlatsisarnermut inatsimmik tunngaveqartut, sulianik ingerlatsineq pineqartutut ittoq pisortat siunnersuut una naapertorlugu ingerlatsisarnerannut qanittuummat.

Aningaasartuutit sulluunniit akiligassiissutigineqarsinnaapput akitsuutitut, tamanna Naalakkersuisunit suliarineqartunut naapertuukkaangat. Aalajangersakkami matumani pisinnaatitsinermik tunngaveqartumik akitsuutinik akiligassiisoqarsinnaangilaq Naalakkersuisut sulianik ingerlatsineranut pisortallu ingerlatsinerannut aningaasartuutaasimasut suliame pineqartumi sinnerlugit.

Akitsuut paasineqassaaq akiliutitut aalajangersimasumik annertussusilittut, pisortat suliamek ingerlatsineranni pisortanit missingersuunneqartunik tunngavilittut.

Pisortat suliamek suliaqarnerannut akiliut pisinnaavoq nalunaaquttap akunneranut akigititamik tunngaveqartumik piffissamut atorneqarsimasumut, suliamek ingerlatsinermi pisortallu suliamek suliaqarneranni, matumani aamma assersuutigalugu nakkutilliinermik ingerlatsineq licensimik tunniussisoqareerneratigut.

Imm. 2-mut

Aalajangersakkamut siunnersuummi Naalakkersuisut pisussaatinneqarput ersarinnerusunik malittarisassiornissamut naatsorsuisarnermi tunngaviusussanut atatillugu, aningaasartuutinut akiligassiisarnermi periaasissamut, akiliuteqartussamut ilisimatitsisarnermut, akiliinissamut piffissaliussanut, ernianut piffissaq eqqorlugu akiliinngitsunut kiisalu akitsuutit annertussusissaannut.

### *§ 13-imut*

Imm. 1-imut

Siunnersuutigineqarpoq Naalakkersuisut takornariartitsisartunik Inatsisartut inatsisaannik tunngavilimmik nakkutilliisuunissaat, malittariassat Inatsisartut tunngavillit aallaavigalugit.

Aalajangersakkamut siunnersuutip taamaasilluni nalunaarpaa Naalakkersuisut nakkutilliisutut oqartussaanerat. Naalakkersuisut nakkutigisaraat takornariartitsisartut Inatsisartut inatsisaanni aalajangersakkanik malinninnerat. Naalakkersuisut ilanngullugu aamma nakkutigaat ingerlatsinerit

allat Inatsisartut inatsisaani ilaasut. Eqqaaneqartup kingulliup kinguneraa Naalakkersuisut nakkutilliinissamut periarfissaat annertuujusoq tunngasuusorlu Inatsisartut inatsisaanni pineqartunut tamanut.

Aalajangersagaq isigineqassaaq atasumik siunnersuummi § 14, imm. 1 aamma 2 -mut, taamalu Naalakkersuisut ilaatigut peqqussuteqarsinnaallutik nakkutilliisutut suliaassanik tunngaveqartunik.

Imm. 3-mut

Aalajangersakkamut siunnersuutaasoq naapertorlugu takornariartitsisartut Naalakkersuisunit peqqunneqarnermikkut paasissutissanik pisariaqartunik Naalakkersuisunut ingerlatitsisussaapput, Naalakkersuisut pisortatut eqqartumik sullissisinnaaqullugit, matumanissaaq ingerlatsinernik siunnersuut naapertorlugu nakkutilliillutik. Naalakkersuisut aalajangersinnaavaat paasissutissat tunniunneqartussat qanoq aaqquissuussamik tunniunneqarnissaat. Takornariartitsinernik ingerlatsisartoq peqqussummik nalunaarfigineqartoq pisussaavoq piffissaq Naalakkersuisut tunniussaata qaangiutsinnagu paasissutissanik ingerlatitsinissamut, paasissutissallu Naalakkersuisut ujjartugaat tunniullugit.

Aalajangersagaq isigineqassaaq atasumik siunnersuummi § 17, imm. 1, nr. 5-imut, akiliisitsissummillu pineqaatissiisoqarsinnaalluni paasissutissat tunniunneqartussat tunniunneqanngippata.

### *§ 14-imut*

Imm. 1-imut

Aalajangersakkamut siunnersuummi nalunaarneqarput peqqussutinut malittarisassat. Inatsisartut inatsisaannik eqqortitsinnginneq, malittarisassanik Inatsisartut inatsisaannik matuminnga tunngavillit imaluunniit licensimi atugassarititaasut kinguneqarsinnaapput peqqussuteqartoqarneranik, aalajangersakkanik imaluunniit atugassarititaasunik malinnittoqarnissaanik. Peqqussuteqartoqarsinnaavoq takornariartitsisartunut.

Takornariartitsisartoq peqqussummik nalunaarfigineqartoq pisussaaffeqarpoq Naalakkersuisut piffissaliussaata qaangiutsinnagu pissutsit pineqartut iluarsiivigissallugit, imaluunniit malittarisassat Inatsisartut inatsisaannik tunngavillit malinneqanngitsut imaluunniit licensimi namminermit atugassarititaasut iluarsisassat iluarsiivigissallugit.

Aalajangersagaq taanna isigineqassaaq atasumik siunnersuummi § 16, imm. 1, nr. 4 -mut, taamalu eqqartuussinikkut akitsuummik akiligassiisoqarsinnaalluni Inatsisartut inatsisaanik,



malittarisassanik Inatsisartut inatsisaannik tunngavilinnik imaluunniit licensimi atugassarititaasunik malinninnginnikkut.

Imm. 2-mut

Aalajangersakkamut siunnersuut naapertorlugu takornariartitsisartup Naalackersuisunit peqqussuteqarfigineqarnermigut paasissutissat nalunaarutigisussaavai pisariaqartinneqartut Naalackersuisut eqqortumik pisortatut suliassamik suliaqarnissaannut atasut, matumani aamma nakkutilliinermut ingerlatsinernut siunnersuummik tunngaveqartunut. Naalackersuisut aalajangersinnaavaat paasissutissat qanoq ilusilerlugit tunniunneqassasut. Takornariartitsisartuq peqqussummik nalunaarfigineqartuq pisussaavoq Naalackersuisunit piffissaliussap iluani paasissutissanik tunniussinissamut.

Aalajangersagaq isigineqassaaq atasumik siunnersuummi § 16, imm. 1, nr. 4 -mut, taamalu akitsuummik pineqaatissiinnikkut akiliisitsisoqarsinnaalluni, paasissutissanut tunngasunik peqqussutigineqartuq malinneqanngippat.

Imm. 3 -mut

Aalajangersakkamut siunnersuut Naalackersuisunik periarfissaqartitsivoq aalajangiisinnaanermut takornariartitsisarnermut licensimik tunniunneqarsimasumik utertitsisinnaanermut, takornariartitsisartup Naalackersuisunit nalunaarutigineqartut peqqussutaasut naammassinngippagit. Akuersissummik utertitsinissamik aalajangerneq Naalackersuisunit naliliinermik tunngaveqassaaq, matumani aamma isiginarlugu peqqussummik unioqqutitsinerup annertussusia. Naalackersuisut assersuutigalugu aalajangersinnaapput aatsaat licensimik utertitsisoqassasoq takornariartitsisartup suli uteqqiasumik peqqussutaasut siunnersuut manna naapertorlugu ingerlanneqartut malittanngippagit.

Imm. 4 -mut

Aalajangersakkamut siunnersuutip Naalackersuisut periarfissaqartippai licensimik tunniussisimanerup utertinneqarneranik tamanut nalunaaruteqarnissamut, tak. imm. 3.

*§ 15-imut*

Aalajangersakkamut siunnersuummi Naalackersuisut pisinnaatinneqarput ersarinnerusunik malittarisassiornissamut, inuussutissarsiornikkut suliffeqarfiit taamaallaat ingerlanneqarsinnaasut sumiiffinni aalajangersimasuni, piffissani ersarinnerusunik aalajangersagaasuni imaluunniit immikkut ittunik atugassarititaasunik eqqortitsisoqartarneratigut.

Aalajangersakkami ilaapput suulluunniit inuussutissarsiornikkut ingerlatsinerit, takornariartitsinerinnaangitsut.

Aalajangersakkamut siunnersuutaasumi aammattaaq Naalakkersuisut aqutissaqartinneqarput ersarinnerusunik malittarisassiornissanut sumiiffinnut pineqartutut ittunut isersinnaatitaaneq pillugu. Aalajangersakkamut siunnersuut siunnerfeqarpoq sumiiffinnut aalajangersimasunut angalaarsinnaanermut uninngaarsinnaanermullu.

Taamaasilluni aalajangersagaq marlungorlugu avitaavoq aqutsillunilu inuussutissarsiutinik ingerlatsinernik aammalu sumiiffinni angalaarsinnaanernik.

Aalajangersakkami aallaaviuvoq Naalakkersuisut pisinnaatinneqarnerat sumiiffimmut atatillugu ersarinnerusunik malittarisassiorsinnaanermut, kisiannili aallaavittut kommunit taakkuussapput aallartitsisartussat siunnersuuteqartarnikkut assersuutigalugu sumiiffiit ersarinnerusut suut kommunimi pineqartumi immikkut ittunik illersuinernik aaqqissuussivigineqartariaqartut, immikkullu ittunik atugassaqartitsiviusariaqartut, immikkut malittarisassanik piumasagaatitut inuussutissarsiornikkut ingerlatsisoqarsinnaaneranut, imaluunniit angalaartoqarsinnaaneranut sumiiffimmilu uninngaartoqarsinnaaneranut.

Malittarisassiortarnikkut inuussutissarsiornermik ingerlatsisoqarsinnaanera taamaallaat sumiiffinni aalajangersimasuni ingerlanneqartarsinnaassasoq, angalaartarnerit uninngaartarnerillu killeqartut ingerlanneqarsinnaassasut paasineqassaaq zone-nik taaneqartunik aaqqissuussilluni aaqqissuussisinnaanertut. Assersuutigalugu matumani pineqarsinnaapput zone-nik assigiinngitsunik aaqqissuussinerit inuussutissarsiornermut sammititaasut imaluunniit angalaarfiusinnaasut. Assersuutigalugu pineqarsinnaapput zone-t qorsuusut killilersuiviunngitsut, zone sungaartoq immikkut piumasagaateqarfiusoq atugassaqartitsiviusorlu, kiisalu zone aappalaartoq inerteqquteqarfiulluinnartoq inuussutissarsiortoqarsinnaaneranik, aamma / imaluunniit angalaarsinnaanermik uninngaarsinnaanermillu.

Ersarinnerusunik malittarisassiorsinnaanermut killilersuutinik angalaarsinnaanermut aamma uninngaarsinnaanermut imaqartunik sumiiffinni aalajangersimasuini taamaallaat atuutinngilaq zone-ni aalajangersimasuni, takornariartitsinerup imaluunniit inuussutissarsiornernerup killeqarfigisaani. Taamaasilluni pisariaqanngilaq ataqatigiinnissaat zone-t assigiinngitsut, inuussutissarsiornarfiusinnaasut, killeqartumik angalaarfiusinnaasut imaluunniit uninngaarfiusinnaasut. Taamaasilluni periarfissaqarpoq aalajangersaasinnaanermut zone-nik angalaarsinnaanermik uninngaarsinnaanermillu killilersuiviusunik, kisiannili assigisaanik killilersuiviunngitsunik imaluunniit inuussutissarsiorsinnaanermut malittarisassaqaanngitsunik. Assersuutigalugu peqarsinnaavoq isiginiartariaqartunik, oqariartortunik angalaarsinnaanernerup uninngaarsinnaanerullu

killeqarnissaannik sermersuarmi, kisiannili assigisaanik inuussutissarsiorsinnaanermik killiliinngitsunik.

Malittarisassaqarneratigut inuussutissarsiornikkut ingerlatsisinnaanermut imaluunniit angalaarsinnaanermut uninngaarsinnaanermullu piffissani aalajangersimasuni, paasineqassaaq assersuutigalugu inuussutissarsiutigalugu aalisartoqarsinnaasoq imaluunniit piniariartoqarsinnaasoq piffissat aalisarfusartut imaluunniit piniarfusartut avataanni, imaluunniit immikkut uumasunik isiginiaalluni imaluunniit pinngortitamik isiginiaanermik peqquteqartunik.

Malittarisassiornikkut inuussutissarsiorerup imaluunniit angalaarnerup aamma uninngaarnerup taamaallaat pisarsinnaanissaannik atugassarititaasut immikkut ittut isiginiarnerisigut, assersuutigalugu paasineqarsinnaapput immikkut ittunik piumasagaatit sillimaniarnermut, sillimmasiisarnermut, atuisinnaaneq imaluunniit inerteqquteqarsinnaaneq atortorissaarutininik aalajangersimasunik imaluunniit inuit najuussinnaasut amerlassusissaannik aalajangersaanerit sumiiffimmut tunngasut, inuussutissarsiorerup imaluunniit angalaarnerup uninngaarnermilu.

Malittarisassat aalajangersakkamik tunngavilimmik pilersinneqartut aaqqissuunneqartussaapput inuussutissarsiorerup aamma avatangiisuiunut inatsisit atuuttooreersut naapertorlugit, soorluttaaq isiginiaasoqassasoq sanaartukkanik arsaarinnittoqannginnissaa. Taamaattumik inerteqquteqarnerit inuussutissarsiorerup ingerlatsisinnaanermut, imaluunniit angalaarsinnaanermut uninngaarsinnaanermulluunniit taamaasilluni naatsorsuutigineqarpoq aallaaviusutut inuussutissarsiutit pioreersut ingerlatsinerisa ilagisaattut, sumiiffimmi pilersinneqarsimasutut. Immikkut ittutigut malittarisassiortoqarsimassappat inuussutissarsiutaareersunut atortinneqalersussanik, tamatuma ilutigisaanik malittarisassiortoqartariaqassaaq immikkut akuersissuteqartoqarsinnaaneranik, taamalu naapertuutinngitsumik inuussutissarsiutitut pioreersunut allalluunniit pisinnaatitaaffiit pissusissamisunngitsunik akuleruttoqaqqunagu.

Malittarisassat aalajangersarneqartut killeqartumik sumiiffimmiissinnaanermut uninngaarsinnaanermullu sumiiffinni aalajangersimasuni, pisartussaapput Kalaallit Nunaata nunat tamalaat akornanni pisussaaffiit naapertuuttunik, matumani aamma Europami inuit pisinnaatitaaffiit isumaqatigiisummut, - Den Europæiske Menneskerettighedskonvention (EMRK). Killilersuinerit angalaarsinnaanermik aamma uninngaarsinnaanermik sumiiffinni pineqartuni, akerliusariaqanngilaq pissutsinik akornusersuinissanut, kiisalu killilersuinerit illersugaannut namminernut. Taamaasillunilu malittarisassiornerni atsikkutigiissaarisooqartarnissaa isiginiarneqartariaqarluni. Ilanngullugulu malittarisassat aamma imaqartariaqarput immikkut sanioqqutsisinnaanermut periarfissanik, kiisalu nalunaarsuutininik ilaqarluni angalaarsinnaanerup uninngaarsinnaanerullu killeqartup sumiiffimmi killeqartumi pisinnaaneranut tunngasunik. Immikkut akuersissuteqarsinnaanermut periarfissaqartitaaneq, assersuutigalugu imaqartoq inuk immikkut naliliisoqareneratigut akuerineqarsinnaassasoq angalaarnissamut

uninngaarsinnaanermullu sumiiffimmi, immikkut ilaqutariit inuunerannik, aningaasaqarnermi isiginiagassanik imaluunniit allatigut pissutsinik tunngaveqartunik.

Imm. 2 -mut

Siunnersuutigineqarpoq malittarisassat aalajangersarneqartut imm. 1, tunngavigalugu akerliussanngitsut kommunimi pilersaarummut, nunamut tamarmut pilersaarusiornermut inatsimmut imaluunniit inatsisinut allanut, malittarisassanik aalajangersaasunut sumiiffinnut aalajangersimasunut ingerlaarsinnaanermut, imaluunniit inuussutissarsiutigalugu ingerlatsinerit taamaallaat sumiiffiit ilaanni aalajangikkani ingerlanneqarsinnaanerannut, piffissami immikkut aalajangiivigineqartuni, imaluunniit atugassarititaasut immikkut ittut iluanni.

Tamatuma kinguneraa isiginiarneqarnissaat kommuninut pilersaarutit il. il. atuuttut, zone-nut immikkoortitserinernik imaluunniit angalaarsinnaanerit, uninngaarsinnaanerit imaluunniit inuussutissarsiornernik ingerlatsisinnaaneq pillugit aalajangersaavioreersut, aammalu malittarisassat Inatsisartut inatsisaat naapertorlugu aalajangersagaasut matumani tunuartassasut. Tamanna assigisaanik aamma atuuppoq inatsisinut allanut atasumik, aqutsisunnut angalaartarnernik killeqartunik uninngaartarnernillu sumiiffimmi illersuiniarnernik tunngaveqartuni.

Aalajangersakkamik isiginiaaneq taamaasilluni qularnaarissaaq inatsisiliortoqannginnissaanik akerliusunik kommunit namminerisamik aalajangiisinnaanerannut, sumiiffinnut atasuni imaluunniit inatsisinut allanut atasuni.

### *§ 16-imut*

Imm. 1-imut

Aalajangersakkamut siunnersuummi nalunaarneqarpoq pisuni qanoq ittuni Kalaallit Nunaanni Pinerluttulerinermut inatsimmik tunngaveqartunik akiliisitsisoqarsinnaanersoq pillugu.

Aalajangersakkami pisinnaatitsisoqarpoq akitsuummik pineqaatissiisinnaaneq, pineqartumut, 1) takornariartitsinernik neqerooruteqartumut imaluunniit ingerlatsisumut § 3, imm. 2 naapertorlugu licensimik peqanngitsumut.

Takornariartitsinernik ingerlatsisarnermut piumasaqaataavoq licensimik - akuersissummik tunniussaartoqarsimanera. Aalajangersagaq aalajangiisuvoq Inatsisartut inatsisaata siunertaanut atuuffianullu, aamma taamaallaat takornariartitsinernik ingerlatsisoqarsinnaasoq licensimik - akuersissummik nalunaaruteqartoqarsimappat.

2) Licensimut atatillugu Inatsisartut inatsisaannik tunngavilimmik atugassarititaasut unioqqutinneqarpata imaluunniit malittarisassat Inatsisartut inatsisaannik tunngavilimmik suliaasut unioqqutinneqarpata, imaluunniit licensimut atugassarititaasut unioqqutinneqarpata. Aalajangersagaq qularnaarissaaq ingerlatsinerit pisassasut siunnersuummi siunnersuummi siunertaasutut.

3) Eqqunngitsunik imaluunniit paatsiveerusaataasunik paasissutissiisumut pisortat pissaannut paasissutissanut atatillugu § 5, imm. 1 naapertorlugu. Aalajangersagaq isigineqassaaq atasumik pisariaqarmat licensimut qinnuteqaammik suliaqarnermut atasumik siunnersuummik tunngavilimmik nakkutilliisoqarnissaa, paasissutissat pisariaqartut tamarmik eqqortumik nalunaarutigineqartarnerannik.

4) Peqqussutigineqartunik nalunaarutigineqartunik § 14, imm. 1-2 naapertorlugit malinninngitsoq. Aalajangersagaq isigineqassaaq atasumik pisariaqartoq pisortat suliasaminnik suliarinninnerannut Inatsisartut inatsisaat una tunngavigalugu peqqussutit tunniunneqartut malinneqartarnissaat. Peqqussutit malinneqanngitsut akitsuummik akiliisitsineq kingunerisinnaavaat.

Imm. 2-mut

Siunnersuutigineqarpoq Inatsisartut inatsisaata imaluunniit malittarisassat Inatsisartut inatsisaannik tamatuminnga tunngavillit akiliisitsisoqarnissaanik inassuteqarsimatillugu akiliisitsissutissaq inatsisit naapertorlugit inummut Kalaallit Nunaanni Pinerluttulerinermut inatsit naapertorlugu pineqaatissiisoqarsinnaasooq.

Taamaasilluni aalajangersakkami nalunaarneqarpoq pineqaatissiisoqarsinnaasooq ingerlatseqatigiiffinnut il.il. (inatsisit naapertorlugit inunnut) pinerluuteqarsimanermut akisussaanermut Kalaallit Nunaanni Pinerluuteqarsimanermut inatsimmi kapitali 5-imi malittarisassat naapertorlugit. Tamanna aamma atuuppoq aalajangersakkanik suliaqartoqarpata imm. 4-mi eqqaaneqartunik, taakkualu akiliisitsisinnaaneq aalajangerpassuk, akiliisitsissutissaq inatsisit naapertorlugit inummut pineqaatissiisutaasinnaasooq Kalaallit Nunaanni Pinerluttulerinermut inatsimmi maleruagassat tunngavigalugit.

Imm. 3 -mut

Aalajangersakkamut siunnersuut pisinnaatitsivoq peqqussutinut pilersinneqartunut § 6, § 11, imm. 3, aamma § 15 pineqaatissiisoqarsinnaasooq akitsuummik akiliisitsinikkut Kalaallit Nunaanni Pinerluttulerinermut Inatsit naapertorlugu.

Imm. 4 -imut

Aalajangersakkami pisinnaatitsissuummi nalunaarneqarpoq Inatsisartut inatsisaannik imaluunniit malittarisassanik inatsimmik tunngaveqartunik unioqqutitsinikkut arsaarinnittoqarsinnaasooq

Kalaallit Nunaanni Pinerluttulerinermut inatsimmi malittarisassat naapertorlugit. Arsaarinninneq aamma inatsisit naapertorlugit inummut tutsinneqarsinnaavoq. Arsaarinnissutaasut nunatta karsianut iluaqutissanngortinneqassapput.

#### Imm. 5 -imut

Aalajangersakkap kinguneraa akitsuutit akilerneqartut Inatsisartut inatsisaanni maleruagassat naapertorlugit, imaluunniit malittarisassat Inatsimmik tunngaveqartut naapertorlugit akilerneqartut nunatta karsianut nakkartinneqartassasut.

### § 17-imut

#### Imm. 1-imut

Aalajangersakkamut siunnersuutikkut piffissaliisoqarpoq qaammatinik 6-inik aalajangiinerup eqqartuussivinnut suliassanngortinneqarsinnaaneranut.

Aalajangersakkamut siunnersuut atortinneqassaaq suliassanngortitsinernut aalajangiinernik namminernik, matumani aamma assersuutigalugu aalajangiinerup misilinneqarneranut sunniutaanulluunniit, aamma taarsiivigineqarnissamik sulianut, akiliisitsissutissanut allanut imaluunniit piumasqaatinut imaluunniit aalajangiinernut atasuni.

Piffissaliineq naatsorsorneqassaaq illuatungiusup aalajangiineq pillugu ilisimatinneqarfianiit. Aalajangiineq tamanut saqqummiussaasimappat, naammagittaalliorsinnaaneq naatsorsorneqassaaq ullormut tamanut saqqummiiviusumiit. Piffissaq naammagittaalliorfiusinnaasoq arfininngornikkut naappat, piffissaliussaag ulluinnarmut siullermut sivitsorneqassaaq.

#### Imm. 2-mut

Aalajangersakkamut siunnersuutip kinguneraa suliat imm. 1 tunngavigalugu Kalaallit Nunaanni Eqqartuussivimmi suliassanngortitat suliaqarfittut siullertut isigineqarnissaat.

#### Imm. 3 -mut

Aalajangersakkap aalajangerpaa aalajangiinermik eqqartuussivinnut suliassanngortitsineq ingerlaannartumik malittarisassamik atortuulersitsinermik kinguneqartanngitsoq, Naalakkersuisut allatut aalajangiinngippata. Eqqartuussivinnut suliassanngortitsineq aalajangiinermik ingerlaannartumik atortuulersitsinermik kinguneqassappat aalajangiineq aatsaat atortuulissaaq suliame aalajangiisoqareeraangat, imaluunniit aalajangiinermik allannguisoqarpat, imaluunniit suliassaq itigartinneqarpat, utertinneqarpat imaluunniit allatut atorunnaarpat. Ingerlaannartumik aalajangiinerup atortuulersinnaaneranik nalilersuinermi ilaatigut isiginiaasoqarsinnaavoq aalajangiineq pitsaanngitsunik kinguneqarsinnaanersoq licensimik qinnuteqartumut takornariartitsinermut, imaluunniit takornariartitsisartumut licensimik itigartinneqarsimasumut.

Taamaattumik aalajangersagaq ikkunneqarpoq periarfissiumalluni suliamik eqqartuussivinni suliaqarneq takornariartitsisartumik aningaasatigut eqquisinnaanersoq pinngitsoorniassallugu, assersuutigalugu akiliisinnaajunnaarnikkut, akilersuiunnaarnikkut imaluunniit akiliisinnaajunnaartutut suliarineqarnermik.

*§ 18-imut*

Imm. 1-imut

Siunnersuutigineqarpoq Inatsisartut inatsisaat atortuulissasoq ulloq 1. januar 2025.

Imm. 2-mut

Aalajangersakkap imm. 2-ani aalajangiunneqarpoq Inatsisartut inatsisaat 1. januar 2027 tikillugu takornariartitsinernut inatsisinik malinnilluni Inatsisartut inatsisaata atortuulernerani ingerlatsisunut atortinneqassanngitsoq.

Aalajangersakkamut siunnersuutaasup kinguneraa inuussutissarsiortut aaqqissuussisimasut inatsisit iluanni takornariartitsisinnaanerminnik inatsisit atuuttut iluanni, licensinik suliaqartarnerit piffissamik atuffiusarnerisa kingunerisaanik annaasaqassanngitsut piffissami 1. januar 2025-imiit licensimik nalunaaruteqartoqarnissaata tungaanut.

**Tusarniaanermi allakkiaq  
Tusarniaaneq siulleq**

Siunnersuut piffissami 24. april 2024 - 5. juni 2024 tamanut ammasumik Naalackersuisut tusarniaasarnermut quppersagaani takuneqarsinnaasimavoq, soorluttaaq siunnersuut piffissami pineqartumi ukununga tulliuuttunut tusarniaassutigineqarsimasoq:

- Naalackersuisut Siulittaasuata Naalackersuisoqarfia
- Ineqarnermut Attaveqaasersuutinullu Naalackersuisoqarfik
- Aningaasaqarnermut Akileraartarnermullu Naalackersuisoqarfik
- Aalisarnermut Piniarnermullu Naalackersuisoqarfik
- Isumaginninnermut, Ilaqutariinnut, Suliffeqarnermut Nunamullu Namminermt Naalackersuisoqarfik
- Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik
- Nunalerinnermut, Imminut Pilersornermut, Nukissiuuteqarnermut Avatangiisinullu Naalackersuisoqarfik
- Meeqqanut Inuusuttunullu Naalackersuisoqarfik
- Peqqissutsimut Naalackersuisoqarfik
- Naalagaaffinngornissamut Nunanullu allanut Naalackersuisoqarfik
- Avannaata Kommunia x 2
- Qeqqata Kommunia
- Kommune Qeqertalik
- Kommuneqarfik Sermersooq
- Kommune Kujalleq
- Grønlands Erhverv
- Sulinermit Inuusutissarsiuteqartut Kattuffiat (SIK)
- Atorfillit Kalaallit Nunaanni Kattuffiat - Akademikernes Sammenslutning i Grønland (ASG)
- Ilinniartitsisut Meeqqat Atuarfianneersut Kattuffiat (IMAK)
- Nunatsinni Perorsaasut Kattuffiat (NPK)
- Peqqinnissaq Pillugu Kattuffiat (PPK)
- Kalaallit Nunaanni Aalisartut Piniartullu Kattuffiat (KNAPK)
- Avannaani Inuusutissarsiortut
- Qeqertalik Business Council
- Arctic Circle Business
- Sermersooq Business
- Innovation South Greenland



- Kommuni Pilersaarusiornermut Oqartussat
- Visit Greenland
- Nalik Ventures
- Air Greenland
- Eqqartuussissuserisut - Nuna Advokater
- Eqqartuussissuserisoq - Arctic Law
- Eqqartuussissuserisut - Advokatfirmaet Malling & Hansen Damm
- Eqqartuussissuserisoq - Advokatfirmaet Meinel
- Eqqartuussissuserisoq - Advokat Gedion Jeremiassen
- Inuit Law
- Eqqartuussissuserisoq - Advokat Naja Joelsen
- Eqqartuussissuserisoq - Advokat Aviâja Helms
- Eqqartuussissuserisoq - Advokat Marie Louise Frederiksen
- Kukkunersiuisut - Grønlands Revision
- Kukkunersiuisut - Deloitte
- EY
- WWF Kalaallit Nunaanni
- Oceans North Kalaallit Nunaat
- Pinngortitaleriffik
- AECO
- Arctic Umiaq Line
- Kalallit Airports
- Sikuki
- Grønlandsbanken
- Banknordik

Piffissap tusarniaaviusup naanerani tulliuttunit tusarniaanermik akissutinik Naalakkersuisut tigusaqarput. Ilanngullugillu Naalakkersuisut akuerisimavaat akissutigineqartut tusarniaaviusoq naareersoq tiguneqartut ilanngunneqarnissaat.

- AECO
- Air Greenland
- Albatros Arctic Circle ApS
- Andrew McLean
- Arctic Circle Business
- Arctic Hiking and Expeditions ApS
- Arctic-Dream APS
- Avannaata Kommunia
- Blue Water Greenland aamma Eimskip Greenland
- Danmarks Rejsebureau Forening (DRF)

- Aningaasaqarnermut Akileraartarnermullu Naalakkersuisoqarfik
- Ineqarnermut Attaveqaasersuutinullu Naalakkersuisoqarfik
- Peqqinnissamut Naalakkersuisoqarfik (Oqaaseqaateqanngillat)
- Forsikring & Pension (F&P)
- Greenland Airports
- Greenland Sagalands Qaqortoq Tourist Service
- Sulisitsisut
- Kukkunersiuisut - Grønlands Revision
- GrønlandsBANKEN
- Guide to Greenland ApS
- Heliskigreenland
- Hotel Hans Egede A/S
- Hotel SØMA aamma Indenlandsk Sømandsmissionimi siulersuisut
- Illit Forsikringit Agentur A/S (Codan)
- Ilulissat Excursions
- Ilulissat Guesthouse aamma Ilulissat Adventure
- Innovation South Greenland A/S
- Johan Arne Fleischer
- Eqqartuussissuserisut Kielberg Advokater - Hotel Nordbo A/S sinnerlugu
- KNAPK
- Kommune Kujalleq
- Kommune Qeqertalik
- Kommuneqarfik Sermersooq
- Nalik Ventures
- Nanortalik Serano Boat Tours
- Nomad Greenland
- Nuna Advokater
- Oceans North Kalaallit Nunaat
- Pinngortitaleriffik
- Pirhuk – Greenland Mountain Guides ApS
- Qeqertalik Business Council og Destination Diskobay A/S
- Qeqertarsuaq Boat Tours ApS
- Qeqqata Kommuni
- Sermilik Adventures ApS, Arctic Dream ApS og Tasiilaq Tours (Visit East Greenland)
- SIK
- Sillisit Hostel / Café Thorhildur
- Topas Explorer Group
- Transparency International Greenland (TIG)
- Travel by Heart ApS aamma Taavani ApS
- Trophy Huntin Greenland
- Ultima Thule
- Visit Greenland

Tulliuttuni oqaaseqarfigineqartassapput tusarniaavigineqartut oqaaseqaatigisaat aamma allannguutissatut siunnersuutaat, tusarniaanermi tiguneqarsimasut. Oqaatigineqassaaq tusarniaavigineqartunit akissutigineqartut assut annertuujusut pingaarnersiorlugit issuaavigineqartassammata. Naalakkersuisut tusarniaavigineqartut akissutaannut oqaaseqaataat *kipungasunik allatatut nalunaarneqartarput.*

Tusarniaanermi akissutigineqartut (oqaaseqaatigineqartut) tamakkerlugit Inatsisartuni ataatsimiititaliamut suliamik matuminnga suliaqartumut ingerlatinneqarput.

## 1. Ataatsimut oqaaseqaatigineqartut

**Peqqinnissamut Naalakkersuisoqarfik** siunnersuummut oqaaseqaateqanngilaq.

**Ilulissat Excursions** aamma **Johan Arne Fleischer** ataatsimut isigisumik oqaaseqarput siunnersuut tapersersussallugu pissutissaqartoq, aammalu aningaasat takornariartitsinermit takornarianiillu isaatinneqartartut Kalaallit Nunaannut innuttaasunullu iluaqutissaasariaqartut.

**Pirhuk – Greenland Mountain Guides ApS** siunnersuummik tikilluaqqusivoq isikkivinniit arlaqartuniit oqaatigalugulu unammillernarsinnaasartoq Kalaallit Nunaanni amerlanerusunik isertitassarsiorniartarnek suliffeqarfinit nunanit allaneersunit, isumaliutigineqarsinnaasorlu periarfissaasinnaanersoq kalaallinut takornariartitsisartunut kiffartuussinernik immikkut ingerlatsisarsinnaaneq nunani allamiut suliffeqarfutaannut atatillugu, kalaallit sillimaniarnikkut il.il. pilersaarutaannut ilaasuni.

**Aningaasaqarnermut Akileraartarnermullu Naalakkersuisoqarfiup** oqaatigaa oqimaaqatigiissaagaasunik aaqqissuussinissaq pisariaqartoq inatsisitigut killiliussani takornariartitsinermik ineriartortitsinermi maani nunami, takornariartitsineq ineriartortinneqarsinnaassappat. Pingaaruteqarpoq oqimaaqatigiissitsineq, najukkat nammineq soqutigisaasa kissaatillu pissusissamisoortut najukkamik aallaaveqarnissamik avataanneersut aningaasalersuinerinit ilaginnarsimaneqannginnissaat, kisiannili aamma aalajangiisuvoq nunatsinni takornariartitsinerup ineriartorsinnaanera, aningaasaliissutissanillu pisariaqartunit anguneqarsinnaanissaa, eqaatsuunissaa nutartertuartuunissaalu piffissap ingerlanerani. Tamanna pisariaqarpoq unammilligassat piusut pissutsillu sunniisartut atuuttut isiginiarlugit, minnerunngitsumik inuiaqatigiinni inuttakitsuni isorliunerusuniittuni aporneqartartussani takornariartitsinermi periarfissanik inerisaaniarnerni, peqataaniarnermilu.

**Oceans North Kalaallit Nunaat** oqaaseqarpoq inuiaqatigiit kalaallit aamma takornariartitsinerup ineriartortinneqarnerani pingaaruteqartoq oqimaaqatigiissitsisoqarnissaa, - balance - nukinnut atugassanut, tassani aamma aningaasaliissutinut aqquutaasumi, imatut ingerlatsinerup kalaallini inuiaqatigiinnik akiginnilluni pinnginnissaa, inuiaqatigiinni ileqqutoqqanik aseruisoqannginnissaa oqimaaqatigiissitsisoqarnissaalu aalisarnerup, piniarnerup eqeersimaartumillu inooqataanerup iluani.

**Kommune Kujalleq** oqaaseqarpoq takornariartitsineq pisuni amerlasuuni nunat tamalaat akornanni suleqatigiinnermi ileqquusunik tunngaveqartartoq, tamannalu inatsisini ersertariaqartoq, eqqumaffigisariaqartorlu nunanit tamalaanit aningaasaliisartut periarfissaat.

**Kommune Qeqertalik** akuersivoq takornariartitsinerup aqunneqartariaqarneranik siunnerfigalugu piujuaannartitsinerup sillimaniarnerullu qularnaarneqarnissaat, kisiannili ilutigisaanik tikkuarlugu aalajangiisuusooq inatsisiliornerup takornariartitsinermi annertusiartortitsisinnaanermik imaluunniit ineriartortitsisinnaanerup akornusersuinnginnissaat, imaluunniit pisariaqanngitsunik allaffissornikkut suliffeqarfiit oqimaarsaasersunnginnissaat.

**GrønlandsBANKEN** inatsisissatut siunnersuummi siunertaasunik tapersersuivoq, kisiannili isumaqarani inatsisissatut siunnersuummi sakkussat siunertat naammassiniarneranni naammassasut.

**Sermilik Adventures ApS, Arctic Dream ApS aamma Tasiilaq Tours (Visit East Greenland)** oqaaseqarput nalorniarqartillugu killiliussat aamma killilersuutaasut inatsisissatut siunnersuummiittut ineriartortitsinissamut Kalaallit Nunaannilu takornariartitsinerup siuarsarnissaannut periarfissaqartitsinersut, matumanissaaq aalajangersakkat amerlasuut ersarissuunngimmata.

**Arctic Dream ApS'-imi sulisut** ataatsimut ernummatiminnik ersersitsippot inatsisissatut siunnersuut kinguneqarsinnaammat suliffeqarfiit matunerannik, taamalu sulisuusut isertitaarunnerannik.

**Qeqertalik Business Council** aamma **Destination Diskobay A/S** oqaaseqarput inatsisissatut siunnersuut killilersugaanngitsumik takornariartitsineramik kigaalaqusersuisinnaasoq, aammalu inuussutissarsiutigalugu piniartut aalisartullu saniatigut isertitaannut sunniuteqarsinnaasoq.

**Arctic Hiking aamma Expeditions ApS** pissutissaqartitsinngillat takornariartitsinermut immikkut malittarisassiornissamut, inuussutissarsiutinut allarpassuarnut sanilliullugu, tamanna suliffeqarfinnut mikisunut oqimaarsartitsissammat, allaffissornermillu annertusaalluni, inuiaqatigiinnut iluaqutissartaqanngitsunik.

**Qeqertarsuaq Boat Tours ApS** oqaaseqarpoq inatsisissatut sinnersuummi suliffeqarfiit minnerusut avataaneersut najukkanilu namminerni ingerlatsisartunik suleqatissarsiortartut akornusersortariaqanngitsut.

**Greenland Airports, Hotel SØMA aamma Indenlandsk Sømandsmission** aamma **Kielberg Advokater, Hotel Nordbo A/S** sinnerlugu allattoq isumaqarput annertuvallaamik pitsaanngitsumillu inuiaqatigiinnut sunniuteqassasoq, minnerunngitsumik nunanit allaneersut aningaasaliissutaannut immikkullu ilisimasaannut. Ilutigisaanik takornariartitsineramik ingerlatsisumut allaffissornikkut oqimaarsaatissanik siunnersuut kinguneqassaaq. Kaammattuutigineqarpoq ilitersuusiortoqassasoq suliffeqarfiit inatsimmi piumasqaatinik naammassinninnissaannik ikiorumallugit.

**Nuna Advokatit** oqaatigaat siunnersuut pissutissaqartitsisoq ernummatissanik arlaqartunik piumasqaatinik nutaanik eqqussuisoqarnissaani takornariartitsineramik ingerlatsiumalluni,

naatsorsuutigisariaqassasorlu ineriartortitsineranut annertuunik kinguneqassasoq suliffeqarfinnut aalajangersimasunut, nunatsinnilu inuussutissarsiornermut ataatsimut isigaluni.

**Heliskigreenland** aamma **Andrew McLean** oqaaseqarput inatsisissamut siunnersuutip kingunerissagaa sullitat aamma immikkut ilisimasat nunat tamalaat akornanni suliffeqarfiit pigisaat sumiiffinnut allanut nutsernerannik, taakkua Kalaallit Nunaanni ingerlatsisinnaatitaassanngippata. Heliskigreenland inassuteqarpoq taarsiullugu takornariamut ataatsimut ullormut akitsuummik aaqquissuussisoqassasoq, inuiaqatigiinnut ingerlatsinermi sunnerneqartunut akiliutigineqartartussamik.

*Inuussutissarsiornermut, Niuerneranut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarpai tusarniaanermi akissutigineqartut, oqaaseqaatigineqartullu allat isumasioqatigiilluni ataatsimiinnermeersut ulloq 27. maj aamma 6. juni 2024. Naalakkersuisoqarfiup nalilerpaa pisariaqartitsisoqarmat takornariartitsinerup aqunneqarnissaanik, inatsisissamullu siunnersuut pisariaqarmat. Taamaattoq Naalakkersuisoqarfiup aamma tusarnaarpai saqqummiussorneqartut ernummataasut, arlalitsigullu inatsisissamut siunnersuummi nalimmassaasoqarluni. Naalakkersuisoqarfiup ilaatigut tusaaniarsimavai tusarniaanermi akissutaasut oqariartortut inatsisissatut siunnersuut ineriartortitsinermik killilersuisinnaasoq, matumani ingammik najugaqartuunissamik piumasagaammut atasuni, tusarniaavigineqartunit arlalinnit akornutaasinnaasutut oqaatigineqartarmat nunanik tamalaanik suleqateqarnermut. Tamannalu tunuliaqutaralugu Naalakkersuisoqarfiup ilaatigut najugaqartuunissamik piumasagaat naleqqussarsimavaa, ingerlaqqittumik periarfissaqartikkumallugu nunani tamalaani ilisimasallit iluaqutigineqarnissaannut, ingerlaqqittumillu nunanit tamalaaniit aningaasaliisoqartaqqullugu, Kalaallit Nunaanni takornariartitsinermut iluaqutaasussamik.*

**Aningaasaqarnermut Akileraartarnermullu Naalakkersuisoqarfiup** oqaatigaa atugassarititaasutut killiliussat takornariartitsinermi periarfissanik iluaquteqarnermut atasut inatsisissatullu siunnersuummi oqariartuutigineqartut iluaqusiisumik Qajannaassutsimut Inerisaanermullu Pilersaarusiarmut 2-mut naapertuuttumik aaqquissuunneqarsinnaasut. Tassa imaappoq pisariaqartitsineranut piginnaasanillu ineriartortitsinermik pilersaarusiormut suliniutinut naapertuuttunik takornariartitsinermi pisariaqartitat eqqarsaatigalugit, kiisalu suliffeqarnermi pisariaqartitsinermut naleqqussagaasunik, takornariartitsinerup qanoq ineriartortinneqarnissaanut naatsorsuutigisat kissaatigisallu aallaavigalugit. Assigisaanik pissutsit atuupput suliffeqarnermut atasunik pisariaqartitsineranut periarfissanullu naleqqussaarni.

**GrønlandsBANKEN** oqaaseqarpoq inatsisissamut siunnersuut manna takornariartitsinermut periusissiamut naapertuuttumik kivitsinngitsoq, 2024-2025-imut atasumik aalajangersagaareersumut, soorluttaaq takornariartitsinermik ingerlatsinerit assigiinngitsut assigiinnginneri isiginiarneqanngitsut.

**Transparency International Greenland (TIG)** oqaaseqarpoq aamma ilaatigut takornariartitsinermut atatillugu ikaarsaariarnermut periusissiaq 2023-2024 ilaasariaqartoq, qularnaarumallugu ersarissaaneq ataqatigiissaarinerlu periusissianik atortitsinermi.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup maluginiarpai oqaaseqaatigineqartut. Naalackersuisoqarfiup oqaatigaa ilaatigut inatsisissamut siunnersuummi isiginiarneqarmat 2023-2024-imi piffissamut ikaarsaariarfiusumut atatillugu periusissiaasoq, taannalu ilaatigut tungaviusimammat inatsisissamut siunnersuummi, ilaatigut immikkoortuni zonenut immikkoortitseraluni aaqqissuussinermi, sillimaniarnermut pilersaarussiani takornariartitsinerit aaqqissuunneqarneranni assigiissaaraluni aammalu najukkani innuttaasunik peqataatitsisarnerni. Taamaattoq Naalackersuisoqarfiup ilanngullugit maluginiarpai tusarniaavigineqartunit oqaaseqaataasut isumaqanngitsut takornariartitsinermik periusissiaasunik siunnersuut kivitsisussaasoq, taamaattumillu siunnersuummi arlaqartutigit iluarsisioqarpoq.*

## 1.1 Aningaasaqarnikkut allaffissornikkullu kingunerisassaanik itisilerinerit pillugit

**Aningaasaqarnermut Akileraartarnermullu Naalackersuisoqarfiup, Greenland Airports, Grønlands Revision** aamma **Qeqqata Kommuni** oqaaseqarput pisariaqartitsisoqartoq nalinginnaasunik oqaaseqaatinik itisilerisoqarnissaanik, minnerunngitsumik aningaasarsiornikkut aamma allaffissornikkut siunnersuutip kingunerisassaanut atasuni. Aningaasaqarnermut Akileraartarnermullu Naalackersuisoqarfiup oqaatigaa maqaasineqartut kingunerisassanik nalilersuinerit siunnersuummi immikkoortut pingaarnerit eqqarsaatigalugit, aammalu nalilersuinerit qanorlu isumalluortoqarneranik oqariartuutit aallaaviusutut ilaqartariaqartut tigussaasunik kisitsisinik paasissutissanik ilaqartunik nalilersuinerinik. **Aeco** inassuteqarpoq qulaajaasoqartariaqartoq maanna takornariartitsinermik, nalilersuinerinillu tungaveqartunik peqqissaartumik kingunerisassaanik naliliisoqarluni takornariartitsinernik neqeroorutaasartuni, takornariartitsinermi suliffissaqartitsinermik kiisalu aamma takornariartitsinermi isertitanik akileraartitsisarnermullu tungaviusunik inatsisissatut siunnersuummik aallaaveqartunik.

**Aningaasaqarnermut Akileraartarnermullu Naalackersuisoqarfiup** oqaatigaa maqaasineqartut kingunerisassanik nalilersuinerit, nunanit allaneersut aningaasalersuisarnerisa kikkunnit taarserneqarnissaa eqqarsaatigalugu, aamma qanoq aaqqissuussinikkut ilisimasanik peqalertarnerup minnerunngitsumillu aningaasaliissutissaqartitsinerup naapertuuttumik annertussusilimmik pigiinnarneqarsinnaanerani. Ilanggullugulu ingerlaqqilluni inassutigineqarpoq nassuiaasoqassasoq piffissap akuersaarneqarsinnaasup iluai qularnaarneqarsinnaanersoq nunatsinni namminermit aningaasalersuisoqarsinnaalersinnaanera, Grønlandsbanken -imiit aningaasaliissutitsigut imaluunniit allat aningaasaliissutaasigut, nunanit allaneersut naatsorsuutigisariaqartut inatsisikkut peersinneqartut taartaattut aningaasalersuutissanik, avataaneersut aningaasaliisartut tunuassappata. Ilanggullugulu nassuiarneqartariaqarput nalorninaataalersinnaasut timmisartunut mittarfiliornertigit aningaasalersuutit naammattumik iluaqutigineqarsinnaalissanersut, takornariartitsinerup annertunerulerneratigit.

Aningaasaqarnermut Akileraartarnermullu Naalackersuisoqarfiup ilanngullugu aamma oqaatigaa nalilersuineq siunnersuut aningaasarsiornikkut pitsaasunik sunniuteqassanersoq pillugu assersuutigalugu pitsaassusilersorneqartariaqartoq uuttuutaasunik pingaarutilinnut ilaareersunut atasumik, matumanissaaq inooqatigiinnikkut sunniutaasunut, piujuuaannartitsinermut

suliffissaqartitsinermullu atatillugu qanoq ittunik isumalluortoqarneranut, matumanissaaq ukioq kaajallallugu suliffissaqartitsisinnaanermi periarfissat eqqarsaatigalugit.

Aningaasaqarnermut Akileraartarnermullu Naalakkersuisoqarfiup oqaatigaa tunngavilersorluagaasunik piviusunillu oqariartortoqartoq piffissamut ungasissumut isigisunik annertuunik siunnersuut sunniteqarsinnaasoq, politikki piviusunngortikkumallugu kissaataasoq pissutigalugu, maani najugaqartut immikkut illersorumallugit salliusussanngorlugit avataaneersunit unammillerneqarnissamut, minnerunngitsumik inoqarfinni minnerusuni, sumiiffinnilu avinngarusimasuni.

**Qeqqata Kommuniata** inatsisiliortut naliliinerat isumaqatiginngilaa, inatsisissamut siunnersuut pisortanut inuussutissarsiortunullu pitsaasunik aningaasarsiornikkut kinguneqartussaasoq pillugu. Siunnersuutikkut takornariartitsinermik suliffeqarfiit allaffissornerujussuarmik suliassaqartinneqalerput, soorluttaaq avataaneersut takornariartitsinermut aningaasalersueqataanerat annaaneqarsinnaasoq.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarpai tusarniaanermi akissutaasut tiguneqartut, tamannalu tunuliaqutaralugu aningaasaqarnermut allaffissornermullu siunnersuutip kingunerisassai itisileriffigisimallugit, kiisalu aamma nalinginnaasunik oqaaseqaataasut siunnersuummut.*

**1.2 Innuttaasunik aamma soqutigisaqartunik akulerussisarneq / peqataatitsisarneq Arctic Circle Business aamma Transparency International Greenland (TIG)** kaammattuipput najukkani namminerni innuttaasunik aamma soqutigisaqartunik akulerussisoqartassasoq, assersuutigalugu najukkani namminerni tusarniaanertigut imaluunniit workshops atorlugit.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup kissaatigineqartut innuttaasunik aamma soqutigisaqartunik akulerussisarneq tusaatissatut tiguai, oqallitsitsiviusunillu ataatsimiinnerni arlaqartunik ingerlatsisarsimalluni ulluni 27. maj aamma 6. juni 2024.*

### **1.3 Suli aammaarluni annerusumillu inatsisitigut aqutsineq**

**Travel by Heart ApS** aamma **Taavani ApS** aperipput takornariartitsinermut inatsisiliorneq saniatigut ilassutitut misissorneqassanersut Kalaallit Nunaanni ilaasunik angallassarneq pillugu inatsisit, oqaatigineqarporlu EU-mi ullumikkut peqqussuteqarmat illersuisunik angalasunik / atuisartunik EU-ip iluani angalasunik (aamma angalasut apuuffissaannut Kalaallit Nunaanni), kisiannili taamaattumik Kalaallit Nunaanni soqanngilaq.

**Guide to Greenland ApS** oqaaseqarpoq Naalakkersuisut kissaateqarsimappata aningaasalersuinikkut Kalaallit Nunaanni takornariartitsisarnermik annertusiartortitsinissamik killiliussatut inatsiseqarnissaa kissaatiginartoq, oqariartuuteqartunik qitiusutut niurneq inuussutissarsiummi tassani suunersoq pillugu Namminersorlutik Oqartussat suliffeqarfiutaanni

ingerlatsiviinilu, takornariartitsinerup iluani, imaalillugu tamakkua pissusissamisuumngitsumik namminersortut soqutigisaannut aallarnisaasartunullu unammillertoqqunagit.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarpai inatsisissatut siunnersuummut atatillugu oqaaseqaatigineqartut sinneri aamma. Kalaallit Nunaanni ilaasunik angallassineq pillugu inatsisinut atatillugu Naalakkersuisoqarfiup innersuutissavai inatsisissamut siunnersuut pineqartutut ittoq Ineqarnermut Attaveqaasersuutinullu Naalakkersuisoqarfimmiimmat.*

## 2. Inatsimmi immikkoortunut assignngitsunut

### 2.1 Kapitali 1 -imut: Inatsisip atuuffia aamma taaguutit

Tusarniaavigineqartut arlaqartut oqaatigaat kissaatiginartoq taaguusersuutini inatsimmiittuni arlaqartutigit erseqqissaasiisoqartariaqartoq.

**Air Greenland aamma Arctic Hiking and Expeditions ApS** oqaaseqarput pingaaruteqartoq ersarissumik allassimassasoq ingerlatsinerit qanoq ittut piumasaaqatini pineqarnerisut, aamma suut pineqannginnersut. Aarlerinaateqarpoq arlalitsigut ersernerluttoqarsinnaanera ingerlatsinerit amerlasuut akuleriittut pisarmata, assignngitsunillu taaguusersorneqarsinnaallutik. **Ultima Thule** inassuteqarpoq inatsimmi ersarissunik aaqjissuussisoqassasoq, Naalakkersuisut assignngitsut paarlakaattut inatsimmik allanngortitsisinnaaqunagit.

**Travel by Heart ApS aamma Taavani ApS** ataatsimut inassuteqarput isumassarsiorortoqarsinnaasoq taaguut "takornariaq" pillugu United Nations Tourism-imiit, tassani takornariartitsineq imatut nassuiarneqarmat: *"Takornariartitsineq tassaavoq inooqatigiinnermi, kulturikkut aamma aningaasarsiornikkut suussuseq, imaqartoq inuit nunani sumiiffinnilu angalaartarnerannik, nammineq ulluinnarni sungiusimasat avatangiisit avataanni, inuttut nammineq imaluunniit niuernikkut professionelliusumillu siunertanik tungaveqartunik. Inuit taakkua taaneqartarput tikeraanik, (takornariaasinnaallutik imaluunniit angalaartuunissaallutik; aalajangersimasumik najugaqartoq imaluunniit sumiiffimmi aallami najugaqartoq), aammalu takornariartitsisarneq sammisanik imaqartarluni, takornariartitsinermut aningaasartuutinik akulerussisartoq".*

**Arctic Circle Business** oqaaseqarpoq takornariartitsinerup suussusilersorneqarnera nunatsinni tamarmi inatsisit assignngitsut akimorlugit assignnartariaqartoq, aammalu akuersissutit pillugit tusarniaasernerit siammasinnerusumik suussusilersortariaqartut.

**Blue Water Greenland aamma Eimskip Greenland aamma Visit Greenland** kissaateqarput inatsisissatut siunnersuummi taaguutigineqartut sulii annerusumik erseqqissaasersorneqartariaqartut. Ilaatigut ilassusiisoqartariaqarpoq immikkuualuttortaqarnerusumik taaguusersuummik, kiisalu assersuutinik "takornariartitsinermik ingerlatsivik" aamma "inuussutissarsiuutinik ingerlatsivik suunersut pillugit, aamma taakkua suna assignngissutigineraat. Kiisalu aamma ugartorneqarpoq immikkuualuttortalersugaanerusoq allaaserinnineq, suna "inuussutissarsiuutit sammiviat ersarinnerusoq" pineqarnerusoq, aamma inuussutissarsiuutit sammiviinut nassuiaatit, aalajangersagaq



paasineqarluarnerusinnaaqullugu. Ilanngullugulu inassutigineqarpoq kiffartuussinerit pineqartut assigiinnigitsut suunerinik nassuiaasiisoqassasoq.

**Blue Water Greenland aamma Eimskip Greenland, Grønlands Erhverv, Travel by Heart ApS aamma Taavani ApS aamma Visit Greenland** ilanngullugu ujartuippot nassuiaatinik taaguutitut qaqugukkut misigisassarsiornerusarnerisut, aamma ersarissumik paasinninnernik “kiffartuussinernik takornariartunut pingaarnertut saaffiginnittut” pillugit, ersarissuqqullugu qanoq uuttuisoqartassanersoq, matumani aamma assersuutigalugu takornariartussanik inniminniinerit amerlassusaannik, takornariartartut kaaviaartitaasa annertussusaannik imaluunniit unnuisarnerit amerlassusaannik imaluunniit akunnernik atorneqartunik.

**Kalaallit Nunaanni Sulisitsisut aamma Qeqertalik Business Council aamma Destination Diskobay A/S** tamatumunnga atatillugu oqaaseqarput piffissap ilaannaani ingerlatsisuusartut aamma isiginiarneqartariaqartut.

**Arctic Circle Business aamma Visit Greenland** oqaaseqarput inuussutissarsiummut atasumik takornariartartut pilersaarutini aaqqissuussinernilu tamani takornariartarnernut sunniuteqarfiusuni ilaatinneqassasut.

**Nuna Advokatit** isumasioqatigiilluni oqaloqatigiittarnerit tunuliaqutaralugit maluginiarpaat takornariartitsinermik ingerlatsinertut paasineqassasut “inuit tigussaasut imaluunniit inatsisit naapertorlugit inuit, nammineq iliuuseqarnermikkut imaluunniit sullissisunik aaqqissuussisartunit saaffiginnittoqarneratigut, takornarianik neqerooruteqartartunit aammalu inuussutissarsiornikkut niueruteqartartunit tulluuttut tassaasut takornariartitsinernik kiffartuussisarnerit: misigisassarsiornerinik aaqqissuussisartut aamma nioqquteqartartut, aamma ingerlatsisarnerit inoqutigiaanut - tassa gruppinit aamma inunnut ataasiakkaanut, soorlu imaatigut angallassisarnerit, pisuttuarnerit, qimussimik angalaartarnerit, snescooterinik angalaartarnerit, sisoraatinik ujakkaartarneq, tammaarsimaartarneq, aalisariartarneq aamma piniariartarneq il.il.” **Nuna Advokatit** kaammattuippot inatsisissatut siunnersuummi § 2, imm. 1 tamakkununga naapertuuttumik iluarsiiissuserneqassasoq.

**Ineqarnermut Attaveqaasersuutinullu Naalakkersuisoqarfiup** oqaatigaa pissusissamisoorpasinngitsoq inatsisissamat siunnersuummi akunnittarfiit piumasaqaatinut ilaatinneqisigut unnuisarfissanut aningaasaliiumassutsimut akornutaasinnaasoq. Inassutigineqassaaq nukittorsagaasumik sammineqassasut “misigisassat”, aamma tamatumunnga assersuutinik nassuiaatitut oqaaseqaatini allaaserinnittoqassasoq, pissutigalugu tamanna sanilliussisinnaanermik annertunerulersitsissammat. Ilanngullugu aamma oqaatigineqarpoq isumaqarluassasoq “misigisassanut” atatillugu akunnittarfiit imaluunniit “angallassissutit motorillit” inatsimmi ilaassappata, matumani ingerlatsineq misigisassanut ilaasimappat. Ineqarnermut Attaveqaasersuutinullu Naalakkersuisoqarfiullu ilanngullugu kaammattuutigaa siunnersuummut nassuiaatitut oqaaseqaatini erseqqissarneqassasoq unnuisarnerup aamma misigisassat inatsimmi ilaanersut, tassa imaappoq assersuutigalugu takornariartut pinngortitami unnuinissamat akiliuteqaraangata, taavalu eqqartuussissuserisut **Kielberg Advokater, sinnerlugu Hotel Nordbo A/S** oqaaseqarluni ersareqqissaasamik suussusilerneqartariaqartut sammisanik ingerlatsisarnerit suuneri, aamma suut inatsimmi ilaannginneri, kissaatigineqarsimappat akunnittarfiit inatsisip

atuuffigisaanut ilaassanngitsut. **Nuna Advokatit** ilanngullugu aamma oqaatigaat isumasioqatigiilluni oqallinnernit nalunaarsuutini allassimammat akunnittarfiit aamma unnuisarfiit, neriniartarfiit, piniarfiit tammajuitsussarsiniartarfiit aamma inunnik qamutit motorillit atorlugit assartuisarneq inatsimmi pisinnaatitsissutit akuersissummik tunniussisarnerup ilagisussaangikkaa isumaliutaasoq, taakkua nioqqutigisanngimmatigit aqqissuuttarnagillu misigisassarsiorititsisarnernik siunertaqartut ingerlatsinerit, tamannalu inatsimmut nassuiaatit oqaaseqaatini erseqqissallaqquneqarpoq. Ilanngullugu Nuna Advokatit paasinninneraat inunnik qamutit motorilinnik angallassisarneq assersuutigalugu timmisartoqarfimmiit akunnittarfirmut “takornariartitsinermik ingerlatsinertut” isigineqanngimmat, tamanna misigisassanik nammineq ilaqarsimangippat, tamannalu taamaattut Nuna Advokatit naatsorsuutigaat. Taamaattumik siunnersuutigineqarpoq tamanna inatsississamut siunnersuummi § 3, imm. 8 -mi erseqqissarneqassasoq. Ilanngullugulu siunnersuutigineqarpoq ilaatinneqassanngitsut takornariartitsinermik ingerlatsisarnert kaffisoriartortitsinernik, qilaatersornermik, uajaarnermik aamma eqqumiitsuliortut ingerlatsinerit akuersissuteqartarnerup avataaniissasut.

**Nuna Advokater aamma Travel by Heart ApS og Taavani ApS** oqaaseqarput inatsississamut siunnersuummi erseqqissarneqartariaqartut angalatitseqatigiiffinnut takornariartunillu sullissisarnernut ingerlatsineq. Nuna Advokatit oqaatigaat oqallitsitsisarnert tunuliaqutaralugit paasinarpoq inatsississatut siunnersuummi “akunniliulluni sullissinermi” ilaanngitsut a) assersuutigalugit akunnittarfiit imaluunniit angalatitseqatigiiffiit, takornarianut innersuussisartut misigisassarsiorinissap imaluunniit ingerlatassat pisiarisarnissaannik takornariartitsisartumi aqqissuussisaasartumi, tunisaqartartuni pisussanillu suliaqartartui, imaluunniit b) assersuutigalugu akunnittarfik imaluunniit angalatitseqatigiiffik takornariamut misigisassamik tunisaqartartut akunnermiliuttut, kisiannili akuerisaasumit takornariartitsisartumit pisisartut, nioqquteqartumit, aqqissuussisartumit pisussamillu ingerlatsisuusartumit, taakkualu erseqqissallaqqunartut. **Guide to Greenland ApS** inassuteqarportaaq ilanngunneqassasoq: ”Sullissisuusarneq takornariartitsisartup neqeroorutaanik kiffartuussinikkut akuersissummik peqarnissamik piumaqaateqarfiumngitsut”.

**Qeqqata Kommuni** inassuteqarpoq misissoqqinneqassasut § 1 -ip, tamatumaniissaaq imm. 4 -ap oqaasertalersorneri, ersernerlummat inuussutissarsiut tamarmiusoq pineqarneris imaluunniit immikkut takornariartitsinermik ingerlatsisuusartut aalajangersimasut pineqarneris, akuersissummik peqarnissap avataaniissinnaasut, aamma suut pineqarneris oqaatsini ”naapertuutinngitsunik allaffissornikkut oqimaarsaatissat”. Ilutigisaanik inassutigineqarpoq taaguusersuutinut nassuiaammik § 2, imm. 3 -mi aammaarluni ilassusiisoqassasoq.

**Visit Greenland** inassuteqarpoq ilanngullugu immikkut nassuiaasoqassasoq qanoq Destination Management Companies (DMC'er) taakkualu allequtaralugit tuniniaasartui malittarisassanit nutaanit sunnerneqassanersut, piginnittuunermut piumasaqaatinik, ingerlatsinermilu killilersuutinit.

**Ilulissat Excursions** isumaqarpoq erseqqissaasertariaqartoq nunatsinni najugallit takornariartutut isigineqartassanngitsut, tassa imaappoq inatsit najugaqavissunut nunatsinni angalasunut atatillugu atuutinngitsosq.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermi akissutigineqartut oqallitsisarnerrillu tunuliaqutaralugit inatsimmi aalajangersakkat erseqqissarsimavai aamma nassuiaatit oqaaseqaatit, inatsimmi kapitalimi 1 -imiittut, siunnerfigalugu inatsimmi nassuiaatit ataasiakkaat erseqqinnerulersikkumallugit, siunnerfigalugu inatsisip atuuffigisaa paasinarnerrussaq, takornariartitsinermik ingerlatsineq suunersaq, kiisalu suut inatsisip iluani pineqannginersut.*

## **2.2. Kapitalimut 2: akuersissummik peqarnissamik piumasagaat pillugu**

### **2.2.1. Ataatsimut akuersissummi peqarnissamik piumasagaammut**

**Nalik Ventures** oqaaseqarpoq inatsisissatut siunnersuummi iliuusissatut siunnersuutigineqartoq akuersissuteqartalernissaq paasinarluinnartoq ileqqussanullu pitsaasunut ilaalluni. **Greenland Sagalands Qaqortoq Tourist Service** oqaaseqarpoq takornariartitsinermik inuussutissarsiornermi pissusissamisoorluinnartoq maani najugaqartuunissaq, maani nunatsinni inuunissaq aamma najukkanut allattorsimaffimmi nalunaarsorsimanissaq akuersissummik peqalersinnaassagaanni..

**Visit Greenland** oqaaseqarpoq akuersissuteqartalernerup sillimaniarneq ataatsimut pitsaanerulersissinnaagaa pitsaassusissanillu kivitsisusinnaasoq, tamakkualu Kalaallit Nunaata takornariartarfittut pitsaasutut isigineqarneranik pitsaanerulersitissasut. Nunani tamalaaneersut ingerlatsisut tamanna ujartortarpaat, issittumilu takornariarfittut aalajangiisuuvoq pitsaassusissat qaffasissuunissaat. Taamaattoq aamma pingaaruteqarpoq aaqqissuussinerup pisariillunilu eqaatsuunissaa, ineriartortitsineq maanna ingerlanneqartoq akornusersorumanagu. Taamaakkualuarterli takornariartitsinermik ingerlatsisusut minnerit allaffissornikkut oqimaarsaasorsorneqassanngillat. Inassutigineqassaaq ilitersuisarneq aamma tapiissuteqartarnernik aaqqissuussinerit akuersissuteqartarnermut atasumik aaqqissuunneqassasut, qularnaarumallugu peqqissumik ineriartortitsineq inuussutissarsiummi, sulilu amerlanerusut kaammattorumallugit inuussutissarsiummut ikaarsaartarnissamut.

**Air Greenland-ip** oqaatigaa pingaaruteqartoq aaqqissuussinerup allaffissornikkut aningaasatigullu ingerlatsisunut mikinernut oqimaarsaatinngunnginnissaa. **Kommune Qeqertalimmi** ernummatigineqarpoq akuersissuteqartarnermut piumasagaat niuerfiusumut isersinnaanermi sukarsuarnik pilersitsisinnaanera, ingammik suliffeqarfinnut minnerusunut aamma inummit ataasiinnarmit ingerlanneqartunut. Isumaliutigeqqeqquneqarpoq akuersissuteqartarneq sakkusaaersaq eqqortoq, takornariartitsinermi assigiissaariumalluni piujuaannartitsinerullu sillimaniarnermik ilaqartup qularnaarneqarnissaani. Minnerunngitsumik isiginiarlugu siusinnerusukkut inuussutissarsiornermut akuersissummik atorunnaarsitsisoqarnera.

**Albatros Arctic Circle ApS, Greenland Sagalands Qaqortoq Tourist Service, Innovation South Greenland A/S, Ilulissat Guesthouse og Ilulissat Adventure, Kielberg Advokater** sinnerlugu **Hotel Nordbo A/S** aamma **Trophy Hunting Greenland** oqaaseqarput akuersissuteqartalernissamik piumasagaat allaffissornikkut oqimaarsaatinik annertunerulersitsissasq, minnerunngitsumillu minnersut qinnuteqaasiornermi unammilligassaqalissasut. Trophy Hunting Greenland oqaaseqarpoq ilanngullugu qularnaarneqartariaqartoq qinnuteqaatit taakkualu nalilersorneqartarnerisa akimut

ersittuunissaat kikkullu tamarmik naligiimmik pineqarnissaat, itigartitsinerillu misilinneqarsinnaanissaat maalaaruteqartarfikkut aamma eqqartuussivitsigut pisariaqarfianni.

**Albatros Arctic Circle ApS, Grønlands Erhverv, Hotel Hans Egede A/S, Sermilik Adventures ApS, Arctic Dream ApS** aamma **Tasiilaq Tours (Visit East Greenland)** isumaqarput aaqqissuussinerit allat pitsaanerussasut inatsimmi siunertat naammassisarnissaannut.

**Albatros Arctic Circle ApS** inassuteqarpoq piginnaasanik qaffasinnerulersitsinissat, pitsaassusissat aamma piujuaannartitsineq immikkut aallunneqassasut, suliniutigineqassasorlu piartuaartumik takornariartitsisartunut akuersissuteqartarnek ineriartortinneqassasoq, taamalu takornariat qaammarsaavigineqarluartunik tunngavilinnik qinigassaqartinneqarlutik akuersissut pinnagu. Taanna tassaasinnaavoq “Certified local guides – level 1 – 2 aamma 3” piginnittuuneq apeqqutaatillugu, najukkami sulisussat, ukiuni qassini Kalaallit Nunaanni ingerlatsisimaneq, piujuaannartitsinermi piumasagaatit il.il. apeqqutaatillugit. **Hotel Hans Egede A/S** aamma **Sermilik Adventures ApS, Arctic Dream ApS** aamma **Tasiilaq Tours (Visit East Greenland)** oqaaseqarput aaqqissuussineq tassaasariaqartoq pitsaassusissanut akuersissut, suliffeqarfimmik sillimaniarnikkut isumannaatsumik, peqquussutsumik piujuaannartitsinermillu aallussisumik nittarsaassisoq.

**Sulisitsisut** inassutigaaat nammineq piumassutsimik akuersissummik allagartaliisarnermik aaqqissuussineq imaluunniit licensimik tunniussisarnermik aaqqissuussineq. Tamatumunnga pissutaavoq licensimik akuersissuteqartarnek (imaluunniit allagartaliisarnek) siunnerfeqarnerussamat ingerlatsinermut aamma suliffeqarfimmut, akuersissummili nalinginnaasumik ilinniagaqarsimaneq aamma piginnaasaqarnek akuersissummik tunineqartussanik aallaaviusarmat. **Innovation South Greenland A/S** oqaaseqarpoq isumassarsiortoqartariaqartut pitsaassusissanik nalunaaqutsersuisarnissamik inatsisissatut siunnersuutaasimasumiit 23. januar 2020 -imeersumiit pitsaassusissanik aaqqissuussinissami, taamani aamma aaqqissuussinissamik pilersarusiortoqaraluarimat.

**Visit Greenland** oqaaseqarpoq isumaqarlutik autorisationi kiisalu aamma certificering ataatsimut atuutsinneqarsinnaasut, siulliullu aappaa matutinngikkaa. Visit Greenland suliasanut pilersarusiamik suliaqarsimavoq nuna tamakkerlugu atortinneqartussamik, ilaatigullu EU -mit tamatumunnga aningaasaliivigineqarsimalluni, taamaattumillu kaammattuutigalugu (imai ilusialu apeqqutaatinnagit) tamatuma certificeriisarnermut programmimut ilanngunneqarnissaa, marloqiusanik takornariartitsinermut atasumik sulisoqaqqunagu.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermiit akissutigineqartut tiguneqartut aallaavigalugit aammalu isumasioqatigiilluni ataatsimiinnerit aallaavigalugit inatsimmi aalajangersakkat nassuiaatitullu oqaaseqatit erseqqissaasertarsimavai. Naalakkersuisoqarfiullu ilanngullugu maluginiarpai siulianiittut kissaatit aaqqissuussinermut, takornariartartunut pitsaassutsinik takussutissaqartitsiniarnerit. Naalakkersuisoqarfiup mattutereerumanngilaa aaqqissuussineq pineqartoq oqallisigineqarsinnaammat, inuussutissarsiortullu kaammattorlugit aaqqissuussinermik sulianut tapersersuinissaannik.*

*Naalakkersuisoqarfik suli ingerlaqqittumik isumaqarpoq pineqartut saniatigut pisariaqartitsisoqartoq aaqqissuussinermik pitsaassusissanik qaffasissunik qularnaarisunik, ilaatigut sillimaniarnikkut takornariatitsinernik Kalaallit Nunaanni ingerlatsisarnerni. Naalakkersuisoqarfiup taamaattoq aaqqissuussineq iluarsiiuserpaa, ataatsimut licensimik akuersissuteqarnermik aaqqissuussinertut, pisinnaatitsissutitut akuersissutaanngitsumik. Naalakkersuisoqarfiup ilaatigut taaguut "autorisation" – tassa oqaasilerissutit naapertorlugit piginnaatitaaneq – taarserpaa licensimik. Tamanna pivoq taaguutinik ingerlatsinermut atasunik suliffeqarfinni siunnerfeqartoqaqqullugu.*

**Albatros Arctic Circle ApS, Air Greenland, Hotel SØMA** aamma **Indenlandsk Søndagsmission, Trophy Huntin Greenland** aamma **Qeqqata Kommuni** oqaaseqarput ersernerluttoq piginnaatitaanermi atugassarititaasut suut pineqarneri, inassutigalugulu objektiviusunik amerlanerpaanik atugassaqartitsisoqassasoq piginnaatitaalersinnaanermi.

**Nuna Advokatit** oqaatigaat sumiiffinnut killilersuutaasinnaasut aalajangersarneqartarsinnaasut isiginiiaasunik a) sillimaniarnikkut piumasagaatit imaannik aamma akisussaasutut sillimmasiissummik / qularnaveeqqusiissummik, sumiiffimmut takornariatitsiviusartumut atasunik, kiisalu b) zonenut aaqqissuussinerup kingunerisaanik ingerlatsinernik matusinerni, tak. inatsisissatut siunnersuummi § 17. Paarlattuanik naatsorsuutigineqanngilaq aqutsisoqalerumaarneranik kikkut piginnaatitaalersinnaanernannik sumiiffimmut aalajangersimasumut. Siunnersuutigineqarpoq erseqqissarneqassasoq tamanna innersuummik ilanngussinikkut § 3, imm. 3 -mi aammalu § 10 -mi sillimaniarnermut pilersaarutit pillugit aamma § 17 -imi zonenut immikkoortitserineq pillugu.

**Kukkunersiuisut - Grønlands Revision** inassuteqarput aalajangersagaliortoqassasoq ersersillugu piaaraluni isertitanik akileraartarnermut inatsimmik unioqqutitsinerit piginnaatitsiissummik atorunnaarsitsisarnermik kinguneqartassasoq.

*Tamatuma saniatigut Naalakkersuisoqarfiup aaqqissuussineq iluarsiiuserpaa, imaalillugu aaqqissuussineq piumasagaatinik aalajangersimareersunik naammassisaqarfiusussanngorlugu, akuersissummik licensimik tunineqarsinnaajumalluni. Erseqqissarneqarpoq inatsisissatut siunnersuummi § 3, imm. 3 -mi piumasagaatit inatsisissatut siunnersuummi §§ -ini 8-11 -imi pineqartunik naammassisaqarfiusussaasoq, licensimik tunineqarsinnaassagaanni. Inatsisissatut siunnersuummut nassuiaatitut oqaaseqaatini ilanngullugu erseqqissarneqarpoq allanik piumasagaateqanngitsoq, licensimik tunineqarsinnaanermut. Ilutigisaanillu inatsisissatut siunnersuummit peerneqarpoq qinnuteqartup akuersissuteqarfineqarsinnaanermut piumasagaatinik allanik naammassinninnissaa.*

### 2.2.2. Inatsimmik sanioqutsisinnaaneq

**Greenland Airports, GrønlandsBANKEN, Grønlands Erhverv** aamma **Qeqertalik Business Council** aamma **Destination Diskobay A/S** innersuussippot isumasioqatigiiffiusumik ataatsimiinnermi ulloq 27. maj 2024 eqqaaneqarmat ukiumut aningaasaliissutit killeqassasut 5.000 kr.-inik takornariatitsisartumut inatsisip piumasagaataasa avataaniitsitassaanik. Inassutigineqarpoq qaffasissuseq taanna suli qaffanneqassasoq, qaffasissutut nalilerneqanngimmat, **GrønlandsBANKEN** ilutigisaanik inassuteqarpoq suliffeqarfiit inummit ataasiinnarmit pigineqartut

avataaniitsinneqarsinnaanerannik takornariartitsisarnerup ukioq tamaat suliffiunnginnerani, pisariitsumillu aaqqissuussisoqarsinnaasoq nalunaarsuiffimmut nalunaartarnissamik, maanna piniarnermut akuersissummik tunineqartarnermut assingusumik.

**Nuna Advokatit** siunnersuutigaat § 3 -mi ersarissumik aalajangersakkamik sanioqquatsisinnaanermt aalajangersagaqassasoq, takornariartitsisarnerit ilaat aalajangersimasut (soorlu kaffisortitsinerit, qilaatersortarnek, uaajaartarnek assigisaallu) sillimaniarnermut pilersaaruserfiusariaqanngitsut aamma forsikringeqarfiusariaqanngitsut akuersissuteqartarnerup avataaniilersillugit. Taamaalilluni immikkut sanioqquatsisinnaanermt periarfissamik atuisinnaaneq annikillineqassaaq, pisunut ilinniagaqarnerup Kalaallit Nunaata avataani pisunut maani najugaqartussaasariaqannginnermt assigisaannullu, ingasattumillu aqutsisinnaaneq allaffissornerujussuarlu pinngitsoorneqarluni.

**Arctic Dream ApS, Nuna Advokater** aamma **Danmarks Rejsebureau Forening (DRF)** siunnersuuteqarput ilanngullugu aalajangersakkamik pisinnaatitsissusiisoqassasoq maanna takornariartitsisartut ullumikkut inatsisit iluanni ingerlatsisut piginnittuunissamik piumasagaatinik naammassinninnissaat pisariaarullugu.

**Guide to Greenland ApS** inassuteqarpoq § 3, imm. 2 -mi ilassusiinissamik ”Kalaallit Nunaanni takornariartitsinermik ingerlatsineq kiffartuussiviusoq Kalaallit Nunaata avataani takornariartunut akuersissummi ilaanngillat”, tamanna inatsimmi siunertaasimanaviannngimmat, kalaallit angalatitsiviisa angalanernik, assersuutigalugu Island-imut angalanernik nioqqutaat akuersissutitut ilaanissaat. Ilanggullugulu inassutigineqassaaq ilassusiisoqassasoq imaattumik: ”Ussasaarisarneq imaluunniit paasissutissiisarneq takornariartitsisartut kiffartuussisarnerinik takornarianut akuersissuteqarnissamik piumasagarfiunngilaq”.

*Inuussutissarsiornermt, Niuernermt, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermik akissutigineqartut aamma isumasioqatigiilluni oqallitsitsinerit tunuliaqutaralugit inatsisissatut siunnersuummi § 3 iluarsisuteqarfigaa, imm. 7 -imik ilanngussilluni, licensimik peqarnissamik sanioqquatsiffiusinnaasut pillugit. Ilutigisaanik ersarinnerusumik erseqqissaasoqarpoq inatsisip atuuffianik suussusilersuinermt, ilanngullugu erseqqissaaneq inatsit assersuutigalugu atuutinnngitsoq kiffartuussinermut Kalaallit Nunaata avataaniittunut atuisartunut, kiisalu inatsit aamma atuutinnngitsoq takornariartartunut paasissutissiisarnernut kiffartuussisarnerinik. Kiisalu ilanngussisoqarpoq annikitsunut killiliussamik, qaqugukkut takornariartitsisartut inatsimmi pineqarnermt pillugu. Tigussaasumik aalajangersagaliortoqarpoq pisartunut inuup imaluunniit inatsisit naapertorlugit inuup ukiumut takornariartitsinermiit isertitaasa 50.000 kr.-it ataallugit annertussuseqartarnerannut.*

### 2.2.3. Piginnaatitsissutip – autorisationip piffissamik killilertarnera pillugu

**Greenland Sagalands Qaqortoq Tourist Service** oqaaseqarpoq piffissami killilikkami piginnaatitsissusiisarneq aningaasaliissuteqartannginnermt kinguneqarsinnaasoq. **Air Greenland, Arctic Dream ApS, Nuna Advokater** aamma **Topas Explorer Group** siunnersuuteqarput piffissamut killiligaanngitsumut piginnaatitsissummik – autorisationimik

akuersissuteqartoqartarnissaanik. Nuna Advokatit aamma Topas Explorer Group siunnersuuteqarput piginnaatitsissut piffissamik killiligaassanngitsoq, kisiannili ukiumoortumik nalunaarusiortarnissamut piumasaqaateqassasoq qularnaarumallugu takornariatitsisarnermik ingerlatsinissamut piumasaqaatit suli naammassineqartarnerat, naammassinninnginnermilu akuersissummik utertitsisoqarsinnaassasoq. Taamaalilluni nukinnik atuinerujussuaq allaffissornerlu akuersissummik sivitsuisarnermut pinngitsoorneqartassasoq oqaatigineqarpoq, - aamma pissutsit tulluannngitsut akuersissutip atorunnaanngitsoortarneri, aatsaallu kingusinnerusukku sivitsuisarnerit, allaffissornerikkut sullissinernik sivisuunik kinguneqarsinnaasut pisortani ulapinnernik pissuteqartartut, maanna ajornartorsiutaasinnaasartut, sivitsuiniartarnernut aatsitassarsiornermiittut aammalu sermimik imermillu iluaquteqarnermiittut.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermi akissutigineqartut aamma isumasioqatigiilluni oqallitsitsinerit tunuliaqutaralugit inatsisissatut siunnersuummi § 3 -mi iluarsisissuteqarpoq, imaalillugu maanna § 3, imm. 2, oqaaseqatigiit aappaanni ersersillugu licensi piffissamut killiligaanngitsoq. [Tamatumani saniatigut Naalakkersuisoqarfiup peerpaa inatsisissatut siunnersuummi § 3, imm. 5 -iusimasoq, piginnaatitsissummumut – autorisationi piumut ilisimatitsinani atorunnaartassasoq takornariatitsisartup takornariatitsineq ingerlatsinngippagu akuersissummumut killiliussat iluanni, ataatsimut ukiup ataatsip iluani.]*

#### **2.2.4. Immikkut sanioqqutsisinnaanermut akuersissuteqarsinnaanermut**

**Albatros Arctic Circle ApS, Arctic Hiking and Expeditions ApS, Grønlands Erhverv, Hotel Hans Egede A/S, Hotel SØMA aamma Indenlandsk Sømandsmission, Topas Explorer Group, Travel by Heart ApS aamma Taavani ApS, Qeqqata Kommuni aamma Visit Greenland** oqaaseqarput immikkut sanioqqutsisinnaanernut akuersissuteqarsinnaaneq erserlertuttooq, naliliinertaqarpasilluni assigiinngisitsisinnaanermillu imaqartungalluni. Hotel Hans Egede A/S inassuteqarpoq immikkut sanioqqutsisinnaanermi periaaseq aqunneqassasoq tigussaasunik piumasaqaatinik killiliussanik ersarissunik tunngavilimmik komité -mit arlaannannulluunniit atasuunngitsumit, atorfilimmi ataasiinnarmiinnani.

**Nuna Advokatit** inassutigaaat nassuiaatitut oqaaseqaatini erseqqissaatinik ilanngussisoqarnissaa sanioqqutsisinnaanermut akuersissuteqartarnermut arsaarinnissuteqartarnernullu atasunik.

**Sillisit Hostel / Café Thorhildur** siunnersuuteqarput ilanngussisoqassasoq periarfissamik immikkut sanioqqutsisinnaanermut qinnuteqartoqarsinnaanngorlugu, najukkani namminerni neqerooruteqartartunik % -tit aalajangersimasut iluani suleqateqaraanni, kiisalu sulisoqaraanni % -it aalajangersimasut iluanni.

**Ilulissat Excursions** inassuteqarpoq immikkut sanioqqutsisinnaanermut periarfissaq peerneqassasoq, putunik “iluquteqarsinnaaneq” ajornanngippallaarmat.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermi akissutigineqartut aamma isumasioqatigiilluni oqallitsitsinerit tunuliaqutaralugit inatsisissatut siunnersuummi nassuiaatitut oqaaseqaatini iluarsisissuteqarpoq, imaalillugu itisilerisoqarluni qaqugukku*

*sanioqqutsisoqarsinnaanera isumaliutaanersoq. Tamatumunnga oqaatigineqassaaq sanioqqutsisinnaanermik aalajangersagaq periarfissatut isumaliutaammat, pisuni immikkut ittuni, inatsimmi namminerimi aaqqissuutereerneqarsinnaanngitsuni, aammalu naapertuilluannngiffiusuni suliffeqarfiup inatsimmi aalajangersakkanit qulangersimaneqarnissaa. Kiisalu aamma inatsimmi namminerimi ikkussisoqarnikuuvoq siuliani pineqartunik tunngaveqartuni sanioqqutsisinnaanernik, tak. siulianiittut.*

### **2.2.5. Paasissutissanik avitseqatigiittarneq pillugu**

**Greenland Sagalands Qaqortoq Tourist Service** tapersersuinngilaq takornariartitsisartut paasissutissanik tunniussaqaqartarnissaannut.

**Hotel SØMA aamma Indenlandsk Sømandsmission** inassuteqarput § 5, imm. 2, peerneqassasoq, imaluunniit paasissutissanik katersisarneq avitsisarnerlu nassuiarneqarnerussasut. **Sulisitsisut aamma Kielberg Advokatit, Hotel Nordbo A/S** sinnerlugu oqaaseqarpoq aalajangersagaq taamaallaat atuuttariaqartoq paasissutissanut naapertuuttumik avinneqarsinnaasunut. **Hotel Hans Egede A/S** siunnersuuteqarpoq inatsisissatut sinnersuummi immikkuaaluttortalersuisoqassasoq paasissutissat suunerinik, atortuulersitsisoqassasorlu isumannaallisaarnernik annertunerusunik paasissutissanik suliaqartarnernut atatillugu. **Nuna Advokatit** siunnersuutigaaq erseqqissaanissaq paasissutissanik avitsisarnerup kisitsisinut paasissutissanut tunngasuuneranik. **Travel by Heart ApS aamma Taavani ApS** isumaqarput paasissutissanik avitseqatigiittarnermut oqaasertaliussat iluarsineqassasut, matumani taamaallaat pineqartut paasissutissat kinaassuseqanngitsut pisortani oqartussanut tunniunneqartarnissaat, tamakkua pisariaqarfiini.

**Grønlands Erhverv, Albatros Arctic Circle ApS aamma Travel by Heart ApS aamma Taavani ApS** oqaaseqarput immikkut tunngavissanik tunngavilersorluagaasunik soqanngitsoq Namminersorlutik Oqartussani ingerlatsivinnut avitseqateqartarnissanut, tamannalu unammilleqatigiinnermik innarliinerusinnaasoq.

*Inuussutissarsiornermut, Niuernerimut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermi oqaaseqaatit tiguneqartut tunuliaqutaralugit aalajangersakkamik iluarsivoq, tassanilu erseqqissarneqarluni pisuni qanoq ittuni paasissutissanik avitsisoqarsinnaanersoq. Tamatuma kinguneraa pisuni marluinnarni paasissutissanik avitsisoqarsinnaanera. Siullermi pineqarpoq paasissutissanik avitsisarneq pisortanut kisitsisinik paasissutissanik suliaqarnermut atasunik. Aappaani puineqarput paasissutissanik avitsisarneq suliassanik ingerlatitseqqittoqartillugu akuersissummik licensimut atasunik suliaqarnermi, taamaallaallu pisortani oqartussanut imaluunniit Namminersorlutik Oqartussat suliffeqarfiutaannut, pisussaaffimmik tunineqarsimasumut Naalakkersuisunit, inatsisissatut siunnersuummi § 7, imm. 1 naapertorlugu. Taamaasilluni inerteqqutaavoq ilaatigut paasissutissanik avitsisinnaaneq Namminersorlutik Oqartussat suliffeqarfiutaannut allanut, unammilleqatigiinnermi innarliisinnaasunut, soorluttaaq paasissutissanik taamaallaat avitsisoqarsinnaasoq licenseqartitsinermik aaqqissuussinermut attuumassuteqartuni.*



### **2.3. Kapitalimut 2 -mut: Umiarsuarnut takornariartaatinut atuutinngitsunut**

**Ineqarnermut Attaveqaasersuutinullu Naalackersuisoqarfiup** oqaatigaa oqaatsit ”*Kalaallit Nunaannut utimullu*” aalajangersakkamit peerneqartussatut isumaliutigineqarsinnaasut, nalornissutinik arlaqartunik qulaarisooqassammat. Ilanngullugulu Naalackersuisoqarfiup aamma oqaatigaa silaannakkut angallassissut nalinginnaasumik paasinninnermiit taaneqarsinnaasoq ”*angallassissut motoorilik*”, kisiannili inatsisissatut siunnersuummi umiarsuit pillugit aalajangersagaqarnissaa siunertaasutut ittoq, imaluunniit apeqqutaanersoq silaannikkut angallassissut Kalaallit Nunaanniit nunanut allanut ingerlasarnersoq imaluunniit Kalaallit Nunaata iluaniinnaq.

**Blue Water Greenland aamma Eimskip Greenland** malugeqqusipput umiarsuarnik takornariartaatinik angallassineq aamma Kalaallit Nunaanniit aallartittarlunilu naasarmat, **Guide to Greenland ApS -ilu** oqaaseqarluni inatsimmut nassuiaatitut oqaaseqaatit naapertorlugit nalorninaateqarmat umiarsuit takornariartaatit ilaasunik nunaliaassisarsinnaanerit, akuerisaasumik takornariartitsisartumik kiffartuussinermik tigusisoqartanngippat. Taamaattumik immikkuualuttortalersullaqqunarpoq ingerlatseqatigiiffiup nunanit allaneersup akuersissuteqarnissamik qanoq ittumik qinnuteqartarnissaa, najukkami neqerooruteqarsinnaasut kiffartuussinissamik periarfissaanngippata. Ataatsimut kissaatiginarnerussaaq umiarsuit takornariartaatit tikittarneri qitiusumiit ataqatigiissaarneqartarnissaat, umiarsuillu taamaasillutik qaqugu tikinnissamik innersuunneqartarnissaat, anguniarneqarlunilu sapinngisamik umiarsuit amerlanerpaat ullormut tikisinneqartarnissaat.

**AECO -p** iluarisimaarppaa siunnersuummi umiarsuarnik takornariartaatinik ingerlatsisut pineqannginneri. Taamaattoq oqaatigineqarpoq umiarsuit ilisimasassarsiorlutik angalasartuni taamaallaat pineqanngimmata ilaasunik angallassinert, ilaqarmatali aamma inoqarfinnut akunnittarnernik, pinngortitami akunnittarnernik umiarsuarniillu ingerlatsisarnernik aamma nunami, sillimaniarnikkut, avatangiisinillu qaffasissumik aallussiviusunik, ornitaniillu paasisassasiortarnernik. AECO siunnersuuteqarpoq oqaasertani aamma nassuiaatitut oqaaseqaatini erseqqissaasoqarnissaanik, pineqanngimmata umiarsuarnik ”takornariartaatinik ingerlatsisuuartut / aaqqissuussisartut”, erseqqissilluinnarumallugu nalorninaatsumik akuersissuteqartarnerni umiarsuit takornariartaatit taakkunungalugu atatillugu ingerlatsinerit, umiarsuarni namminerni taakkunaniillu.

*Inuussutissarsiornermut, Niuernermit, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermiit akissutit tiguneqartut tunuliaqutaralugit aalajangersagaq iluarsivigaa, erseqqissarlugulu aalajangersakkap suna atuuffigineeraa. Ilanngullugu aalajangersagaq annertusineqarpoq inunnik assartuinermit, kisianni toqqaannartumik takornariartitsinernik ingerlatsinermit Kalaallit Nunaanni namminermi tassungalugu atasuni attuumassuteqarani. Taamaasilluni aamma atuutilissaaq assersuutigalugu Kalaallit Nunaanni mittarfimmiit akunnittarfimmut utimullu.*

**Ilulissat Excursions** kissaateqarpoq minnerpaaffissatut piumasaqaatip inunnut allattorsimaffimmi allassimasarnissamut ukiumut 10-nut inissinneqassasoq, kiisalu piumasaqaataassasoq suliffeqarfimmik piginitut 100 % Kalaallit Nunaanni najugaqassasut. **Greenland Sagalands**

**Qaqortoq Tourist Service** oqaaseqarpoq suliffeqarfik najukkami najugalinnit akileraartartunit pigineqartassasoq, taamatullu eqqarsarnej tapersersugassaallunilu pissusissamisoortoq.

**Nanortalik Serano Boat Tours** oqaaseqarpoq ammaffigineqartoq taamaallaat sumiiffimmi najugallit takornariartitsinermik ingerlatsisuusarnissaat, kisiannili pisariaqartitsisoqartoq avataaneersunik suleqateqarnermik.

**Avannaata Kommuniata** oqaatigaa kommunalbestyrelsip tungaaniit kikkut piginnittuunissaannik siunnersuut naammagisimaarneqartoq, taamaattorli ernummataasinnaasoq inatsimmi putunik immikkut aaqqissuussinernut ammasoqarsinnaanera.

**Ineqarnermut Attaveqaasersuutinullu Naalakkersuisoqarfiup** nunatsinni takornariartitsinermik inuusutissarsiutit ineriartornerat tunuliaqutaralugu pisariaqartippaa nunanit allaniit aningaasaliisarneq, siunnersuutigalugulu isumaliutigineqaqqullugu inatsisissatut sinnersuummi piunasaqaataassanngitsoq aningaasaliisartut Kalaallit Nunaanni najugaqartarnissaat, kisiannili inatsisissatut siunnersuummi allanneqassasoq takornariartitsinermi isertitat Kalaallit Nunaanni aningaasaliissutigineqaqqittarnissaat. Tamatumunnga atatillugu isumaliutigineqarsinnaavoq siunnersuuteqarsinnaaneq sinneqartoorutit minnerpaamik 50 procentiisa aningaasaliisut Kalaallit Nunaanni najugaqarsimanngippata Kalaallit Nunaanni aningaasaliissutigeqqinneqartassasut.

**Ineqarnermut Attaveqaasersuutinullu Naalakkersuisoqarfiup** ilanngullugu aamma oqaatigaa Kalaallit Nunaanni inuit allattorsimaffianni najugaqartutut nalunaarsorsimanissamik piunasaqaat ajornartorsiutitalinnik kinguneqarsinnaasoq. Eqqaaneqartut siunnersuut taamaasilluni killilersuissaaq kikkut Kalaallit Nunaanni unnuisarfegarnernut ineriartortitsinermi aningaasalersuisinnaanerannik. Inuk nammineq inuunermini pissutsinik tunngaveqarluni piffissami aalajangersimasumi pisariaqartitsilersimaguni Kalaallit Nunaata avataani najugaqarnissamut, tamatumani ajornartorsiuteqalissaaq, tamanna inatsisissatut siunnersuut naapertorlugu sunnuteqassamat pineqartup akuersissummik tigumminiinnarsinnaaneranut takornariartitsinermik ingerlatsiniarluni, imaluunniit akuersissummik utertitseqqinniarluni.

**Ineqarnermut Attaveqaasersuutinullu Naalakkersuisoqarfiup** takorusukkaluarpaa siunnersuummut nassuiaatitut oqaaseqaatini takinerusumik nalilersuisoqarnissaa, nassuiaasumik sooq inatsit naapertorlugu akuliunneq arsaarinnertut igineqanngitsoq pillugu.

**Kommune Qeqertalik, AECO, Guide to Greenland ApS, Hotel SØMA og Indenlandsk Søndsmision, Trophy Huntin Greenland, Arctic Dream ApS, Kielberg Advokatit, sinnerlugu Hotel Nordbo A/S, Grønlands Revision, Ilulissat Guesthouse aamma Ilulissat Adventure, Topas Explorer Group, Albatros Arctic Circle ApS, Innovation South Greenland A/S, Greenland Airports, Grønlands Erhverv, Nuna Advokater, Travel by Heart ApS aamma Taavani ApS, Sermilik Adventures ApS, Arctic Dream ApS aamma Tasiilaq Tours (Visit East Greenland), Arctic Circle Business, Arctic Hiking and Expeditions ApS, GrønlandsBANKEN, Nalik Ventures, Nomad Greenland, Hotel Hans Egede A/S, SIK aamma Visit Greenland** tamarmik oqaaseqarput ernummatigalugu inatsisissatut sinnersuummi najugaqartuunissamik piunasaqaataasoq. Tamatumunnga ingammik ernumanermut pissutaapput inatsisissatut siunnersuummi piunasaqaatigineqartoq minnerpaamik ingerlatseqatigiiffimmik piginnittuusut 2/ 3-iisa toqqaannartumik imaluunniit toqqaannanngitsumik inunnit ataasiakkaanit Kalaallit Nunaanni

inuit allattorsimaffianni nalunaarsorsimasunit pigineqartuunissaannik, aammalu tamakkiisumik Kalaallit Nunaanni akileraartartuunissaannik piumasaqaat. Oqaatigineqarpoq najugaqartuunissamik piumasaqaat takornariartitsinermik inuussutissarsiummut pitsaanngitsunik kinguneqassasoq, ilanngullugit takornariartitsinermut atasunik inuussutissarsiutinut aammalu inuiaqatigiinnut ataatsimut isigisumik. Oqaatigineqarpoq piumasaqaat pineqartoq nunatsinni takornariartitsinerup siuariartorfiuneranik akornusiissasoq, ilaatigullu niuerfiusunik annertusiartortitsinermut akornutaalluni, suliffeqarfinnik avataaneersunik mattussinikkut. Tamaanna ilaatigut killiliissaaq pisariaqartunik aningaasaliisussanut aqqummik, aammalu immikkut ilisimasalinnut nunanit allaneersunut aningaasaliisartunut. Ilanngullugulu oqaatigineqarpoq piumasaqaatip kingunerissagaa periarfissaajunnaassasoq takornariartitsisartut maanna ingerlatsisuusut neqeroorsinnaaneritut, naatsorsuutigisariaqartorlu piumasaqaatip suliffeqarfinnik annaasaqarneq kingunerissagaa. Akornutaassaaq aningaasalersuineranut aningaasarsiornermullu Kalaallit Nunaanni nunatsinnilu najukkani assigiinngitsuni, nunanit tamalaanit ullumikkut takornariartitsisarnikkut suleqatigineqartunut. **Arctic Circle Business** oqaaseqarpoq suliffeqarfiit ingerlaannarsinnaanerminnik navianartorsiortinneqalersinnaassut, soorluttaaq malugeqquneqartoq inuussutissarsiutit sammiviini amerlasuuni allani, soorlu aningaaserivinnut piumasaqaateqanngitsoq maani najugaqartuunissaaq. **Hotel Hans Egede A/S -ip** oqaatigaa inatsisissatut siunnersuutip kingunerigaa takornariartitsisarnernik suliffeqarfiit maanna piusut annertoorujussuarmik nalikillineqalersut, nioqqutigineqarsinnaajunnaassagamik killilersorneqarnermik annertoorujussuarmik nutaanik piginnittoqalersinnaanikkut aningaasalersuisoqarsinnaanikkulluunniit eqqorneqassagamik.

**Danmarks Rejsebureau Forening (DRF), Grønlands Erhverv, Hotel Hans Egede A/S, Kielberg Advokatit, sinnerlugit Hotel Nordbo A/S aamma Nuna Advokatit** oqaatigaaq tamatumunnga atatillugu isumaqarlutik najugaqartuunissamik piumasaqaat arsaarinninnertut isikkoqartoq, maanna piginnittuusut pinngitsaaneqassammata pigisaminnik tamakkiisumik ilaannakuusumilluunniit arsaarneqarnissamik, suliffeqarfiup nioqqutigineqarsinnaanerata nalikillerujussuarneratigut, taamalu annertoorujussuarnik annaasaqassallutik.

**Visit Greenland** ilanngullugu oqaaseqarpoq piginnittuunissamik piumasaqaatip tungavissaqartilissagaa inatsisinik saneqqutsiniartuarneq, nunanit allaneersut aningaasaliisartut piginnittuunerminnik toqqorterilernerisigut, najukkani namminerni siuttulersornikkut, tamatumalu piumasaqaatip siunertaa aserortissagaa. **Sulisitsisut** oqaatigaaq inatsisissatut siunnersuutip assigiinngisitsineq eqqutissagaa, inatsisinik unioqqutitsinerusinnaasoq innersuullugulu Island-imi takornariartitsinermut inatsimmi taamaattumik najugaqartuunissamut piumasaqaammik aalajangersagaqanngimmat, kisiannili taamaallaat piumasaqaateqarluni ingerlatseqatigiiffiup (inatsisit naapertorlugit inuk) licensimik qinnuteqartoq EØS-ip iluani angerlarsimaffeqartuussasoq.

**Innovation South Greenland A/S** oqaaseqarpoq piumasaqaammi anguniagaq naammassineqanngitsutut ittoq, aammalu naatsorsuutigineqarsinnaasoq suliffeqarfeqarsinnaanera najugaqartuunissamut piumasaqaammik naammassinnittunik, kisiannili nunani allaneersunik sulisussaminnik amerlasuunik atorfinitsitsisartunik, paarlattuanilli takornariartitsinermi ingerlatsiveqarsinnaallunissaaq piumasaqaatinik naammassinninngitsunik, kisiannili atorfinitsitsisartunik maani najugalinnik amerlasuunik imaluunniit maanimiunnarnik.

**Sulisitsisut** oqaatigaat inatsimmi siunertaasimappat iluanaarutininik avammut annissuinerup annikinnerulersinneqarnissaa, taava inatsiseqareersoq tamakkuninnga isiginiiasunik. **Danmarks Rejsebureau Forening (DRF)** aamma **Nuna Advokatit** oqaatigaat inatsisissatut siunnersuummi siunertaappat Kalaallit Nunaannut akileraartarnissamik qularnaariniarneq, tamanna suliarineqarluarsinnaasoq taamak annertutigisumik akulerunnani, piginnittuunermut aamma taasisinnaanermut pisinnaatitaaffiliornermiit, kiisalu ingerlatseqatigiiffiit akileraartussaanerit qularnaarneqareermat ingerlatseqatigiiffiit Kalaallit Nunaanni angerlarsimaffeqarnissaannik piunasaqaatikku.

**Greenland Airports, Nalik Ventures,** aamma **Nomad Greenland** inassuteqarput najugaqartuunissamik piunasaqaat aalajangersarneqassasoq 49-51% -inut.

**Sulisitsisut** aamma **Hotel SØMA** aamma **Indenlandsk Søndsmision** inassuteqarput aalajangersakkat peerneqarnissaannik. **Danmarks Rejsebureau Forening (DRF)** aamma **Sulisitsisut** tamatumunnga oqaaseqarput taarsiullugu aallunneqartariaqartoq ingerlatseqatigiiffiit angerlarsimaffii, aammalu piunasaqaat, tamanna aalajangiusimaneqassapput qaffasissusilertariaqartoq 2/3 -imiit appasinnerungaatsiartumik, matumani aamma arsaarinnissinnaaneq pinngitsoorumallugu.

**Danmarks Rejsebureau Forening (DRF), Grønlands Revision** aamma **Nuna Advokatit** aamma inassutigat piginnittuunissamik piunasaqaatit inatsisissatut siunnersuummiit peerneqarnissaat, immaqalu taarserneqarlutik ingerlatseqatigiiffiup aqutsisuinut piunasaqaatinik, suli kissaatigineqarsimappat maanga atasuunissaq. Taamaasilluni siunnersuutigineqarpoq piunasaqaateqartoqarnissaa aqutsisuusut Kalaallit Nunaanni issiassasut (aatsitassanut inatsimmi § 45, imm. 2 -p 1/1 2024 atortuulersup assigisaanik), ilaatigut pissutigalugu ulluinnarni aqutsisut ingerlatsinernut akisussaanerit).

**Mittarfeqarfiit - Greenland Airports** siunnersuuteqarput inatsisissatut siunnersuummi § 9, imm. 5, allangortinneqassasoq taarsiullugulu pisortaanerup Kalaallit Nunaanni inissisimanissaanik taarserlugu. Ilutigisaanik siunnersuutigineqarpoq eqqussisoqarsinnaasoq akileraartitsisarnermik assigiinngiaartumik, piginnittup Kalaallit Nunaanni imaluunniit nunani allani najugaqarneranik aallaaveqartumik. Tamanna taarsiullugu atorneqarsinnaavoq aqutsinermi piginnittup sumi najugaqarnissaanik tunngaveqanngitsumi, imaluunniit ilassutitut. Assigiinngiaartunik akileraartitsisarnermik aaqqissuussineq kaammattuutaasinnaavoq piginnittup Kalaallit Nunaanni najugaqarnissaanut.

**Arctic Dream ApS** inassuteqarpoq ataatsimut isiginiarneqassasoq suliffeqarfiup qanoq inuiaqatigiinnut tunniussaqtarneranik (assersuutigalugu najukkami il.il. najugaqartut amerlasinnaammata, naak assersuutigalugu piginnittut Danmark-imi najugaqaraluartut). Assersuutigalugu point-inik aaqqissuussineq New Zealand -imik isumassarsiorfilik, sumi najugaqartuunermik kinaanermilluunniit imaqqanngitsoq, kisiannili piujuaannartitsisumik aningaasalersuineq ileqqorissaarnissamullu malittarisassaqaarfusoq.

**GrønlandsBANKEN** aamma **Topas Explorer Group** siunnersuuteqarput piginnittuunermut taarsiullugu isiginiarneqassasoq najukkani sulisunik atuineq, najukkami inissisimasunik peqatigiinnernik ingerlatsineq annertusisamillu ilinniartitaaneq piginnaasanillu inerisaanik kalaallini

sulisorineqartuni. **Hotel Hans Egede A/S** sakkortuumik inassuteqarpoq piumasaqaat isumaliutigeqqeqqullugu, taartitullu siunnersuutigalugu qiimmassaatinik aningaasarsiornikkut ilinniartitaanikkut aamma ineriartortitsinikkut eqqussisoqaqqullugu. **Travel by Heart ApS aamma Taavani ApS** siunnersuuteqarput taarsiullugu piumasaqaataasinnaasoq takornariartitsinermik ingerlatsivittut imaluunniit takornariartitsisartutut akuersissummik pissarsisoqartassasoq, minnerpaamik najukkani namminerni sulisuusut XX 5 -iinik atuisoqartassasoq (najugaqartut angallatinik ingerlatsisartut, qimussiussisartut, issittumi takornariartitsisartut ilinniagaqarsimasut il.il.), Kalaallit Nunaanni aalajangersimasumik najugaqartut. **Sermilik Adventures ApS, Arctic Dream ApS aamma Tasiilaq Tours (Visit East Greenland)** kissaateqarput isiginiarneqassasut takornariartitsisartunik pisuttuartsisartunik ilinniartitsisoqarnissaanik, ukiut 3 iluanni ikaarsaariartortoqarsinnaaqqullugu, pisuttuarlutik takornariartartut tamarmik maani najugalinnik angallassisoqartalersikkumallugit.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermut akissutigineqartut aamma isumasioqatigiilluni oqallitsitsinerit tunuliaqutaralugit aalajangersagaq iluarsisuserpaa, tamatumunnga nassuiaatitut oqaaseqaatit ilanngullugit. [Ilaatigut Naalakkersuisoqarfiup najugaqartuunissamik piumasaqaat iluarsiivigaa, imaalillu piumasaqaataassanngitsoq piginnittut 2/3 -iisa Kalaallit Nunaanni inuit allattorsimaffianni allassimassasut. Taarsiullugu piumasaqaataassaaq ingerlatseqatigiiffiup affaanit amerlanerusunut atuuttuusoq. Naalakkersuisoqarfiup peerpaa inuit allattorsimaffianni Kalaallit Nunaanni najugaqartutut nalunaarsorsimanissaq piginnittut eqqarsaatigalugit, kiisalu aalajangersagaq piumasaqartoq piginnittut taasisinnaasunit affaanit amerlanerit ingerlatseqatigiiffimmi Kalaallit Nunaanni inuit allattorsimaffianni nalunaarsorsimasut pigissagaat. Taamaasilluni siunnersuummi § 9, nr. 2-3 aamma nr. 5 peerneqarput. Taarsiullugu aalajangersakkamik ikkussisoqarpoq piumasaqaatinik aalajangersaasumik ingerlatseqatigiiffimmi aqutsisut Kalaallit Nunaanni inissisimassasut, tamakkiisumillu Kalaallit Nunaanni akileraartassasut.]*

## **2.5. Kapitali 4 -amut: Sillimaniarnermut pilersaarusi**

**Ineqarnermut Attaveqaasersuutinullu Naalakkersuisoqarfiup** oqaatiga maluginiarsimallugu isumasioqatigiilluni oqallitsitsiviusumik ataatsimiinnermi oqaatigineqartoq inatsisissamut siunnersuut allaqqinneqassasoq, imaalillugu inuussutissarsiortup pineqartup ataatsip sillimaniarnikkut pilersaarutai taamaallaat isiginiaasussaasut aarlerinaatinik/ ulorianartunik misigisarsiornermi pineqartumut inuussutissarsiortup neqeroortigisaanut atasunik, taamaallaallu immersugassanik pisariitsunik immersuisoqartartussaassasoq, sammisat ingerlanneqarumaartut ulorianartortaqaqqippata takornariartunut. Ilutigisaanik oqaatigineqarpoq paasinninnerusoq inuussutissarsiortunut periarfissaassasoq sillimaniarnikkut piumasaqaatinik sanioqutsisinnaanermik qinnuteqarsinnaaneq, ingerlatassat pineqartut arlaatigulluunniit ulorianaateqaqqippata.

**Nalik Ventures** oqaaseqarpoq inatsisissatut siunnersuummi iliuusissat sillimaniarnermut tunngasut Nalik Ventures -imut paasinarluinnartut, ileqqussanullu pitsaasunut naapertuulluarlutik.

**Air Greenland** oqaaseqarpoq aaqqissuussinermi sillimaniarnikkut iliuusissanut piunasaqaatit ingerlanneqartussanut naapertuuttuusariaqartut. **Qeqqata Kommuni** oqaaseqarpoq isumaliutigisariaqartoq allaffissornerup annertussusissaa, najukkani ingerlatsisussanut pisussaaffiliunneqartussaq inassutigalugu sillimaniarnikkut pilersaarutit pisariaqarfiisigut taamaallaat nutarterneqartassasut”.

**Sermilik Adventures ApS, Arctic Dream ApS aamma Tasiilaq Tours (Visit East Greenland), Greenland Sagalands Qaqortoq Tourist Service aamma Hotel Hans Egede A/S** oqaaseqarput sillimaniarnermut ilitsersuutunik peqareersoq, suliassaqarfimmut atuuttunik, assersuutigalugu imaatigut angalanernut, unnuisarfeqarnernut neriniartarfinnullu, qatserisartunit ajunaarnersuaqartillugulu suliassanut immikkut ilisimasalinnit akuerineqartartunik. Arctic Dream ApS inassuteqarpoq aamma sillimaniarnikkut pilersaarussianut nutserneqartartunut taarsiullugit ingerlatsisup quppersagaani nalunaarneqarsinnaasoq pilersaarutit akuerisaanerat.

**Visit greenland** oqaaseqarpoq pisariaqartoq ersarissunik malittarisassaqaarnissaq, kia imaluunniit oqartussat kikkut ikiuussinnaanerit immersuinnermi sillimaniarnermut ilitsersuutunik, taavalu **Hotel SØMA aamma Indenlandsk Søndandsmission** inassuteqarlutik ilitsersuusiortoqassasoq suliffeqarfimmut ikiuutaasussanik inatsimmi piunasaqaatinik naammassinninnissanut, minnerunngitsumik sillimaniarnermut tunngasuni. **Arctic Hiking and Expeditions ApS** oqaaseqarpoq aamma erseqqissallaqullugu kia sillimaniarnermut pilersaarusiit misissortussaanaera akuerisussaanaeralu pillugit, aammalu qanoq taakkua toqqortarineqartassanersut pillugu.

**Arctic Circle Business aamma Qeqertalik Business Council & Destination Diskobay A/S** isumaqatigiippit Kalaallit Nunaanni takornariartitsineri pilersaarusiit pingaaruteqartut, kisiannili inassutigaat assigiissaakkanik sillimaniarnermut pilersaarutit suliaqartoqassasoq, takornariartitseriaatsinut assigiinngitsunut, assersuutigalugu imaani ingerlatanut, qimussiussisartunut imaluunniit akunnittarfimmut, quppersakkami aaneqarsinnaasussanik pisariaqartinneqarpata.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermi akissutigineqartut aamma isumasioqatigiilluni oqallitsitsinerit tunuliaqutaralugit aalajangersagaq iluarsisuteqarfigaa, nassuiaatitit oqaaseqaatit ilanngullugit, annerusumik isiginiarumallugit navianartut suut takornariartitsineri pineqartuni ilaasinnaanersut, allaffissorneq tamatumunnga atasooq oqinneroqqullugu. Aalajangersagaq iluarsisusigaavoq ilaatigut sillimaniarnermut pilersaarussianik suerullugu takornariartitsineri sillimaniarnermut pilersaaruteqarfioersuni, ingerlatanut atuuttunik, soorluttaaq erseqqissarneqartoq aalajangersakkamik sanioqutsisoqarsinnaasasoq ingerlatani ulorianaateqanngitsuni.*

## **2.6. Kapitalimut 5 -imut: Matussutissanik sillimasiisarneq aamma allatigut qularnaveeqquisiisarneq**

### 2.6.1. Objektiviusumik akisussaaffik pillugu (§ 11):

**Ineqarnermut Attaveqaasersuutinullu Naalackersuisoqarfik, Hotel SØMA aamma Indenlandsk Sømandsmission, Kielberg Advokatit, sinnerlugit Hotel Nordbo A/S aamma Qeqqata Kommuni** oqaaseqarput objektiviusumik akisussaaneq pissusissamisuunngitsoq, inassutigaaullu qulaajarneqassasoq inatsisini allani aalajangersaasoqareersimanersoq atuuttunik, kiisalu aamma inatsisit allat ilannguteqqullugit (nioqqutissiornermut inatsit, pisiniartarnermut inatsit, imarsiornermut inatsit, avatangiisinut inatsit il.il.) taarsiissuteqartussaaneq malittarisassaqtikkumallugu. **Forsikring & Pension (F&P)** oqaaseqarput namminneq aamma ernummatigigitsik inatsimmi §§ 11 aamma 12, taakkua kingunerimmassuk inatsisit naapertorlugit pisussaaffiit, killiligaanngitsunik akisussaanernut sillimmasersorsimanissamut, suussusilersoreeraanngitsunut ajoqusiinernut matussusiinnaasussat (assersuutigalugit inuit ajoquserneri aamma avatangiisinik ajoqusiinerit) objektiviusumik tunngavilinnik. **Hotel Hans Egede A/S** aamma **Kielberg Advokatit, sinnerlugu Hotel Nordbo A/S** inassuteqarput inatsisiliorneq naleqqussarneqassasoq inuussutissarsiummi pineqartumi aarlerinaatinut atuuttunut, pinngitsoorumallugu naapertuilluanngitsunik sillimmasiisarnerit aamma akisussaaffinnik tiguisinnaaneq, objektiviusumik akisussaaffik nalinginnaasumik sammitinneqartarmat suliffeqarfinnut, isigineqartunut qaffasissumik nalorninaateqarsinnaasutut, taamaattumillu objektiviusumik akisussaanissaq ingasattajaarnerussalluni.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermut akissutigineqartut aamma isumasioqatigiilluni oqallitsitsinerit tunuliaqutaralugit nalilersimavaa inatsisissatut siunnersuummi § 11 peerneqassasoq. Taarsiissuteqarnissamut akisussaassuseqarneq taamaasilluni taarsiissuteqartarnermut nalinginnaasunik malittarisassanut atalissaaq, kiisali taamaassimatillugu ingerlatsinernut pineqartunut atasunik inatsisitigut aqutsinernit allanit aamma.*

### 2.6.2 Sillimmasiisarnermi matussutissaqarneq (§ 12):

**Ineqarnermut, Attaveqaasersuutinullu Naalackersuisoqarfik, Arctic Hiking and Expeditions ApS** aamma **Travel by Heart ApS og Taavani ApS** oqaaseqarput isumaqatigigitsik piumasaaqat takornariartitsisartup takornariartitsinernik ingerlatsineri ilaareertartut akisussaaffik pillugu sillimmasiissutini imaluunniit allatigut qularnaveeqqusissutini. **Travel by Heart ApS og Taavani ApS** tamatumunnga oqaaseqarput iluaqusiisussamik misissorneqarsinnaasoq takornariat tikeraartut angalanermut ajutoorsinnaanermullu sillimmaseereertarsinnaanerat, Kalaallit Nunaannut isinnginnermili.

**Air Greenland Forsikring & Pension (F&P), Illit Forsikringit Agentur A/S, Visit Greenland** aamma **Qeqqata Kommuni** oqaaseqarput ingerlatsisut assigiinngitsut unammilligassaqalersinnaasut sillimmasiiniarnermi matussusiinnaasunik nioqqutinut neqeroorutiginiakkaminnut atatillugu. Tamanna assersuutigalugu qimussiussisarnernut atuuppoq, sillimmasiinnaanernik atuuttunik peqarunanngimmat, taamalu takornariarnernik nioqquteqartartut taakkua akuersissummik tunineqarsinnaassanatik. **Visit Greenland** aamma **Air Greenland** tamatumunnga atatillugu oqaaseqarput misissullaqullugu sillimmasiisarnerit piumasaaqataasut ilumut periarfissaariinnginersut suliffeqarfinnut. **Illit Forsikringit Agentur A/S** oqaaseqarpoq

siunnersuutaasinnaasoq inuussutissarsiummi akisussaasuunnginnermut immersugassaliortoqarsinnaanera, takornariartartut amerlanerpaat nunarsuup ilaani allani aamma misigisariigaattut, nalorninaatilinnik sunnguanilluunniit ingerlatsisussaqaalersillugu atortussanik.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermut akissutigineqartut aamma isumasioqatigiilluni oqallitsitsinerit tunuliaqutaralugit inatsisissatut siunnersuummi § 12 -imi iluarsiiisuteqarpoq sillimmasiissutit matussusiisinnasut allatigulluunniit qularnaveeqqusissutaasartut pillugit, isiginiarneqaqqullugu ingerlatsisoqarsinnaanera sammisanik sillimmaserneqarsinnaanngitsunik, taamaattunik neqeroortoqaanngimmat. Naalackersuisoqarfiup suliffeqarfinnut namminernut pisussaaffiutinniarpaa akisussaanninneq pillugu immersortagaqassanersoq. Tunngavigineqassaaq suliffeqarfiit taamaattunik pineqartunik atuisinnaajumaartut qularnaartassagaat pineqartut inatsisit atuuttut iluanniinneri aammalu sillimmasiisarnernut atugassarititaasut iluaniinneri. Ilanngullugulu Naalackersuisoqarfiup oqaatigissavaa inatsisissamut siunnersuut manna taamaallaat siunertaqarmat takornariartortitsisartunik aqutsinermik, taamaattumillu aalajangersagaqassanani takornariartartunut atugaasut pillugit. Suliffeqarfiit pineqartut namminneq pisussaaffigissavaat nalilersortassallugu ajunaarsinnaanermut takornarianut sillimmasiisoqartassanersoq.*

## **2.7. Kapitalimut 6 -imut: Piujaannartitsineq**

**Hotel Hans Egede A/S** aamma **Hotel SØMA** aamma **Indenlandsk Sømandsmission** oqaaseqarput piujaannartitsinermut atatillugu piumasaqaataasut sapinngisamik annertunerpaamik objektiivusariaqartut tigussaallutillu, ersinngitsorlu piumasaqaatit suut naammassineqarsimassanersut piujaannartitsinermi piumasaqaatit naammassiumallugit. **Hotel Hans Egede A/S** ilanngullugu oqaaseqarpoq malittarisassat tassaassanngitsut aporfissat suliffeqarfiit ingerlatsinerannut, taarsiullugulu kaammattuutaassasut qiimmassaatit, akileraartarnikkut annikinnerusunik akiliuteqarsinnaanernut aqqutissiuissussat imaluunniit allatigut aningaasatigut iluaqutaasussat.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermut akissutigineqartut aamma isumasioqatigiilluni oqallitsitsinerit tunuliaqutaralugit nalilersimavaa ajornakusoortoq ersarissunik piujaannartitsinermut inatsisitigut killiliussaliorsinnaaneq, ilaatigut pissutigalugu ajornakusoormat tigussaasunik objektiivusunillu atugassaliorsinnaaneq, takornariartitsinermik ingerlatsisunit eqqortinneqarsinnaasunik. Taamaattumik aalajangersagaq inatsisissatut siunnersuummiit peerneqarpoq. Naalackersuisoqarfiullu taarsiullugu isumaliutiginiarpaa qanoq aqqissuussinikkut pitsaanerusumik piujaannartitsineq nukittorsarneqarsinnaanersoq.*

## **2.8. Kapitalimut 7 -imut: Pisortat aningaasartuutaasa taarserneqartarnerat**

**Visit Greenland** oqaaseqarpoq aallarnisaasunut akuersissummik qinnuteqaasiornermi aningaasartuutit oqimaarsaataasinnaasut annertuut, minnerunngitsumik aallartikkiartuarnermi, nukit / aningaasat atugassat killeqarfigisaanni. Aallarnisaasut aallartinniarnermi aningaasatigut



amerlasuunik unammilligassaqaareertarput. Visit Greenland inassuteqarpoq akitsuummumt atatillugu minnerpaaffissaliisoqassasoq, suliffeqarfiit angissusiat imaluunniit kaaviiartitaat tunngavigalugit, suliffeqarfiit minnerusut minnerusumik akiliteqartittarlugit. Ilanngullugulu inassutigineqarpoq immikkut tapiissuteqartarnermik aqqissuussineq aallarterlaanut / takornariartitsisartunut mikisunut, matussutissanik akuersissummik suliaqarnermut certifikatiliornermullu.

**Arctic Circle Business, Greenland Sagalands Qaqortoq Tourist Service, Ilulissat Excursions aamma Travel by Heart ApS aamma Taavani ApS** tapersinngilaat aammaarluni suliffeqarfinnut allaffissornikkut nammatassiiniarneq, takornariartitsinernut iluaqutaanngitsumik, aammalu suliffeqarfiit suliffeqarfiutiminniit akileraartartooremata. **Travel by Heart ApS aamma Taavani ApS** inassuteqarput taarsiullugu akitsuummik eqqussisoqassasoq umiarsuarnut takornariartaatinut ilaasut akilertagaattulli, ingerlatsinikkaartunik, akuersissummumt qinnuteqaammumt akiliutaasussamik, nutarterinerusinnaasunut nalunaarusiortarnernullu nalunaarummi inatsimmik tunngavilimmi kingorna suliarineqartussanut.

**Ineqarnermut, Attaveqaasersuutinullu Naalakkersuisoqarfiup** ujartorpai inatsimmumt nassuiaatitut oqaaseqaatit itisilerinerusut, tamatumani aamma sooq akitsuummik taaguutip inatsisigullu ileqqut eqqortinneqartutut isigineqarneri, soorluttaaq inassutigineqartoq, inatsisip oqaasertalersorneranik paasissutissiinissaq. **Innovation South Greenland A/S** ujartuivoq aamma paasissutissanik annertunerusunik aningaasartuutissat annertussusissaannut, akinut qaffakkiartortunut periarfissanik, taavalu **Hotel Hans Egede A/S** inassuteqarluni saniatigut nalunaarummi suliaqartoqassasoq, tassanilu ersissasut akuersissut qanoq akeqartussatut naatsorsuutigineqarnerisooq.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarsimavai tusarniaanermi oqaaseqaatit tiguneqartut. Naalakkersuisoqarfiup malugaa naapertuuttumik periaaseqartoqartoq inatsisini allani aalajangersakkanik akitsuusiisarnernut pisortat sullissisarnerini qinnuteqaatinik akuersissutinut il.il. Tamatumunngalu atatillugu innersuunneqassaaq assersuutigalugu § 86, imm. 5, Aatsitassanut inatsimmi ingerlatsinernullu tamatumunnga attuumassuteqartuni Inatsisartut inatsisaanniittumut (aatsitassanut inatsit). Taamaattumillu Naalakkersuisoqarfiup qinersimavaa aalajangersakkap aalajangiusimanissaa. Taamaattoq Naalakkersuisoqarfiup oqaasertai erseqqissarsimavai, suut akitsuummik akiligassiissutigineqarsinnaaneri pillugit, matumanissaaq sulianut ingerlasunut paasitinneqarsinnaanerni atortussaattillugu. Tamatumalu saniatigut inatsisissatut siunnersuummi ilanngunneqarpoq ilaatigut minnerpaaffissanut killiliussaq, takornariartitsisartut kikkut siunnersuummi pineqarneri, isumaqarlunilu aallarnisaasut minnerit licenseqarnissamut piunasaqaammit eqqorneqartussaanninnerat, taamalu akitsuummik tamatumunnga atatillugu akiliisussaanninneri.*

## **2.9. Kapitalimut 8 -mut: Nakkutilliineq, peqqussuteqartarnerq aamma piginnaatitsissummik – akuersissummik takornariartitsisarnermut utertitsisarnerq**

**Ineqarnermut, Attaveqaasersuutinullu Naalakkersuisoqarfiup** oqaatigaa inigisap inniminartuunera (allanit susassarineqannginnera) ersarissumik aallaaviuvoq, tamatumunngalu akuliussinnaaneq taamaallaat pisinnaasariaqarluni immikkut piunasaqaatinik aalajangersimasunik

naamassinninniarnerni. Aalajangersakkamut tassunga nassuiaatigineqartoq Ineqarnermut Attaveqaasersuutinullu Naalakkersuisoqarfiup isumaa naapertorlugu naammattumik nassuiarneqanngilaq.

**Trophy Huntin Greenland** inassuteqarpoq peerneqassasoq § 15, imm. 2, misissuisarnerit pillugit aalajangersagaq.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup oqaaseqaatit tiguneqartut tunuliaqutaralugit nalilersimavaa aalajangersagaq siunnersuummit peerneqassasoq.*

## **2.10. Kapitalimut 9 -mut: Zone-nut immikkoortitserineq il.il. inuussutissarsiutinik ingerlatsinernut aamma sumiiffiit ilaannut killilimmik isersinnaatitaanissat**

**Ineqarnermut Attaveqaasersuutinullu Naalakkersuisoqarfiup** oqaatigaa ersernerluttoq aalajangersakkap suliassanik agguaaassisimanermut aalajangersakkanut naapertuunnersoq.

**Greenland Airports** inassuteqarpoq Namminersorlutik Oqartussanut isumaliutigeqqullugu assersuutigalugu angallannermik aqutsineq pissusissamisoortumik inatsimmi pineqartumi ilaasariaqannginersut, soorlulu avatangiisinut tunngasut avatangiisinut atatillugu Inatsisartut inatsisaatigut aquneqartut, pissutsillu pinngortitamut tunngasut Pinngortitamik illersuineq il.il. pillugit Inatsisartut inatsisaatigut aquneqartut.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup oqaatigaa pissusissamisoortinneqarsimasoq Naalakkersuisoqarfiit suliassaqaarfii tunngaveqartumik aqutsisoqarnissaa, soorlu zone-nut immikkoortitserinernik, inuussutissarsiutinut sammisuni. Naalakkersuisoqarfiup eqqumaffigaa malittarisassiortoqassanngitsoq nalunaarusiornikkut Naalakkersuisoqarfiup suliassaqaarfii akimorlugit.*

**Greenland Sagalands Qaqortoq Tourist Service, Nalik Ventures** aamma **Visit Greenland** aalajangersakkamut tapersiillutik oqaaseqarput. **SIK** aamma **KNAPK** tamatumunnga atatillugu zone-nut immikkoortitserineq pillugu arlalinnik oqaaseqaateqarput, Kalaallit Nunaanni sumiiffinnut aalajangersimasunut. **Visit Greenland** eqqaasitsivoq unammilligassanik annertuunik suussuilersuisoqarsimammat minnerunngitsumik umiarsuit tingerlaatersortut pillugit, tamakkualu isummersorfisariaqartut. Matumani pineqarput umiarsuit tingerlaatersortut aamma nuannaariutit yachts kalaallit imartaanniittartut, aquneqanngitsumillu takornariartitsinermik ingerlatsillutik.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarpaa aalajangersakkamut tapersiineq, aamma sammisamut atasunik oqaaserineqartut.*

**Hotel Hans Egede A/S, Ilulissat Excursions, Kommuneqarfik Sermersooq, Kommune Qeqertalik** aamma **Greenland Airports** oqaaseqarput ersernerlunnerarlugu zone-nut atatillugu piginnaatitsissutitut aalajangersakkami kissaataanersoq, matumani aamma kommunit tamatumunnga atatillugu pisussaaffii eqqarsaatigalugit. **Kommune Qeqertalik, Kommuneqarfik Sermersooq** aamma **Qeqqata Kommunian** ataatsimut ernummatigisaminnik oqaiartorput

inatsisissamat siunnersuutip kommunini pilersaarutitut pilersaarusiorterlu pillugu inatsisitut qanoq atatinginera eqqarsaatigalugu. **Kommune Qeqertalik aamma Arctic Circle Business** oqaaseqarput kommunit zone-nut immikkoortitserinerni qitiusumik oqartussaassuseqartariaqartut, aamma sumiiffinni killilersuutitut akuersisarnernullu, tamakkualu kommunini immikkoortut pilersaarutiniittariaqartut. **Kommune Qeqertalik** oqaaseqarpoq amigaataasoq ersarissunik allaaserinnineq pissutsinik kommunini pilersaarutitut maanna atuuttunut, aamma zonenut nutaamik immikkoortitserisalerinissanut tunngasuni, soorluttaaq malittarisassioroqartariaqartoq qanoq aaqjissuussinikkut zone-nut immikkoortitserinerit kommunini pilersaarutitut atuuttunut akulerunneqarnissaannik, ataqatigiinneq ataqatigiissaarinerillu najukkani pilersaarusiortnerniittut qularnaarumallugit. Ilanngullugulu immikkoortitsisoqartariaqarpoq killilersuutinik ataasiakkaanik immikkuullarissunillu aammalu killilersuutinik ataatsimoornerusunik, erseqqissarumallugu suliffeqarfiit ingerlatsisut suut imaluunniit ingerlatat suut eqqorneqartassanersut, kiisalu qanoq killilersuutit pineqartut atortuulersinneqartassanersut nakkutigineqassanersullu. **Kommuneqarfik Sermersuup** ilanngullugu oqaatigaa amigaatigineqartoq qulaarinissaq inuussutissarsiornikkut periarfissat allat killilersorneqartarnerannik zone-nut assingusunulluunniit agguisarnerni, matumani aamma qanoq nakkutilliisoqassanersaq maanna inatsisitut atuuttunut aalisarnermi, piniarnermi aammalu aatsitassarsiornernik ingerlatsinerni. **Kommuneqarfik Sermersooq** ilanngullugu oqaaseqarpoq aalajangersakkami siunnerfigineqartoq Naalakkersuisut oqartussaansaasat ersarinnerusunik malittarisassiorsinnaanermut suliaasaqarfimmi pineqartumi, kisiannili aallaaviusutut kommunit pisussani aallartitsisuusartussaasut. Ingerlatsiviup kissaatigaa qulaajaasoqarnissaa ersarinnissaalu kommunit iliuuseqartussaansut najukkani tusarniaanernut / tamanut ammasunik tusarniaanernut, kommunini suliniutissat Naalakkersuisunit akuerineqaqqartussaansut, aammalu zone-nut immikkoortitserineq Naalakkersuisunit aallartinneqartup assigineeraa nunamut tamarmut pilersaarummut peqqussut aamma / imaluunniit tamanut taanna tusarniaassutigineqartussaansaq. **AECO** inassuteqarpoq zone-nut agguisarnermut ersarinnerusunik atugassarititaasulioroqassasoq.

**Avannaata Kommuniata** oqaatigaa nakkutilliinermut siunnersuut assigiinngitsutigut naammagisimaarnartuusoq, kisiannili kommunalbestyrelsip piumasaraa tamakkiisumik nakkutilliisoqassasoq.

**Hotel Hans Egede A/S** oqaaseqarpoq aamma siunnersuut annertuunik iliuuseqartitsisuusaq, naapertuunnanilu Pilersaarusiortarneq aamma nunaminertanik atuneq pillugit Inatsisartut inatsisaannut nr. 4, ulloq 25. januar 2024 -imeersumut (Pilersaarusiortnermut inatsit), tassani kommunini immikkoortitserisoqartarmat ilaatigut inuussutissarsiorfinnut, sunngiffimmi sammisassaqtitsivinnut, nunaminertanullu atugassaangitsunut.

*Inuussutissarsiortnermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup tusarniaanermut akissutigineqartut tunuliaqutaralugit inatsisissamat nassuiaatitut oqaaseqaatit ilaat itisilerivigisimavai. Naalakkersuisoqarfiup oqaatigissavaa ilanngullugu aalajangersagaq piginnaatitsissutaammat zone-nut immikkoortitsikkanik il.il. aalajangersaanissamat, inuussutissarsiortnermut ingerlatsivinnut, ersarinnerusunillu tamatumunnga malittarisassat nalunaarutikkut suliarineqarsinnaammata.*

**AECO** inassuteqarpoq qulaanaarisooqassasoq pisussanik soqutigisaqartut attuumassuteqartut tamarmik piffissaqartinneqarnissaannik oqaaseqartarnissanut, periarfissanik allanik tikkuartuisarnissanut, imaluunniit siunnersuummut uparuartuinissanut, aamma aalajangersakkanni immikkuualuttunut. **Topas Explorer Group** najukkani namminerni najugallit ineriartornermut sunniuteqartikkumallugit aaqqissuussineq maluginiarsimavaa, aaqqissuussiniartoqartoq zone-nut immikkoortitserinernik, tamatumanilu najukkani najugallit tusarniaavigineqartut. Taamaalilluni qularnaarneqassaaq innuttaasunik annerusumik peqataatitsineq oqartussaaqataanerlu, soorluttaaqq kommitteqeqarsimaartumik aqutseqataaffigisinnaagaat najukkani ineriartortitsineq takornariartitsinikkut.

**Pinngortitaleriffik** inassuteqarpoq Naalakkersuisut siunnersorneqarnissamik Pinngortitaleriffimmiit piniassasut, zone-nut nunap immikkoortuini immikkoortitserisarneq eqqarsaatigalugu malittarisassiornermilu. Pinngortitaleriffiup pingaartippaa zone-nut immikkoortitserinerup taakkunanilu killissat nunap immikkoortuinut naapertuuttuunissaat, piffissalersuinerni malittarisassanilu, ilaatigut Pinngortitamik illersuinermut Inatsimmi aamma nalunaarutini taakkununga atasuni, kiisalu nunat tamalaat akornanni maleruagassat eqqarsaatigalugit. Sumiiffiit toqqarneqarsimasut uumassusillit assigiinngisitaarnerannut attuumassutaat, ilanngullugu aamma ilaasinnaavoq sumiiffinnut taaneqartartunut “OECM-områder” (Other Effective-Area Conservation Measure), ilanngussisuusut sumiiffinnik illersuinernut uumassusillit assigiinngisitaartuuneri eqqarsaatigalugit aamma pinngortitami ataqatigiinnernut toqqaannartumik eqqissisimatitaanngikkaluarlutik.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup maluginiarpaa kissaateqartoqartoq innuttaasut akulerusimaneqarnissaannik kiisalu suliassaqarfimmi siunnersorneqarsinnaanermik neqeroortoqartoq.*

## 2.11. Kapitalimut 10 -mut: Kinguneqartitsisarnerit

**Hotel Hans Egede A/S** oqaaseqarpoq isumaliutigineqarsinnaasoq aalajangersakkap ilusilerneqarsinnaanera allaffissornikkut akiliisitsisarnertut, eqqartuussiviit aqqusaarumanagit.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup nalilerpaa inatsisitigut eqqartuussiveqarnikkullu isumannaatsumik ingerlatsisoqarnissaaniit isigalugu aalajangersagaq taamatut isikkoqartillugu attatiinnartariaqartoq, eqqartuussivinnut naliliganngorlugu akiliisitsisoqassanersoq.*

## 2.12. Kapitali 11 -imut: Eqqartuussivinni misiliineq

**Greenland Airports** -ip nassaarisinnaasimangilaa allaffissornikkut maalaaruteqartarnermik aaqqissuussineq inatsisissamat siunnersuut naapertorlugu aalajangiinernut. Greenland Airports inassuteqarpoq inatsisissatut siunnersuummi ersarissarneqassasoq maalaaruteqartarnermut qanoq atugassaqartitsisoqarnera.

**Greenland Airports, Transparency International Greenland (TIG) aamma Hotel Hans Egede A/S** inassuteqarput naammagittaalliortarnermut allaffissornikkut suliaqarsinnaanermik aaqqissuussisoqassasoq, pisariitsumik ersarissumillu suliaqartoqarsinnaanngorlugu.

**Nuna Advokatit** oqaaseqarput ukiut 3-5 ingerlaqqaassasut suliffeqarfiup eqqartuussivitsigut aalajangiisitsisinnaaneranut, immikkut akuersissuteqarsimasussaagaluarnersaq piginnaatitsissuteqarnermik imaluunniit taarsiissuteqartoqassanersaq.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiisitaanermullu Naalackersuisoqarfiup oqaatigaa aalajangiisuusiq eqqartuussivitsigut aalajangiisitsisoqarsimanissaa, inatsimmik tunngavilinnik aalajangikkanut. Eqqartuussivitsigut aalajangiisitsinikkut periarfissaajuaannarpoq aalajangiinerup isumannaatsumik periarfissat iluani misilinneqaqqissinnaanera. Taamaakkaluortoq Naalackersuisoqarfik isumaqarpoq allatigut misiliisoqarnissaanik pisariaqartitsisoqanngitsoq, aamma nukinnik annertuunik atuisoqartariaqassagaluortoq arlaannaannulluunniit atasuunngitsumik suliat misilinneqartarfiliussagaanni, naammagittaalliutaasinnaasunik inatsit naapertorlugu suliaqarnissanut. Taamaattumik aalajangiuisimaneqarpoq eqqartuussivitsigut aalajangiisitsisarnissaq inatsisissamut siunnersuummiittoq.*

### **2.13. Kapitali 12 -imut: Atortuulersitsineq aamma piffissamut ikaarsaariarfiusumut aalajangersakkat**

**Kommune Kujalleq** oqaaseqarpoq autorisationi piumasaqaateqarfiusoq piginnaanernik nutaanik, tamannalu ingerlatsisut annertunerujussuarnik piginnaaneqalernerannik kinguneqarsinnaasoq, tulluurtumillu ikaarsaariarneri aaqqissuussineq aqutaasinnaasoq aaqqissuussinerit nutaat eqqunneqarnerannut qularnaarisunik ingerlatsisuulersartut nutaat merserusulinnginnissaannik, suliffeqarfimmik takornariartitsinermi aallartitissamaartut akornanni.

**AECO** ilanngullugu inassuteqarpoq qularnaarneqassasoq pitsaasunik ikaarsaariarnermi aaqqissuussisoqarnissaa, qularnaarisunik maanna ingerlatsisuusut naammattumik piffissaqarnissaannut periarfissaqarnissaannullu ullunut nutaanut maleruagassanullu nutaanut, taamalu ikaarsaarneq pitsaanngissinnaasut annikinnerpaaffianiitsinneqarluni, qularnaarisunik najukkani ingerlatsisut ullunut nutaanut maleruagassanullu nutaanut ikaarsaarnissaannik, suliffinnut inuiaqatigiillu aningaasarsiornerannut annikinnerpaamik malunniuttumik.

**Air Greenland** oqaaseqarpoq pingaartuusoq inatsisip kingunissaasa nalilersuiffiqineqarluarnissaat, ingerlatsinernut pioreersunut atatillugu, ilanngullugulu nalilersorlugu naammassisinnaasanut nalorninaateqarsinnaanera, sukkasuumik inatsimmik atortuulersitsineq.

**Arctic Dream ApS, Greenland Airports, Grønlands Revision, Hotel Hans Egede A/S, Nalik Adventures, Nuna Advokater, Topas Explorer Group, Trophy Huntin Greenland, Transparency International Greenland (TIG), Qeqertalik Business Council & Destination Diskobay A/S aamma Visit Greenland** oqaaseqarput piffissaq ikaarsaariarfiususaaq siunnerfigineqartoq sivikippallaartoq, tamannalu maanna ingerlatsisuusunut annertuunik unammilligassaqartitsissalluni, suliffiutiminnik tuniniaanialersussanik imaluunniit pissutsinut nutaanut naleqqussartussaassasut, aammali annikitsuinnarmik piffissaqartitsisoqassasoq

ingerlatsilerniartunut nutaanut akuersissummik piniarnissamut, tamannalu piffissamik takornariartitsiviusussamik aseruisinnaasoq.

**Transparency International Greenland (TIG)** inassuteqarpoq piffissaliinerup sivitsorneqarnissaannik 1. august 2025 -imut nutaat ingerlatsilerniartut eqqarsaatigalugit.

**Greenland Airports** inassuteqarpoq piffissaq ikaarsaariarfiususaaq suliffeqarfinnut pioreersunut sivitsorneqassasoq, naleqqussaaneq pissusissamisoorneerpaamik ingerlanneqarsinnaaqqullugu, pisariaqassanngitsorlu pinngitsaaliilluni tuniniaasarnissaq. Greenland Airports siunnersuivoq piffissaq ikaarsaariarfiususaaq minnerpaamik ukiunik 3 -nik sivisussuseqassasoq suliffeqarfinnut pioreersunut, periarfissaqartillugulu immikkut akuersissuteqarsinnaanermut pisuni immikkut ittuni sivitsuisinnaanermik. **Visit Greenland** tapersiivoq aaqqiissutissamut suliffeqarfiit nutaat aallaqqaataaniilli malittarisassamik nutaanik malinnittarnissaannik, suliffeqarfiilli pioreersut malittarisassat nutaanngitsut iluanni ingerlatsinissaannut.

**Topas Explorer Group, Nuna Advokater aamma Qeqertalik Business Council & Destination Diskobay A/S** inassuteqarput piffissamik ikaarsaariarfiusussamik minnerpaamik ukiunik 5-10 -nik sivisussuseqartussamik.

**Visit Greenland** inassuteqarpoq siviuserusumik ikaarsaariarfeqartitsisoqarnissaannik suliffeqarfinnut pioreersunut, kiisalu periarfissamik assigiinngisitaartumik akileraartarnikkut aaqqissuussisinnaanermik. Visit Greenland siunnersuuteqarpoq suliffeqarfiit piunasaqaatinik nutaanik killiliussap naannginnerani naammassinnissimangitsut assersuutigalugu annerusumik akileraartinneqarsinnaasut. Tamatuma suliffeqarfiit siviuserusumik piffissaqartissavai naleqqussarnissamut, ingerlatsinermut nalorninaateqanngitsumik. Visit Greenland ilanngullugu siunnersuuteqarpoq ukiunut 10 -nut pilersaarummik suliaqartoqassasoq inatsisissamut siunnersuummi § 9-ip piginnittuunissamut piunasaqaataasup piviusunngortikkiartornissaanut. Anguniagaasinnaavoq najukkani namminerni piginnittuunerup 2/3 -inngorsinnaanera 2035 angutinnagu. Tamatuma najukkani najugallit naapertuuttumik periarfissaqartissavai piffissap ingerlanerani piginnittuunermik tiguisinnaanerannik.

*Inuussutissarsiornermut, Niuernermut, Aatsitassanut, Inatsisit Atuutinneqarnerannut Naligiissitaanermullu Naalackersuisoqarfiup tusarniaanermut akissutigineqartut aamma isumasioqatigiilluni oqallitsitsinerit tunuliaqutaralugit piffissamut ikaarsaariarnermut aalajangersakkanik iluarsisissuteqarpoq inatsisissamut § 20, imm. 2-mi, imaalillugu inatsit aatsaat atuutilissasoq takornariartitsinermik ingerlatsivinnut pioreersunut ulloq 1. januar 2027. Naalackersuisoqarfiup naliliineraa piffissaliineq ukiunik tallimaniit qulinut inatsisissatut siunnersuutip siunertaanut illuatungiliuttoq, inatsit taamaasilluni aatsaat ukiut amerlasuut qaangiuppata sunniuteqalissammat.*

Ilanngusaaq 2

**Tusarniaanermi allakkiaq  
Tusarniaanerup aappassaa**

Siunnersuut piffissami 2. juli 2024 -miit 16. juli 2024 -imut tamanut ammasumik tusarniaasarnermut Naalakkersuisut quppersagaanni ammatinneqarpoq, soorluttaa q siunnersuut piffissami tassani ukununga tusarniaassutigineqartoq:

- Naalakkersuisut Siulittaasuata Naalakkersuisoqarfia
- Ineqarnermut Attaveqaasersuutinullu Naalakkersuisoqarfik
- Aningaasaqarnermut Akileraartarnermullu Naalakkersuisoqarfik
- Aalisarnermut Piniarnermullu Naalakkersuisoqarfik
- Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik
- Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik
- Nunalerinnermut, Imminut Pilersornermut, Nukissiuuteqarnermut Avatangiisinullu Naalakkersuisoqarfik
- Meeqqanut Inuusuttunullu Naalakkersuisoqarfik
- Peqqissutsimut Naalakkersuisoqarfik
- Naalagaaffinngornissamut Nunanullu Allanut Naalakkersuisoqarfik
- Avannaata Kommunia
- Qeqqata Kommunia
- Kommune Qeqertalik
- Kommuneqarfik Sermersooq
- Kommune Kujalleq
- Eqqartuussissuserisoq - Advokat Aviâja Helms
- Eqqartuussissuserisoq - Advokat Gedion Jeremiassen
- Eqqartuussissuserisoq - Advokat Marie Louise Frederiksen
- Eqqartuussissuserisoq - Advokat Naja Joelsen
- Eqqartuussissuserisut - Advokatfirmaet Malling & Hansen Damm
- Eqqartuussissuserisoq - Advokatfirmaet Meinel
- Air Greenland
- Atorfillit Kattuffiat - Akademikernes Sammenslutning i Grønland (ASG)
- Arctic Circle Business
- Eqqartuussissuserisut - Arctic Law
- Arctic Umiaq Line
- Association of Arctic Expedition Cruise Operators (AECO)
- Avannaani Inuusutissarsiortut
- Banknordik

- Deloitte
- EY
- Sulisitsisut - Grønlands Erhverv
- Kukkunersiuisut - Grønlands Revision
- Grønlandsbanken
- Innovation South Greenland
- Eqqartuussissuserisut - Inuit Law
- Kalallit Airports
- Kalaallit Nunaanni Aalisartut Piniartullu Kattuffiat (KNAPK)
- Kommuni Pilersaarusiornermut Oqartussat
- Kalaallit Nunaanni Ilinniartitsisut Peqatigiiffiat (IMAK)
- Nalik Ventures
- Eqqartuussissuserisut - Nuna Advokater
- Nunatsinni Perorsaasut Kattuffiat (NPK)
- Oceans North Kalaallit Nunaat
- Peqqinnissaq Pillugu Kattuffiat (PPK)
- Pinngortitaleriffik
- Qeqertalik Business Council
- Sermersooq Business
- Sikuki
- Sulineramik Inuussutissarsiuteqartut Kattuffiat (SIK)
- Visit Greenland
- WWF Kalaallit Nunaanni

Piffissap tusarniaavigineqartup naanerani Naalakkersuisut tiguaat tusarniaanermi akissutit ukunanga. Naalakkersuisut ilanngullugit akueraat tusarniaanermi akissutit piffissaq naareersoq tiguneqartut ilanngunneqarsinnaassut.

- Ineqarnermut Attaveqaasersuutinullu Naalakkersuisoqarfik
- Meeqqanut Inuusuttunullu Naalakkersuisoqarfik
- Aningaasaqarnermut Akileraartarnermullu Naalakkersuisoqarfik
- Aalisarnermut Piniarnermullu Naalakkersuisoqarfik
- Nunalerinermut, Imminut Pilersornermut, Nukissiuuteqarnermut Avatangiisinullu Naalakkersuisoqarfik
- Avannaata Kommunua
- Qeqqata Kommunua
- Kommune Kujalleq
- Arctic Circle Business
- Arctic Dream
- Association of Arctic Expedition Cruise Operators (AECO)



- Danmarks Rejsebureau Forening
- Dr Jonathan Bell
- Eimskip
- Erik Bek Lomholt
- Escales
- Forsikring og pension
- Sulisitsisut - Grønlands Erhverv
- Kalaallit Nunaanni Politiit - Grønlands Politi
- Grønlandsbanken
- Guide to Greenland
- Hurtigruten
- Kalaallit Airports
- Nalik
- Nanortalik/Serano Boat Tours
- Nuna advokater
- Nunatsinni Perorsaasut Kattuffiat (NPK)
- Poseidon
- Sikuki Nuuk Harbor
- Sulinermik Inuussutissarsiuqartut Kattuffiat (SIK)
- Transparency International Greenland (TIG)
- Visit Greenland

Tulliuttuni tusarniaanermi akissutigineqartut allannguutissatullu siunnersuutigineqartut sammineqassapput. Oqaatigineqassaaq tusarniaanermi akissutigineqartut taamaallaat pingaarnersiorlugit issuarneqartarmata, soorluttaaq immikkut aallunneqartut isummersuutit siusinnerusukkut tusarniaanermi sammineqartarsimanngitsut. Naalakkersuisut oqaaseqaataat orlingasumik nalunaarneqarput.

Tusarniaanermi akissutigineqartut tamarmik tamakkerlugit Inatsisartuni ataatsimiititaliamut suliamik suliaqartumut ingerlatinneqarput.

### 3. Ataatsimut oqaaseqaatigineqartut

**Guide to Greenland** akuersivoq Kalaallit Nunaanni takornariartitsinerup aaqqiivigineqartariaqarneranik.

**GrønlandsBANKEN** isumaqarpoq inatsisissamut siunnersuummi iluaqutissat isigineqarsinnaasut ersernerlunnerusut siunnersuummi ajoqutaasinnaasuniit.

**Transparency International Greenland** akuersivoq inatsisissatut siunnersuutip erseqqarinnerullunilu paasiuminarnerneranik maanna, kisiannili aalajangiusimaneqarput oqaaseqaatigineqareersut tusarniaanermi 27. Maj 2024 akissutigineqarsimasut.

**Nalik Ventures** nersualaarivoq inatsisissatut siunnersuummi aallaavigineqartunik, taamaattumillu ilassutitut oqaaseqaatissaqarani.

**Qeqqata Kommunია** qujavoq allannguutitut missingersuusiami atuuttumi, kisiannili suli assut ernumagalugit inatsisissatut siunnersuummi aningaasarsiorneq inuiaqatigiinnullu pitsaanngitsunik suniutaasussat.

**Nanortalik** isumaqataannilaq takornariartitsisarnermi licensi pisariaqartinneqassammat, tamanna suli allaffissornerulernermit kinguneqassammat, imaatigut ilaasunik maanna angallassisarneq Søfartsstyrelse suleqatigalugu ingerlanneqareemat.

**Nunatsinni Perorsaasut Kattuffiat** tunngaviusutigut tusarniaanerup kingornagut allannguutitut isumaqataavoq, allanillu oqaaseqaatissaqarani.

**Avannaata Kommuniata** kissaatigaa inatsisissamat siunnersuutikkut killiliussannik aaqquissuussisoqarnissaa Namminersorlutik Oqartussat ingerlatsisinnaanerannut, soorlu World of Greenland, namminersortunut unammillertut.

**Nunalerinermut, Imminut Pilersornermut, Nukissiuuteqarnermut Avatangiisunullu Naalackersuisoqarfiup** ilalerpaa kissaateqartoqarnera qularnaarinissamik illersuinermillu sumiiffiit assiginngitsut sumut atorneqarsinnaanerannik, angalaartut isumannaatsumik atugaqartarnissaat, kiisalu naasut uumasullu. Kiisalu iluarisimaarneqarpoq inatsisissamat siunnersuummi ataatsimut isigisumik eqqumaffigineqarmat aqutsineq inatsisitigut atuuttutigut, aalajangersakkallu imminnut matussusersinnaaneri imaluunniit assortuussinnaaneri, taamaattorlu oqaatigalugu suli arlalitsigut ersernerluttoqarmat anguniakkanni zone-nut immikkoortitserinerni, kikkullu taakkuninnga aqutsisuunerannik.

**Poseidon Expeditions** oqaaseqarpoq siunnersuutip kingunerissagaa Poseidon Expeditions Kalaallit Nunaannik umiarsuarnut takornariartaatitut ornittagaqarunnaassasoq.

**Aningaasaqarnermut Akileraartarnermullu Naalackersuisoqarfik** naliliivoq siunnersuut annerusutigut pitsaanngitsunik aningaasarsiornermut sunnuteqassasoq ilaatigut inuussutissarsiornermi. Tamanna isigineqassaaq siunnersuut inuussutissarsiornermi aningaasarsiornermik allaffissornermullu nammagassanik kinguneqartussaananit. Siunnersuullu ilutigisaanik killiliisussaavoq avataaneersut aningaasalersuunerannik Kalaallit Nunaanni takornariartitsinermit.

*Inuussutissarsiornermut, Niuernermut, Aatsitassanut, Inatsisilik atortitsinermit Naligiissitaanermullu Naalackersuisoqarfiup maluginiarpaa tusarniaavigineqartut suliassaqarfiup inatsisitigut aqunneqartariaqarnera akuerigaat, siunnersuummili allannguinerit nersualarneqartutut ittut. Naalackersuisoqarfiup aamma akueraa akuersissummik takornariartitsinermit piumasagaateqartoqarnera aaqquissutaasinnaasoq ingerlatsisut ilaannut, kalaallini inuiaqatigiinni aningaasaliinnginnissamat, tusarniaavigineqartut ilaasa ernummatigisaattut. Ilutigisaanik Naalackersuisoqarfik isumaqarpoq pisariaqartooq suliassaqarfimmik aqutsisoqarnissaa, pitsaaqutaasullu ajortunit amerlanerusut. Tamatumunnga atatillugu innersuunneqarput siunnersuummut nassuiaatitut oqaaseqaatigineqartut nalinginnaasut, ingammik 1.1.*

#### 4. Inatsimmi immikkoortunut ataasiakkaanut

##### 2.2. Kapitalimut 2 -mut: Akuersissummik – piumasaqaammut

##### 2.2.1. Akuersissummik peqarnissamut ataatsimut piumasaqaatinut

**Avannaata Kommunia** ilaatigut oqaaseqarpoq akuersissummik tunniussisinnanermut oqartussaaneq kommunalbestyrelsini inissimasariaqartoq Namminersorlutik Oqartussani pinnani, nunanit allanit umiarsuarnik takornariartaatinik ingerlatsisunut kalaallini pissutinik ilisimasaqanngitsunut akuersissuteqartoqartassanngitsoq, tamakkua kalaallini pissutsinik pinngortitamillu killeqartunik ilisimasaqartarmata, qajartortut mattuttariaqartut, nunatsinni qaannamut instruktøritut ilinniarsimanngitsut, piumasaqaateqartariaqartorlu maani najugalimmik angalaqateqartarnissamik, sillimaniarneq eqqarsaatigalugu – tammajuitsussarsiniarluni piniartoqartillugu, qimussimillu angalasuni najugallit salliutinneqartassasut.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalakkersuisoqarfiup nalilerpaa akuersissummik tunniussisarnerup Naalakkersuisuniinnissaa iluaqutissartaqartoq, assigiimmik allaffissornissaq eqqarsaatigalugu. Sillimaniarnikkut il.il. piumasaqaatit ujartorneqartut suliarineqassapput allaffissiornikkut peqqussusiornermi Inatsisartut inatsisaannik tunngaveqartumik, akuersissummillu tunniussinissami.*

**Arctic Circle Business** oqaaseqarpoq akuersissut sammisaqartitsisut assigiinngitsut aallaavigalugit tunniunneqartariaqartoq, akuersissummi takornariartitsineq tamaat aallaavigalugu aaqquussisoqartaqqunagu, kisiannili sammisaqarfiit assigiinngitsut tunngavigineqartariaqartut.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalakkersuisoqarfiup oqaaseqarpoq akuersissut – suleqatigiit assigiinngitsut aallaavigalugit tunniunneqarsinnaasoq, soorluli itigartitsisoqarsinnaasoq ingerlanniakkat ilaanni, allanilu akuersilluni. Apeqqut taanna suliassap ingerlannerani isummerfigineqartassaaq, allaffissornermi akuersissummik tunniussinissamut.*

**Trophy Hunting Greenland** oqaaseqarpoq ersernerluttoq siunnersuutip § 1, imm. 3 -ia qanoq suliffeqarfimmut piffissanik piniarfiusartunik arlariinnik ingerlatsisumut sunniuteqarnissaa, ukiullu ilaani sumiiffimmi akuersissuteqarfiunngitsumi piniartariaqartartumut.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalakkersuisoqarfiup oqaatigaa takornariartitsisarneq pillugu Inatsisartut zone-nut il.il. inatsisissaannut siunnersuut sumiiffinnut killilersuinertaqartoq akuersissutinut atortuusussaasoq sumiiffimmi immikkut toqqarneqartuni. Sumiiffinni takornariartitsiviusartussatut akuersissuteqarfiusut avataanniittuni akuersissummik peqarnissamik piumasaqaateqassaaq, inatsimmi piumasaqaataasut naammassineqarsimatillugit.*

### 2.2.2. Inatsimmi ilaanngitsut

**Arctic Circle Business** isumaqarpoq soqutaanngitsuut killiliussaq 50.000 kr. -iusoq peertariaqartoq.

**Association of Arctic Expedition Cruise Operators** oqaaseqarpoq isumaliutigineqarsinnaasoq soqutaanngitsunut killiliussap akuersissummi killingata qaffanneqarsinnaanera, maanna killiliussaq 50.000 kr.- appasimmat isertitanut pisariaqartunut, takornariatitsinermik ingerlatsisutut aaqqissuussinermi.

**Visit Greenland** isumaqarpoq soqutaanngitsunut killiliussaq 50.000 kr. -i qaffasippallaartoq, najugallit aamma avataaneersut naligiinngitsumik imminnut unammilissammata. Taamaattumik kaammattuutigineqarpoq killiliussap apparneqarnissaa imaluunniit peerneqarnissaa, najukkamilu inuussutissarsiornermut siunnersuisoqatigiit nukittorsarneqarnissaat, ikiuussinnaalersillugit nuannariinnarlugu takornariatitsisartut ingerlatsisunngornissaannut piumasaqaatinillu naammassinnittalernissaannut, takornariatitsinermik ingerlatsisuulerlutik.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalackersuisoqarfiup pissusissamisoortutut nalilerpaa minnerpaaffissamik akuersissummut killeqarnissaa, qaffasissuserlu pissusissamisoortoq.*

**Guide to Greenland ApS** inassuteqarpoq § 3, imm. 2 -mi ilassusiisoqassasoq “Kalaallit Nunaanni takornariatitsisarneq takornariatunik kiffartuussinerusoq Kalaallit Nunaata avataani ingerlanneqartoq akuersissummut piumasaqaammut ilaanngitsoq”, inatsimmi siunertaasimagunangimmat, assersuutigalugu kalaallit angalatitsiviisa nunatsinni tunisagaat soorlu Island-imut angalaneq akuersissummut piumasaqaammut ilaanissaa. Ilanngullugu inassutigineqarpoq ilanngunneqassasoq: ”Takornariatitsinermik ingerlatsisartut kiffartuussinernik neqeroorutaat takornariatunut akuersissummi ilaanngillat.”.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalackersuisoqarfiup oqaatigaa taamaallaat takornariatitsinermik ingerlatsineq Kalaallit nunaanni namminermi ingerlanneqartoq aamma imartaani ilaasut. Naalackersuisoqarfiup oqaatigaa ilanngullugu siunnersuummi nassuiaatitut oqaaseqaatini ersimmat takornariatitsinermik ingerlatsisut neqeroorutiminnik paasisitsiniaaner at inatsimmi ilaanngimmat.*

### 2.2.3. Akuersissutip piffissamik killiligaanera pillugu

**Kommune Kujalleq** oqaaseqarpoq isumaliutigillaqqullugu pissusissamisoornersoq akuersissutip – aallaavittut killilimmik piffissaligaanissaa.

**Nuna Advokatit** kissaatigaat inatsimmut nassuiaatitut oqaasertaliussani ersissasoq pissutsit qanoq ittu aalajangiisuusarneri akuersissutip piffissamik killiligaasarnernat.

*Inuussutissarsiornermut, Niuernermut, Aatsitassanut, Inatsisinik atortitsinermut Naligiissitaanermullu Naalackersuisoqarfiup pissusissamisoortutut isigaa licensip aallaavittut piffissamik killiligaasarnissaa. Tamatumunngalu atatillugu oqaatigineqarpoq piumasaqaataasoq*

*licensimik atuisinnaanermut atugassarititaasut naammassineqarnissaat. Inatsisissamut siunnersuummut oqaaseqaatini erseqqissarneqarpoq pisut qanoq ittut pissutaasinnaaneri piffissamik killiliisinnaanermut.*

#### **2.2.4. Immikkut akuersissuteqarsinnaanermut periarfissat**

#### **2.2.5. Paasissutissanik avitsisarneq**

**Arctic Circle Business** isumaqarpoq siunnersuummi § 5 suli periarfissaqartitsisoq unammilleqatigiinnerup assigiinnngissinnaaneranik, aalajangersagarlu Kalaallit Nunaanni kisitsisinik paasissutissanik ingerlatsivimmud killeqartariaqartoq.

*Inuussutissarsiornermut, Niuernermut, Aatsitassanut, Inatsisinik atortitsinermit Naligiissitaanermullu Naalackersuisoqarfiup isummersuutit maluginiarpai, taamaattorli isumaqarluni siunnersuutikkut naapertuuttumik oqimaaqatigiissitsisoqartoq, unammillerneq akornuserumanagu.*

#### **2.3. Kapitali 2 -mut: Umiarsuarnut takornariartaatinut atuutinngitsunut**

**Blue Water Greenland** nalunaarpoq inatsisissatut siunnersuummi pitsanngoriaateqartoq, ilaasunik angallassineq akuersissummi ilaanngimmat, kisiannili erseqqissaanissaq pisariaqartoq suut atuunnersut qaannanut, paddelbordingimi, scenic cruises med zodiac-imi, imaani aqqartarnermi aamma helikopterinut ilaalluni sisorariartarnernut. **VP Expedition Development** nalunaarpoq pisariaqartitsisoqartoq erseqqissaatinik, siunnersuut umiarsuarnut takornariartaatinut qanoq sunnuteqassanersoq pillugu. **Association of Arctic Expedition Cruise Operators** oqaaseqarpoq pisariaqartoq erseqqissaasoqarnissaa, malittarisassat suut atuunnersut misigisassarsiorlutik umiarsuarnut takornariartaatinut ilaasunut, ilisarnaateqartunut imaatigut angalaarnernik, najukkani ingerlatanut, namminerlu atortut atorlugit sammisanut. Tamanna tunuliaqutaralugu inassutigineqarpoq umiarsuup atortorissaarutai atorlugit nunaliaassuisarneq (ship to shore) inunnik assartuinerup ilagigaa takornariarnerunngitsoq.

**Association of Arctic Expedition Cruise Operators** inassuteqarpoq akuersissummut piomasaaqammud immikkut akuersissuteqarnermik aalajangersagaqassasoq, minnerpaamik inoqarfinni umiarsuup nammineq atortunik atuiffiusinnaasunik, kiisalu aamma zone-nut aqutsinerni inatsisini aqutsinernut allanut atasuni.

*Inuussutissarsiornermut, Niuernermut, Aatsitassanut, Inatsisinik atortitsinermit Naligiissitaanermullu Naalackersuisoqarfiup tusarniaanermi akissutit tiguneqartut tunuliaqutaralugit inatsisissatut siunnersuummi nassuiaatitit oqaaseqaatini erseqqissarpai inatsisissatut sinnersuutip kingunerisai, umiarsuarnut takornariartunik angallassissutinut atatillugu.*

#### **2.4 Kapitalimut 3-mut: Pisinnaatitsissummik pigisaqartut**

**Arctic Circle Business** nalunaarpoq iluarisimaarlugu piginnittuunissamik piomasaaqat sakkukillineqarmat, kisiannili ilutigisaanik oqaatigalugu piomasaaqat suli uniffissaqarsinnaasoq, aammalu ikaarsaariarnermi aalajangersakkat pitsaanerusut qularnaarneqartariaqartut. **Danmarks Rejsebureau Forening** oqaaseqarpoq § 9 -mi piginnittuunermik aalajangersagaq peertariaqartoq

**Danmarks Rejsebureau Forening** ilanngullugu erseqqissaavoq najugaqartuunissamik piumasaaqat kinguneqarsinnaasoq arsaarinnilluni akulerunnertut. Isummamut ilalersuutitut ilanngunneqarpoq isummersuut professor mso, dr.jur., Frederik Waage -imeersoq, imaqartoq isummersuutitunik tunngaviusumik inatsimmi § 73-imut, kiisalu Europamiut inuiattutut pisinnaatitaaffiit isumaqatigiisummi aalajangersakkanik.

**GrønlandsBANKEN** nalunaarpoq Naalakkersuisut naapigiarsimagaat isornartorsiutit ilaat nunanut allamiunut piginnittuunermik killilersuutitini 33 % -iniit 50 % -imut qaffaanermikkut, ilutigisaanillu ikaarsaariarnermi aalajangersagaliorlutik 1. januar 2027-imut. Ilutigisaanik nalunaarneqarpoq tamatuma GrønlandsBANKEN -imit ernumassutaasut peersinngikkai, inatsisiliornerup kingumoortumik atortuulertussap nalorninaataanik, soorluttaaq aningaaseriviup takusinnaanngikkai iluaqutissat inatsisissatut siunnersuummi §§ 8 aamma 9-mi.

**Sikuki Nuuk Harbour A/S** oqaaseqarpoq ajornarnerulersinnaasoq pisariaqartunik aningaasaliisussanik pissarsiniartarneq takornariartitsinerup ineriartortinnissaani, nunanit allaniit aningaasaliisartut killilerneqarnerisigut, tamannalu Kalaallit Nunaanni ilorraanut ineriartornermik unitsitsinnaasoq.

**SIK-mit** ilalernerqarpoq aningaasaliissutissanut piumasaaqat affaanit annertuninngorlugu.

**Avannaata Kommuniata** oqaatigaa kommunalbestyrelsip tungaaniit eqqaaneqartoq piginnittuunermut piumasaaqat naammagisimaarnartoq, taamaattorli ernummataasinnaasoq inatsimmi putunik iluaquteqartoqarsinnaanera.

**Ineqarnermut Attaveqaasersuutinullu Naalakkersuisoqarfik** oqaaseqarpoq isumaliutigisariaqartoq siunnersuummi najugaqarnermut piumasaaqataasoq akileraartussaanerlu inunnut, kiisalu inatsisit naapertorlugit inunnut Kalaallit Nunaanni takornariartitsinermik ingerlatsiumasunut, pitsaanngitsunik tamakku kinguneqarsinnaasut, inuk nammineq atukkaminik tunngaveqartunik takornariartitsinermut pitsaanngitsunik sunniuteqarsinnaammat, Kalaallit Nunaanni inuit allattorsimaffianni nalunaarsorsimannginnikkut.

*Inuussutissarsiornermut, Niuernermet, Aatsitassanut, Inatsisunik atortitsinermut Naligiissitaanermullu Naalakkersuisoqarfik tusarniaanermi akissutaasut tunuliaqutaralugit ilanngussivoq siunnersuummi nassuiaatitut oqaaseqaatinut tunngaviusumik inatsimmi § 73 -imut atatillugu. §§ -ini 8-9 piumasaaqataasunut atatillugu siunnersuummut nassuiaatitut oqaaseqaatit innersuunneqassapput.*

## **2.5. Kapitali 4 -mut: Sillimaniarnermut pilersaarutit**

**Nuna Advokatit** inassuteqarput skabelonimik suliaqartoqassasoq nalorninaatinik nalilersuisarnermut atortussamik, inatsimmut ilanngussatut ilaasussamik, assigiissaarisoqaqqullugu, taamalu qinnuteqarneq allaffissornerlu pisariinnerulersillugit. **Visit Greenland** ujartuivoq aamma immikkuualuttortaqarnerusumik malittarisassamik sillimaniarnermut pilersaarutitut atatillugu, ikiorsiisinnaasumik suliffeqarfinnut piumasaaqatinik malinninnissamut naammassisaqarfiunerusumik.

*Inuussutissarsiornermut, Niuernermut, Aatsitassanut, Inatsisinik Atortitsinermit Naligiissitaanermullu Naalackersuisoqarfiup maluginiarpai kissaataasut ilitersuusiornissaannik il.il.*

**Trophy Hunting Greenland** isumaqarpoq sillimaniarnermut pilersaarutitut atasumik aalajangersagaq allanngortittariaqartoq, imaalillugu pilersaarusiaq tuluttut suliaassalluni, kiisalu oqaatsini allani pisariaqartuni, sulisuusut suliffeqarfimmi atuarsinnaasaannik. Ilanngullugu nalunaarneqarpoq kukkunerussasoq piumasarissallugu sillimaniarnermut pilersaarutip kalaallisut suliaanissaa, suliffeqarfinni piginnittoq imaluunniit sulisut kalaallisut piginnaaneqanngippata. Kiisalu kaammattuutigineqarpoq skabelonit ilitersuutitut sillimaniarnermut suliarineqassasut.

*Inuussutissarsiornermut, Niuernermut, Aatsitassanut, Inatsisinik atortitsinermit Naligiissitaanermullu Naalackersuisoqarfiup maluginiarpai kissaatigineqartut, kisiannili isumaqarluni pingaartoq aamma pisariaqartoq sillimaniarnermut pilersaarutip kalaallisut tuluttullu suliaanissaa.*

## **2.8. Kapitali 7 -imut: Pisortanut aningaasartuutunik utertitsisarneq**

**Ineqarnermut Attaveqaasersuutinullu Naalackersuisoqarfik** nalunaarpoq pisinnaatitaaffinnik allannguinuq Inatsisartut inatsisaanniittoq pisortat sulianik ingerlatsisarneranni kiisalu Inatsisartut inatsisaanni pisortat ingerlatsisarnerat pillugit tunngaviusunik inatsisini pineqartuni pisariaqartut, kiisalu paasisinneqarsinnaanermik pisinnaatitaaneq tunngaviusumik pisinnaatitaaffiusoq, tamannalu tunngavigalugu isumaliutigeqqittariaqartoq piumasaqaateqarnissaa akitsuummik paasisinneqarsinnaatitaanermi. Ilanngullugulu oqaatigineqarpoq inassutigineqartoq peqqissaartumik suliarineqassasoq qanoq akitsuutip taaguutaata aqqissuunneqarnissaa, inatsisitigut ileqqussat atasut ilanngullugit.

**Nuna Advokatit** oqaatigaat akitsuutitut aalajangersakkami suliamik ingerlatsinermit qinnuteqaatinik ilaasoq Naalackersuisut piumasarisinnaagaat akiliuteqartoqartarnissaa suliamik ingerlatsinermit, paasisinneqarnissamat atasumik, tamannalu pisinnaatitaaffiusoq, kiisalu takuneqarsinnaanngitsoq piumasaqaatinik aalajangersaasoqarsimanera akuersissutitut inatsisini allani. Taamaattumik aalajangersakkap peerneqarnissaa inassutigineqarpoq.

*Inuussutissarsiornermut, Niuernermut, Aatsitassanut, Inatsisinik atortitsinermit Naligiissitaanermullu Naalackersuisoqarfik oqaaseqarpoq inatsisissamat siunnersuummi § 12, -imi pisinnaatitsisoqanngitsoq akiliuteqartitsisarnissamat Inatsisartut inatsisaat naapertorlugu paasitinneqarnermi, kisiannili tamanna taamaallaat sulianik ingerlatsinermit inatsimmi nalunaarsorneqarsimasoq. Naalackersuisoqarfiup nalilerpaa pissusissamisoortoq qinnuteqartut paasitinneqarnermi akiliuteqartitsisarnissaq, allaffissornermut aningaasartuutitut atatillugu.*

## **2.10. Kapitali 9 -mut : Zone-nut immikkoortitserineq il.il inuussutissarsiutinik ingerlatsinermit sumiiffinnullu killilersuutit**

**Association of Arctic Expedition Cruise Operators** inassuteqarpoq qularnaarisoqassasoq periaasissamik soqutigisaqartut tamarmik piffissalernerqarfigisaannik periarfissaqarfilerneqarfigisaannillu siunnersuummut illuatungiliisinnaanermik, sumiiffinni aalajangersimasuni killilersuutitut atasunik. Ilanngullugu inassutigineqarpoq

oqaasertaliisoqarnissaa atugassarititaasut suut zone-nut tunngaviunersut pillugit, taamaasillugulu qularnaarlugu ataqatigiinneq aamma isiginiagassat zone-nik ingerlatsinermi. Inassutigineqarpoq zone-nik nutaanik atortuulersitsineq malittarisassanillu tamatumunnga atasunik allanngiineq atortuulernissamut naammattumik piffissalernerqassasoq, imaluunniit ikaarsaariarnermi piffissaliisoqassasoq, inuussutissarsiortunut siumut ilisimatsitsisoqareersinnaaqullugu.

**Nunalerinnermut, Imminut Pilersornermut, Nukissiuuteqarnermut Avatangiisunullu Naalakkersuisoqarfiup** kissaatigaa akulerunneqarnissi, zone-nut immikkoortitserineq pilerpat, ersernerluttutullu nalilerlugu kina aalajangersakkamik aqutsisuunersoq.

*Inuussutissarsiordernermut, Niuernermut, Aatsitassanut, Inatsisinik atortitsinermit Naligiissitaanermullu Naalakkersuisoqarfiup maluginiarpa kissaataasoq aammalu oqaatigissallugu malittarisassiorneq pissammat allaffissornikkut suliatut tusarniaassutaasussatut il.il. – atortuulersitsineq ikaarsaariarnermi aalajangersakkat il.il. tamatumani aalajangersaavigineqassallutik.*

**VP Expedition Development** neriuppoq umiarsuit takornariartaatit immikkut aallukkunnaarneqassasut nunami zone-nik immikkoortitserinermi, kiisalu ingerlatanik killilersuinnermut aalajangersakkat tunngaveqartariaqarlutik nassuiaasiordermik qanoq anguniakkat anguneqarnissaannik.

*Inuussutissarsiordernermut, Niuernermut, Aatsitassanut, Inatsisinik atortitsinermit Naligiissitaanermullu Naalakkersuisoqarfiup kissaataasut maluginiarpai.*

**Aningaasaqarnermut Akileraartarnermullu Naalakkersuisoqarfik** isumaqarpoq malittarisassiorsinnaanikkut angalaartarnermut uninngaartarnermullu sumiiffiit ilaanni annertuumik aqutsisoqassasoq sumiiffinni sorlarni inuussutissarsiortoqarsinnaanerani (kommunit isummereersimangippata kommunimut pilersaarummi il.il.), taamaalillunilu pisussaaffimmik kommuniniit Naalakkersuisunut nuussisoqarluni. Nalunaarneqarpoq tigussaasumik pilersaarusiordernermut atatillugu qanittumiittut oqaasissaaqataanerat pingaartinneqarmat, taamalu najukkani oqartussaaqataaneq, siunnersuullu ileqquusumik unitsitsinerussalluni. Tamanna tunuliaqutaralugu inassutigineqarpoq siunnersuummi § 1, imm. 2, aamma § 15, imm. 1, kililerneqassasoq, inuussutissarsiutigalugu takornariartitsinermik ingerlatsineq, sumiiffimmi aalajangersimasuinnarni pisinnaasoq.

*Inuussutissarsiordernermut, Niuernermut, Aatsitassanut, Inatsisinik atortitsinermit Naligiissitaanermullu Naalakkersuisoqarfiup oqaatigaa pissusissamisoortutut isigineqarsimammat Naalakkersuisoqarfiup oqartussaaffigisaata iluani aqutsisoqarnissaa zone-nut immikkoortitserinermik. Naalakkersuisoqarfiup eqqumaffigaa malittarisassiortoqassanngitsoq nalunaarutitut oqartussaaffik sinnerlugu, soorluttaaq oqaatigineqassasoq Inatsisissamut siunnersuummi nalunaarneqarmat Naalakkersuisut pisinnaatitaasut suliassaqarfimmut malittarisassiorsinnaaneramik, kisiannili aallaavittut kommunit suliassanik aallartitsisartussaasut, immikkullu illersuisoqarluni, immikkullu atugassaqartitsisoqarluni inuussutissarsiutininik ingerlatsinermit, imaluunniit sumiiffimmi angalaartarnermut. Naalakkersuisoqarfik isumaqarpoq tamatumuuna naammattumik isiginiasoqartoq kommunit oqartussaaffiannik, najukkani*



*misilittakkanik il.il. Naalackersuisoqarfullu aamma nalilerpaa zone-nut malittarisassat siammassinnerusumik atuuffeqartariaqartut takornariartitsinerup saniatigut.*

**2.13. kapitalimut 12 -imut: Atortuulersitsineq aamma ikaarsaariarnermi aalajangersakkt Advokatit aamma Visit Greenland oqaaseqarput piffissaq ikaarsaariarfiusoq sivikippallaartoq.**

**Association of Arctic Expedition Cruise Operators** inassuteqarpoq qularnaarisoqassasoq ikaarsaariarnermi aalajangersakkanik pitsaasunik. Qularnaarisussanik najukkani ingerlatsisut naammattumik piffissaqarnissaannik malittarisassanut nutaanut ikaarsaarnissamut, taamalu ikaarsaarerup ajortortarisinnaasai annikitsuutinneqarlutik, suliffitsigut inuiaqatigiinnilu aningaasarsiornikkut. Oqaatigineqarpoq tamatumunnga atatillugu piffissap ikaarsaarfiusup 1. januar 2027 -imut piffissaliunneqarsimanera pitsaasuusoq suliffeqarfinnut ingerlatsereersunut. Tamatuma kingorna malugeqquneqarpoq tamanna atuukkunanngitsoq ingerlatsisunut Kalaallit Nunaanni ingerlatsinermik pilersaarusiortunut, kisiannili taamaallaat ingerlatsereersunut.

*Inuussutissarsiornermut, Niuernermet, Aatsitassanut, Inatsisinik atortitsinermet Naligiissitaanermullu Naalackersuisoqarfiup kissaataasoq maluginiarpaa sivisunerusumik ikaarsaariarnermet piffissaqarnissaanik suliffeqarfinnut maanna pioreersunut. Taamaakkaluartoq Naalackersuisoqarfik naliliivoq piffissaliineq 5-10 -nik ukiunik inatsisissamut siunnersuummut illuatungiliunnissamut aatsaat ukiut amerlasuut qaangiuppata sunniutissasoq.*